





586227

BIBLIOTHECA
UNIV. JAGELL.
CRACOVIENSIS


586227




586227


|

Mag. St. Dr.





A·M·FRE·DRO
Monita politico
Moralia.



MDCCXLVIII.

1

L

ANDREÆ
MAXIMILIANI
FREDRO,
Castellani Leopoliensis,

MONITA
POLITICO-
MORALIA,
ET
ICON
INGENIORUM.

Editio Novissima.



VIENNÆ prostat in Officina libra-
ria sub signo aurei velleris. 1748.

LAUS
Uni in
SS. TRINITATE
D E O,

Et uni Virgini
MATRI DEI

Honor.

5862271

Mag. St. Dr.

1866 K 45 St. Dr.

BIBL. JAG.



Author Lectori Salutem

Romptius (credo) succensibis, pro intuitu Operis, quām laudabis Scriptum, LECTOR. Confusum ajes, quia non in materias combinatum, verūm studiosè concilum, opere desultorio sparsum, membratim distractum. Non diffiterer ingenuè defectum, si aliter facere potuissē; verūm quot monita, tot rerum diversarum habes arcana; Forte verò videbuntur aliqua, inani studio repetita bis, terque si re-leges, sensum & verba ponderabis, novum gustum ut capias, exinde longè videbis à semet diversa, aut rem in melius explicantia. Charior (utique spero) tibi obveniet horum lectio;

quo mihi operosior venit scriptio;
non enim noveñio (quod vulgo ajunt)
pressa, sed bis novenni opera lima-
ta, trutinata. Domesticorum moni-
torum loco, hæc mihi (secretiori
calamo) sensim cepi dudum annota-
re, crevit (per agnitos cominus pu-
blice privatimque errores) ab expe-
rientia, & adjectione diurna, opus,
cur improbes? si fidenter profero id
palam, & Catholica charitate, tibi
quoq; non obfuturum communico,
casta sobriaque mente præsertim le-
gendum: Dabis aliquid pro navo:
lubens acceptabo; quid enim nostrum
in orbe perfectum? & vita, & scripta,
credo, non sunt prorsus errore vacua.
Parces, LECTOR, facile mihi homi-
ni, ipse dum homo es, habes, credo
(dicto facto) tibi, quod ab aliis
parcatur. Vale.

Cau-

Cautio.

Qui semel hæc legis, neutiquam
legisse te puta: Iterato revol-
vis? scies aliquid: Jam qui tertio:
Utiq[ue] totum capies, idque non per-
functoriâ aut abruptâ operâ, verùm
recollecta (& in se retracta per to-
tum mente) lecturus: Ni vero facias,
sepone quæso librum, vel aliud age:
Leviticuli & obliqui procul hinc fun-
to, maturis & defæcatis ingeniis
ista scribuntur.



AN.



ANDREÆ MAXIMILIANI
FREDRO,
Castellani Leopoliensis.
MONITA POLITICO.
MORALIA.

Seu

Quomodo vivendum cum pau-
cis, cum Populo, salva Virtute,
Gratia, & Authoritate.

Pars Prima.

Politico - Moralium.

I.

DEUM publicè & cum apparatu
cole, ut tibi facto, aliisque pro-
ficias exemplo, virtuosi nomen
non ex vano paraturus, eoque potiens.
2. Sobrius sis, ut eveniant tibi res sa-
næ & sobriæ,

3. Om-

3. Omnia serio fac , & cum gravitate, nunquam obiter : Immò lentè fac , nec pro-
peranter. Currendo , non rependo , fit lapsus . Deus cum magnificum opus mundi aggrede-
retur , & momento in unico , pro summa
potestate potuisset creare perfectum totum,
prout potuit , immò fecit ; sed cum huma-
no modo factum orbi repræsentat , sex ve-
lut dies insumpfit operi , ut monstraret mor-
talibus , magna nisi sensim posse fieri cor-
recta , perfectaque : vel quia magis ma-
gnificatur opus , cui non obiter immoramus
faciendo. Vis rem bene habere ? Lentè fac ,
& sæpe corrige. De ipsa experire , reper-
turum te vesperi , quod corrigas , quod
actum , aut habitum ex perfecto credidisti.

4. Sis publicè munificus , sine jactantia
& prodigalitate ; perdere multi scinnt , de-
nare nesciunt.

5. Non impera , non pete , nisi quæ ob-
tinere speras ; qui impossibilia petit , non
vult habere , & simul vult offendit. Idque
per alios petes , nec satagenter : non obje-
ce statim autoritatem ; sæpe quæ nimis
petimus , nobis neganda præcavemus.

6. Non promitte , nisi quæ præstare po-
tes , ne levitatis arguaris.

7. Non dic , nisi quæ vera , & sine in-
vidia audientium.

8. Frustra minas intendis , si timeri non

credis , potius præoccupa contemptum minorum dissimulatione.

9. Meminisse magis oportet; quam irasci aut dolere, infra tuum animum esse doce, quæ acciderunt, ac potius per risum habe.

10. Nee te lauda, nec vitupera, ab hoc contemptus , ab illo invidia paratur.

11. Non mirare, non canta, non lude, ut leviusculus.

12. Non sæpius quære , potius scientiam, quam inscitiam simula.

13. Quæ tibi difficilia aut ignota objiciuntur, tacendo excipe. *Stultus quoque, si tacuerit, sapiens reputabitur*, Proverb. Salomon.)

14. Non crebrum, lentum, non affectatum, & prope ænigmaticum sit alloquium: Sed tamen librata nimis & eluctantia verba, fastidium (immò suspicionem) pariunt audentibus, & cathedram sapiunt ; solutior nonnihil sermo , magis familiaris est, velut de Petronio Tacitus: *Cujus dicta, factaque, quanto solutiora, & quandam sui negligentiam præ se ferentia, tanto gratius in speciem simplicitatis accipiebantur.* Circa familiare vitae commercium cum amicis, in condimentum convictus, probaverim, in publicis tamen actibus , gravitas sermonis præstat.

15. Si vitium loquacitatis pervincere studeas

deas, statue, non quid prudenter loquaris,
sed quamdiu per intervalla tacendum (licet
opportunè dicenda videantur) & vinces;
Aliàs opportuna dicere cum studes, ad
importuna erumpes; rectè ille ait: *Loqui
me aliquando pænituit, tacuisse nunquam.* In
nonnullis tamen loquitur bonus candor &
zelus, in nonnullis inquietus genius, &
dicacitas, dum inquascunque aures inci-
derint, ut confessorem intimorum judicem
que sine discriminè personarum sibi statuant,
unde produntur & irridentur.

16. Nonnulli dum esse sinceri nimis vo-
lunt, in cauti fiunt, proditores verius
sui: quàm in amicitia aperti, cum di-
cenda, tacenda pariter effutiunt per le-
vitatem.

17. Quisquis blando vultu dicentes audit,
ii sque comiter respondet, pariter agit, ac
si humanos animos in potestate sua, rese-
randis affectibus, dum vult, habeat. Quæ
virtus inter potiores (civium) parandis ho-
minum & Provincialium animis, censi debet;
si verò secus rugosâ fronte, obiterque
dicentem andias, respondeasve, licet in
gratiam postea facturus, quid juvat? et si
obtineat, quod cupit, cum à nolente & mo-
roso profectum habet animo, non ut da-
tum, sed velut extortum, ac potius proje-

ctum, Ut pluris sit, blandam negationem retulisse, quam morosè obtinuisse concessum. Exinde usurpamus vulgo dictum: *Etsi non obtineat, habeat tamen velut acceptum, qui se amicè audiri videt.* Tum illud, *äger animus, dum ad satietatem enarraverit, quod vult, a quiparatur obtento.* Vedit orbis nunc & olim viros Principes, alias magnis animi dotibus præditos, sine hujus virtutis condimento, parùm valuisse in vulgus, aut (quod pejus) in odium publicum incidiisse, exinde rectè de Toletano Albæ Duce, quidam observatum reliquit, ut propter suum triste & fastuosum (neque ideo civile aut sociabile) ingenium, ne ab iis quidem amaretur, quibus benefecerat.

18. Vestitus proprius magnificentiam sit, & autoritatem, quam quæsitam ostentationem, aut luxum.

19. Gestus gravis, non Melancholicus, aut effusè hilaris.

20. Absentiâ sæpe autoritatem tueare, continuus aspectus minus verendos homines assidue satietate facit.

21. Verissimum axiom: *In ignotis magis dilatari animum.* Exinde sæpe aestimamus magis longinqua. quam proximiora; audienda, quam audita; tam videnda, quam visa; habenda quam habita; pollicita quam da.

data aut accepta ; scienda quām scita ; & fu-
tura, quām præsentia, *Sic*, Majestati major
ē longinquo reverentia, & omne ignotum
pro magnifico. *Sic*, Authorum ignotorum
opera magnifica habentur, viso Authore
vilescant, magisque post funera inclarescant
facta, & virtus nostra & nomen. *Sic*. Ma-
jor de absentibus personis opinio ; nam sa-
tagentius ab ignoto quæritur, aut imagina-
inur : *Quis ille?* quam ut dicatur semel in
præsentia. *Hic est* : nec gradus amplius da-
tur, quō vadat animus, cum visum & sci-
tum plenē sub oculis habetur. *Sic* (per va-
ria eundo) pericula Castrorum magis ter-
rent longinquos domi, quam milites pro
vallo stantes, & vulnerum spectatores. *Sic*
nova subsidia, medio in prælio ex ignoto
in hostem immissa, licet pauca, sed quia sub
specie ignotarum insidiarum veniunt, plus
terrent hostem, quam acies numerosa, ocu-
lis subjecta. *Sic* puerorum minorennum ali-
quando delectamur plus ætate, quam adul-
torum ; hi enim actu monstrant, quales sint,
aut quales amplius esse non possint, circa
illos latius spes extenditur, quales futuri
sint, immo ominamus, (speranda majora ex
ingenuitate) quales revera futuri non sint.
Sic ruinas antiquarum structurarum miramur
magis, quam forsan æstimaremus ex inte-
gro stantes ; nam integrum quod est, oculis

totum subjacet, & limitat (aut circumserbit) mentem, ne ultra procedat animus, tam imaginatio, quæ latius extenditur quam de sensus: de ruinatis in integro non visis, plus imaginamur, extendendo mentem per diuersa, quam forsan erat in rei veritate. Sic absentium ambigu sermones sunt magis laesivi, dum sub latiorem interpretationem cadunt, in praesentia effati condonantur levitati verborum, seu ingenuitati dicti, tum circumstantiis personarum, temporis, rerum, loci, jocorum, discursuum, occasio-
nis, quæ saepe minuunt offendam, dum in praesentia, prout in se sunt, capiuntur, neque delatorum malignitate torquentur, si praesertim illi exaggerando studiose, iram succendere amant, cui rem deferunt. Sic vana licet spes ex licentia ditescendi, & exspectatio furtivorum, tum incertorum pollicitatio, plures quandoque affecias habet, quam certum bonum; quam merces, & stipendia, ut verissime à quodam sit observatum, & à me. alibi dictum: *Gratius esse hominis animo ascendere in parvis, quam persistere in magno, & per partes, quam per totum; tum illud: Quæsita in pretio, vulgaria habitaque contemnuntur; in pluribus opinione laboratur.*

22. Non dictum, factumque repete, quo major insit ex raritate verbo reique autho-
ritas.

23. Cum

cri. 23. Cum Gravibus ambula, leviculorum
us, conversatione delectaberis quidem, sed tan-
am dem deturpaberis.

lus 24. Non æstimatos. Juvenes, minorennes,
di. temulentos item, verbo, multò magis con-
Sic versatione vitabis.

læ- 25. Quæ cum dedecore in præsentia di-
ca. cuntur aut fiunt, modestè reprehende, aut
vi. abi, subtrahurus ab ea indignitate oculos,
um & aurem; multo minus ipse fac, ne velis
re- placere assensu, quod est propè levitatem.

o. 26. Negotia (*quoad tute poteris*) per alios
in tenta, fac, impera, vide, cura; leviorem
e. jaſturam rei credes, quam authoritatis, im-
si mò admonebis corrigendos, non ipse, sed
& per alium, sic vitabis præsentem exacer-
m bationem, nec facies periculum tuæ præsen-
a. tiæ, quæ niſi opinionem (*quousque fit non*
n vulgaris) ex raritate habeat, gravioribus
er tantum negotiis reservanda, ut semper pe-
fa. nes te restet, quò in majus, dum vis, rem
urgere possis. Non astum exinde, ut non-
nulli Comentiorum iniquè interpretantur,
er sed potissimum perspicacitatem Tiberii (ap.
fa. Tacitum Annal. I.) obſervare licet, qui exer-
citum in Germaniis tumultuantem, tantum
per filios adiri voluit, Majestate ſalva, cui ma-
jor è longinquore reverentia, ſimul adolescentibus
excufatum, quedam ad Patrem rejicere: Re-
ſiſtentibus Germanico aut Druso, poſſe à ſe mi-
tiga-

tigari, vel infringi, quod aliud (Nota verba
subsidiū & si præsentem Imperatorem sprevi-
sent.

27. Nunquam effunde totam simul familiari-
tatem & amorem, vel effusurus, lente
fac & pedetentim, potius intendatur ami-
citia, quam intensa sit ; habenda petitur,
habita ut vulgata relinquitur, & satietate
vilescoit. Erravit ille, de quo annotatum,
Milites suos Commilitones, novo blandoque mo-
re appellans, dum affectat charior fieri, autho-
ritatem Principis emolliaverat. Sub initiosis
præsertim cavebitur, effusiore officio aut
favore, tum gratia ne aliquem prosequa-
ris, sed facies intra moderationis terminos,
duin enim intensi actus lassantur, quæ agen-
da tractu temporis sequuntur, vix iisdem
principiis respondere possunt, pro injuria
vero reputatur, diminui, tum auferri, in
cujus possessionem semel involavit animus.

28. Hinc sequitur, ut non solum affectus
Amoris, (haud secus Iræ) sed prudentiam ip-
sam per modica, nec affectatè ostentemus,
dum æstimari volumus; nam pro vana in-
genii ostentatione, dum per familiares dis-
cursus effundunt se totos aliqui, nimii com-
memorandis rebus. loquaces & affectati,
quasi nihil in posterum pro subfido novæ ob-
jectionis relinquentes, dum opinionem pru-
dentiae, & exinde autoritatem sibi parare
cupiunt,

cupiunt, potius eam perdunt, similes forensibus licitatoribus, cum levioris momenti res & crepundia ad nundinas ferunt, per obvia fora institorias tabernas ponunt, alias non quærendi, nisi emptores quærerent ipsi, & essent in obvia; jam verò pretiosarum mercium venditores ditiore lucro negotiantur, eo ipso æstimationem mercibus posituri, dum sine ostentatione, satis habent sciri de mercibus, & quæruntur, ut vendant, non quærunt, affectatè emptores. Quidquid igitur æstimatum haberi volumus, in affectu nostro bono, (aut seces contrario) seu in ratione agendi, lente, tūm per modicas partes exerceamus, ne plene satiemus, semper aliquid in potestate nostra in posterum reservatur, quo in majus (dum pro tempore volumus) à nobis res intendatur. Totum Spiritum suum profert stultus: at sapiens reservat aliquid in posterum (Proverb. Salomon.) & Eccles. In ore fatuorum cor illorum, & in corde sapientum os illorum.

29. Non vitupera amicum, non lauda non reprehende, nisi in magnis, idque raro, moderate, & in secessu, vel (si tute poteris) per alium, factum tamen, non personam ventilaturus.

30. Con-

30. Consilium nisi quod rectum sciveris, idque tantum requisitus porrige. Verum dator consilii, naturam accipientis, (seu cui consulitur) induat, prout secundum possibilitatem, media, capacitatem, aptus est ille faciendo, secus, frustra ferè consules, dum juxta te modo, non alterum, aut saltem non ex utroque, agendum vocas.

31. Non intercede aut pete pro alio; nisi re perpensâ, an justa sit, & obtentu possibilis, ne periculum authoritatis subeas, si non obtineas, potius intercedere caveris.

32. Non litiga verbo, sed potius subride, (etiam si contrarium aliquis loquatur) non velis videri nimis sapiens, magni viri authoritas, non in disputando, sed agendo consistit.

33. Tacere qui fecit, scit esse prudentis. Taciturnitas est magnæ prudentiæ Mater. *Qui animo ignavas, procaœ ore;* quibus os ferreum inest, cor sœpè plumbeum habent. Verum nonnullis taciturnitas, & agendi secretum ex prudentia, aliis est ex metu, ut cum ex diffidentia sui, verentur, ne per inanimadvententiam aliquid prodant, totum silent, oportunaque transmittunt, similes Zsuxis imaginibus, qui ad ostentationem

tionem artis , imaginum pingebat vela , ut
subintelligeretur velatum aliquid , dum ni-
hil erat ; sic illi obtendunt rebus inania ar-
cana , nunquam directè , sed nisi circuitivè
agentes , vel quia metuunt , vel quia in-
ertiam impotentiamque agendi prodere ve-
rentur. Fossum saltu trajecturi impetum
saltus , cursu intendunt , etiam animus agen-
tis zelo quandoque intendatur oportet , &
apertior sit , pro confidentia sui , & pro
ingenuitate , præstaturus ardua. Qui diffi-
dit , metuit ; Mollia secretaque , cauta
quidem sunt , sed quædam nisi fervidius
tractentur , haud obtineantur , immò irri-
tentur in pejus , cùm dolus , malignitas ,
vel etiam metus , occultis secretisque (im-
mò circuitivis) subesse creditur , prout
verè circuitiva ingenia plus astutiae , quam ,
prudentiae , vel cautionis habent.

34. Quæ imperfectè calles , non fac co-
ram , immò perfecta fac , quæ non vulga-
ria & rarò .

35. Magna loquere , & à levi discursa
studiosè defleste .

36. Facta secretus tene , facienda multò ma-
gis .

37. Vitia quæ vitare non potes , latebris
dica , omnia , quæ scis , reprehendi , fac in
privato , & semotis sâltem arbitris , turpis
sis . Non ea tamen est infirmitas naturæ hu-

manæ , quin vitare vitium non possis , dum velis , frustra naturam culpaturus , ipse culpandus ; Vitare igitur turpia debes , quo magis altioris honoris subsistis gradu ; minoribus magis quodammodo turpes esse licet , secus in majores honestosque omnium oculi convertuntur & succensent , uti facilius maculam noveris in puriore crystallo , quam in olla .

38. Rectius plerumque impertinentia demendo in nostris moribus , in affectibus , & ratione agendi , quam addendo oportuna , paratur æstimatio , & habetur auctoritas : Velut hortulani plus addunt horto decoris & amoenitatis , amputando fentes , evellendo urticas , purgando vias , disponendo plantas per ordines , quam subternendo simum in fœcunditatem , quam copiosè ferendo : Excessu magis vitiorum homines laboramus , quam virtutum imperfectione . Prius quid non facere mali , quam quid boni præceptis decalogi etiam docemur .

39. Raucus aut balbus , rarius loquaris , unde illusionis materies .

40. Causas dictorum factorumque non redde , sed potius intelligantur .

41. Sperent à te homines , ac simul reverantur : æque severus , atque clemens videris .

42. Nec

42. Nec præsume , nec te minoris æstimma , angulis & latebris ingerendo , ingere te (sed modestè tamen) primoribus. *No-*
mo contemnitur , nisi quis prius se ipsum con-
tempserit , quomodo credis alios te æsti-
maturos ? nisi te ipsum æstimas , & in le-
viuscula abjicis , tibi magis proximus , quam
alius tibi ; recte quidam ait : Non est hoc
superbire , Majestatem Regni , & potesta-
tem autoritatemque publicam sibi concessam
conservare velle inviolatam. Imo hoc est sapere.
Verum perspicacitate utendum , ne super-
biā morositatemque , cum autoritate con-
jungamus , & quod est incivilitatis , paranc-
dæ authoritati adhibeatur , ne alias pro
unica existimatione tui , immodestius aut
scrupulosius laborando , mille inimicos ti-
bi superbis pares , & eveniat , quod re-
belli Angelo , dum supernis bonis honore-
que non contentus , vult insuper esse simi-
lis Altissimo , totum suum , quod habuit ,
perdidit. Cavebis igitur morosam gravitatem .
Hæc in privatis ; in publicis verò actibus
consultum fuerit , ut qui debitos tibi honores
denegat , (præsertim si conscius sis necessariæ
tibi gravitatis) etiam vi & alii quodam ,
eos oportet præripere aliis , quæ ea de re ver-
bis contendere ; Qui dubitat , merito ipse sibi
diffidit , dissimulat , tacite fatetur suam indi-
gnitatem , & modestia postea pro ridiculo ba-
etur

betur ; sed qui defacto animo fortis & constanter, tum bona cum gravitate (tamen sine intempestivo affectu) primas præ aliis occupat , quæ sibi debentur , nec offeruntur tamen , facili deinde negotio eas servat , & retinet in posterum . Ut quondam Germanorum legatis contigit , qui cum ingressi theatrum Pompei legatos nationum Senatores inter sedere cernerent , inter eosdem Senatores , sessum se audacter præripuerunt subjungentes ; Nullos mortalium , armis pri Romanis aut fide , ante Germanos esse , quod comiter à Senatu exceptum , ut ea legatorum civilis æmulatio postea cederet in argumentum & possessionem loci .

43. Novarum rerum , aut inauditarum , immò novorum rumorum , à domo , immò ab externo , certam notitiam quære , quod parit admirationem scitæ curiositatis .

44. Modica castigatio exacerbat nonnunquam magis , quam corrigit , ut tutius sit quandoque non punire , si severius corrumpere nolis . Non sine causa Salomon arguit intempestivam clementiam , dum vocat Misericordias (aliquorum) crudeles . Bonis verè nocet , quisquis pepercit malis , sed hoc pro statu rei , & temporis : Scias tamen , quia pæna nisi prohibet flagitium , laus vero & præmia , provocant virtutem & ascendunt animos .

45. Nun-

45. Nunquam totum simul effunde , & proinde exarma rigorem , sed velut maiorem in tempus dissimula (lentius corripiendo) quasi majus telum penes te restet , in terrorem exerendo , dum velis .

46. Delinquentem aliquem (cuius correctio ad te pertinet) non te puniturum ait antequam puniendum manu teneas immo proprius nescientem sis , ne praemonitus caveat , contraria (per desperationem veniam) munimenta quæsiturus , aut magnointercessiones provocando , quibus sine offensa recusare non possis , aut capitalis hostis (præ metu) evadet , ad hostem transitus .

47. Ea pollicere , quibus praestando sufficias , ne postea difficile aut grave sit praestare , in maiorem offensam sperantis , potius non pollicere , sed fac , quod facturus sis .

48. Prudenter quidam honorationem sui tacite inculcavit , cum subornato quadam lixa , compteque in eam scenam vestito , palam dejici jussit pileum , decentiam morum , & superioris observantiam exprebrando . Item Marschalcus ille Regius adoratum lixam Scipione pulsavit , quod palatum Regis importunè ingressus fuisset , non vocatus , quo inculcavit verecundiam importunis intrusoribus , & quæ possint fieri in eam formam .

49. Metuen-

49. Metuendorum nomen acquirere utile aliquando , sed modo licito quærendum per aliquam ostentationem virium & potentiae , ut potius vereantur homines tuam authoritatem , & potentiam non timeant ne in odium incurras.

50. Quæ populus affectat , tibi vero displicent , idem sentire te prius simula , & interdum lauda , post (facta quasi recollectione) defleste , sed sine rigore , nam qui directè multitudini se opponit , frangitur aut vincitur ipse , quam vincit ; (vel ut subtiliter quidam : *Qui realis solummodo est aut nihil praestat , sed irritat tantum aut excessiva virtute opus habet , tum potentiam & autoritatem , quam vincat omnem invidiam*) In quo satius prudentes nautas imitari praestabit , qui adversis ventis , non directam opponunt proram , velut contra vim reluctanti , nec adversam relinquunt puppem velut fugientes & ex inertia cessuri , sed per latera inclinando navem , hac illacve sinuando vela & cursum , eludunt tempestatem , & simul assequuntur portum , quem volunt , ac proinde illudunt ventis ; sic populi impetu non aliter eludas , aut in rectum (prout in rem opus) reducas , quam per molliora , nec tamen molliter acturus , vel affectate , (quod æquè pericolosum) sed graviter .

§1. Immò dicentibus modicè assentiaris, licet aliter post hæc sensurus, lente in tuam sententiam quemque pertrahendo.

§2. Quæ in publicum necessaria, primo verò aspectu ingrata populo, proponere vis, cura per aliud proponi, & affectum primum populi in eum effundi: tūm postea modesta cum ratione, sequere ipse, idemque petes, sed sine affectu, quasi minus curaturus; etiamsi non fiat, naturale enim, ut magis negentur, (velut magis æstimata) quæ maxime petuntur; quæ minus curantur, ut vilia, facilius ex neglegendo habentur.

§3. Illi plurimum potentia consilii valent, multaque præstant in suas partes, qui cum sine potentia & authoritate graves, per alios, non per se rem tentant & consulunt, velut nescii, & taciturni, sed ex insperato metuendi.

§4. Cura, ut humanus & civilis habeatis.

§5. Si quis beneficium vel operam aliquam à te petat, etsi scias plerasque in eo dari difficultates, non objice illas, ne recusare opem videaris, & te parum benevolum petenti præstes, potius in ipsius negotii cursu, eas difficultates, qui petit, deprehendat ipse, & suæ petitionis arguitur; offeruntur enim cum tempore occasio-

nes , quæ promissum infectum reddant , tu
verò promptæ humanitatis titulum non
amittes .

56. Prima constans cum authoritate re-
pulta , adimit plerisque importunam inpo-
sterum audaciam .

57. Obtento morbo , multa per absentiam ,
aut parantur , aut vitantur .

58. Patrocinando alienis illatis , plura in
publico consilio obtinentur , quam per se
rem directè tentando , licet aliquem mul-
ta ratio cum authoritate sequatur ; quid-
quid ideo optas fieri , alium authorem in-
ferendæ rei ex composito substitues , tum
alter amicorum , atque tu ipse patronum
te pro authoritate præstabis , qui verò pro-
prium illatum fortius urgent , præsumptio-
nis notantur , velut consilii sui , quod ipsi
adferunt , amatores , neglectores alieni ,
quod est propè invidiam , jam vero secus ,
ut ab alio illata , tutius urgere poteris , libe-
rius suadendo . Bonos tamen authoritate
viros proponendæ rei quæres , ne contem-
ptu authoris , bene licet illata , in con-
temptum trahantur , ut ne tu postea patro-
cinando , rem stabilire possis .

59. Quod alibi in observationibus bel-
licis dictum : Utendum recenti terrore in ho-
stes , hic item per familiaritatem verbi dici
potest , recentem terrorē etiam apud suos-

met cives multum posse , ut à prætextu im-
positi recentis metus (si dextrè instando
licitéque utaris) pecuniarum collationes,
tum operas in corrigendis pervetustis mu-
nitionibus , bonas item leges , facilius mi-
noreque invidia apud populum obtineas,
quæ alias per altercationes , turbas , odia,
immo vix quidem assequare , si absit me-
tus.

60. Absentiâ tui , meliorem suscita &
tueare amicitiam , immò & autoritatem ,
literas tamen non intermitte & nuntios ,
pollicere tui præsentiam , trahe interim &
pone moras. Luna Solis amica , decus &
lumen quod habet , illi debet , quo remo-
tior tamen , pleniùs perfectiusque lucet ,
proximiùs admota , decrescit , si plane con-
currant , Luna penitus amittat lucem , aut
Sol necesse abeat in Eclipsim ; Sic vere ami-
corum magnorumque virorum mutui con-
gressus aut crebrius negotiorum commer-
cium , majore jaſtura amicitiae , tum au-
thoritatis fiunt , quam ut novum aliquod
argumentum in majus stabiendi paretur ,
Sæpè unus in altero non reperit in præsen-
tia , quod ſibi absens pollicebatur , un-
de verè dictum : *Minuit præsentia famam ,*
sæpius Absentia prodest , Miraris ; legi , vi-
di , probavi.

61. Modica munuscula offeres amico, non simul, sed rarius ac potius minora prius, dein majora, maxima nimis sero, ut diutius dando sufficias, partim ut semper restet, quod majus speret à te amicus, nec relinquat quām suo damno. Usu probatum axioma: *Gratius esse hominis animo, ascendere in parvis, quam persistere in magno.*

62. Maximum rigorem priùs intende in speciem, temperatus postea ad famam clementiae.

63. Experientia probatum, magis appeti eorum amicitiam, plusque ab hominibus aestimari, qui neglegtiūs eam servant, modò amant, modò offendunt, offendendo & amando non assidui, (non tamen leves) modò potentia terrent, modo comitate trahunt. Neque causam reperio, quām ab oppositorum ratione, quod magis elucescat, & sapidior reddatur amicitia, quasi tunc magis optanda, dum amittitur: secus evenit, ut eorum amicitia minus aestimetur, qui de paranda aut retinenda studiose & appetenter nimis laborant, ut aliquando necessarium sit, nonnihil suboffendere: tum modicè negligere amicum, quo magis retinere vis, (quam us perpetuò adhæreas) sed non diu aduersa fronte & vultu, ne posthabearis.

64. Sæpè quod preces non possunt , min-
næ (aptè accommodatæ) operantur,

65. Non moliaris , nisi quæ præstare
potes , ne prodas impotentiam.

66. Si aliquid adversi tibi accidat , dic
potius , sponte te accepisse , quam ut sup-
plantari nolens videaris , veluti invalidus,
& obviæ impetioni expositus , potius
fortunam tibi obedire doce.

67. Alienanti se amico à te , aut clien-
ti sine causa , sponte media offer recon-
ciliandi , potius bonis quibusque modis ,
eum in amicitia retenturus , (medium ta-
men inter gravitatem) quam ut acerbita-
tem pro acerbitate reddas , quæ magis ab-
strahit , quam retinet in amicitia amicum ,
nisi alias potenter pervincas ,

68. Minæ vigilantiam adversarii acuunt ,
ad cavendum , immò præveniendum , tu ,
si taciturnus es , plura præstabis , non ta-
men ut noceas , verum ut caveas tibi ,
quod est penes virtutem .

69. Potius capiat per modica , aut sensi-
sim speret amicus , quam ut totum simul
habeat . Non enim obligant , quæ data ,
licet maxima , sed quæ dabuntur , licet
modica . Animus hominis , imitatur ocu-
lorum situm . quos cum anteriori parte cor-
poris ingessit natura , non ea quæ post se

funt , sed quæ ante posita , vident ; sic ille pensat non accepta , sed accipienda.

70. Redditurus mutuum beneficium pro beneficio , moram adjice , ne dare videaris in recompensam dati , sed velut in obligationem futuri.

71. Exprobranti offensam amico , non serio excusa , excusatio prope metum est , & loci inferioris signum , responde potius , neque illius esse exprobare , neque tuum excusare.

72. Religiosos in pretio habe , quatenus tuarum partium sint , devincies vero illos beneficiis & comitate.

73. Iminò Concionatores ad te trahe , qui bona narrent , & populo (quod vis utile in publicum) persuadeant ; quod non vis , sermone (sed extra invidiam & ullius offensam , publicè diluant .

74. Opinio divitiarum & nummositatis parit æstimationem , teges igitur tuos defectus , ab arte aliqua honesta (sed procul ab ostentatione) omnibus impones , ut bene de te credatur.

75. Propositurus aliquid difficile populo , causas honestas propositionis per privatos rumores prius disseminabis.

76. Quantum in amicos dono datus destinasti , præstat cum iis aliquando honeste confessando consumere , cui diutius sufficies;

cies ; quod vero diutius durat magis in oculos incurrit & obligat : adde quia unica confessio potest plures simul obligare, unicum donum hominem unicum obligat, immò aliorum (accipere præsumentium) invidiam provocat.

77. Mirum dictu , quantum lautior mensa , & liberalior convictus , paret amicorum , cum per artes politicas , inter concives crescendi studium cui adest , ut velut in alias virtutes incuriosi , hanc præcipue viri Politici , in quovis venerentur & ament , aut sine illius condimento , cæteras obiter transeant ; immò vitia nonnulla , hoc obiecta suco , dum mollius accipiuntur , sponte dissimilent . Sic igitur intra magnanimitatem errogare , lucrum facere est , immò nonrunquam conducibilius , ultra parsimoniae terminos in eo procedere , ad usque confinia effusionis , modo ne sit factum , intra affectatam prodigalitatem , cum decoctione bonorum extrema , velut multos apud nos vidimus , sic creuisse , floruisse , & intra civium favores præstatisse multa , ut opimam amicorum & fortunæ colligerent messem , cum haud parcè Civium animis seminarent sua . Certissimum enim magnitudinis signum est , maximèque incurrit in oculos vulgi , tum in affectus ; vel le & posse pascere multos , eoque multis

bene velle. Nec mirum , si CHRISTUM
vulgi sequens turba in Regem creandum
rapere voluit , (Joannis 6. Cap.) cum tot
hominum millia , ex suo divino penu , non
pavisset modo promptè ad saturitatem , sed
fragmentorum copia , magnitudinem con-
vivii & Domini pascentis divitias loquere-
tur. Sed intra dicti reverentiam sacra ma-
neant : profana liberius nobis loqui licet.
Non ab alia occasione , primitivi Poloni,
Piaſtum olim , è plebeja domo , ad pur-
puram evocarant , quam cum di-
vinum quiddam illa ætas inesse viro ere-
deret , cui pro modico agello quem co-
lebat , ad stuporem usque Comitiorum
neque enim sine ſpeciali miraculo , teſte
Historia , factum) tantum alimentorum , ad
usque ſuperfluitatem , humaniter excipien-
dis advenis ſufficeret , ut plus erogando ,
plus ſemper illi restaret . & ſimul , ma-
gnitudinem cultioris animi , in eo viro cum
metirentur , qui ſic eſſe cuperet cunctis a-
amicus & hospitalis.

78. Astutis , arte ſimili aliorum astus elu-
dere , mos eſt , ideoque ſecum in amici-
tia facile conveniunt , dum retaliare ſciunt ,
rectiores nesciunt , niſi plerumque deſe-
rendo convictum , & rem cum illis plane
vitando , donec in meliores amicos incur-
rant , Vulpi cum vulpe , urſo uni cum
alte-

altero , aspidi cum aspide , haud mirum si
conveniat , Cervis equisve , nisi cum mi-
tioribus , aut sibi similibus vivere securum
est.

79. Dum sunt nonnulli fucatæ faciei li-
beralioris convictus , præsertim si babeant
aliquas species virtutibus similes , ipsi subdo-
li , & modis illecebrarum potentes , (vel
quorum vultus est opportune mendax , tum
in speciem probitatis sermo est facilis , haud
spernendus capiendis hominibus hamus) fa-
cile eo condimento trahunt plerosque in
sui laudem , tum in amicitiam . Non
tamen altioris mentis homines , verùm il-
los ex simplicioribus , qui velut minutio-
res aves , facili capiuntur visco : Reæti
vero & prudentes viri , non illa exterio-
ra morum , & fallaciarum inania , sed
intimum introspiciunt pectus , & nisi so-
lidiorem virtutem , tūm amicitiam pensant:
Quamquam convictus liberalioris amænitas
si penes rectam virtutum prudentiam , ali-
cui pectori infedit , miros affectus , paran-
dis amoribus hominum facit , totumqne in
animos potest.

80. Videntur esse nonnulli amicabiles , re-
æti , prudentes , dextrique agendo , & pla-
ne cum virtute magis , quam sunt , immò
nonnulli non videntur esse , cum vere sint ,
nisi tempus & occasio aperit virum , ut

prima judicia de hominibus s^epe nos fal-
 lant , velut de ingenio nationum subtiliter
 quidam : Hispanos factis & moribus magis
 videri intollerabiles , quam verè sunt : Gallos
 magis esse fortis , quam videntur. Sed in est
 causa , circa horum amoenitatem , illorum.
 que tristitiam (vel gravitatem actionis &
 morum) prout hujus aut illius sumus æqui
 pensatores. Nisi igitur falli vis , sustine sua.
 deam calculum , seu damnaturus , seu pro-
 baturus , & à tempore , tum actione , ju-
 dicium exspecta NERO flagitiis & sceleribus
 velamenta quasivit. GALBA major privato
 visus , dum privatus fuit , & omnium con-
 sensu capax imperii , nisi imperasset (Tacitus
 sparsim) VESPASIANUS , solus omnium
 ante se Principum , in melius mutatus est:
 OTHO , contra spem omnium , non delitiis
 neque desidia torpescere , dilatae voluptates , dis-
 simulata luxuria , cuncta ad decorum imperii
 composita , eoque plus formidinis afferebant fal-
 sa virtutes , & vitia redditura : Mutianus,
 Luxuria industria comitate , arrogantia , ma-
 lis bonisque artibus mixtus , nimiae voluptates ,
 cum vacaret ; quoties expedierat , magna vir-
 tutes ; palam laudes , secreta male audiebant:
 apud proximos , apud collegas , variis illecebris
 potens. In Vitellio Multa grata sane & po-
 pularia , si à virtutibus proficerentur ; &
 argutè idem de Pompejo : Pompejus occula-
 tior

fal-
tior , non melior. Hæc alii , sed addam ex
itei meo , & ab experientia. Plerique sunt
agi boni , donec qui corruptat , non adest,
allo immò ineſt semper aliquibus malè faciendi
neſt animus , sed deſt occasio ; boni ſunt , dum
anim. malos eſſe non licet , aut præpediuntur,
qui Reſtè Salustius de quodam , Ore probo , ani-
ua. mo inverecundo , Et Vellejus M. Lepidus for-
ro. ma , quam mente , melior.

Si. Mirari debui dictuu) verum ſati-
factum mihi ab experientia) quod argu-
tia Italica nuper proverbio circumtulit. Re-
quiri ad gradum proſperioris fortunæ , ut
inſit alicui non nibil ex Fatuo & Intruso:
Nam hoc modo , cito involatur in noti-
tiā , & confidentiam intimorem Aula,
tum Vulgi. Non promerentur hi quidem
virtute , ſed arte ſuffurantur gratiam , ad
modum naturamque omnium & ſeculi , fa-
cilius ſe componentes ; In impertinentia
ſe ingerunt non vocati ; ludicra , ſeria,
pari imporunitate tentant , & quandoque
ſuccedit , ut pro tempore non displiceant,
non offendunt alios , nec etiam (à cer-
tioribus) ipsi offenduntur. Verum intra-
jocum & amicitiae libertatem , facile ha-
bent , & condonant totum , alloquio fa-
ciles respondendo (per mixturam levium
mendaciorum) amæni , prompte indome-
ſtificantur , non multo apparatu recipiuntur,

neque sunt *Morosi Magistri in ceremoniis, & formulis*, haud quæsumus sui cultum requirentes, dumque non facile succenserent personis & rebus (obviis parabilibusque per omnia contenti) censura eorum non timebantur, ex imposita confidentia, & ex eo amantur. † Adde, si forte super hæc sunt *audaculi*, multum honoris & præmiorum sibi arrogant, & obtinent per importunitatem (dum facile obloquia subdolis succedunt ex imprudentia (occasionibus instanter non defunt *intrusi*. Directa vero virtus agit totum cum modestia, intra verecundiam, & dum importuna cavet, opportuna quandoque intermittit, sed hoc non ex virtute vitium, verum sæculi, & eorum est, inter quos vivitur, dum rem non prompte noscunt, nec acceptant. Tamen illa solidior est agendo, tandemque post tempus cognita, plus æstimatur, illi priores saepius (uti leviusculi) ludibrio habentur & in seriis minus ponderis habent, mensarum nisi sodales, ludicrorum alumni, non nostri, sed fortunæ tantum amici, prout certe cum hac mutantur. nosque decipiunt, ad manus nostras, non ad nos

† Genus duplex intrusorum. *Servile vel Audaculorum*; prioris generis sunt aliis, hi sibi utique meliores.

nos respicientes , facile ad alios transituri,
unde plus utilitatis speratur.

82. Aliud est esse *innocentem*; aliud *babere praxin evadendi*. Aliud est *scire imponere*,
aliud *justam babere causam*. Aliud est *esse fortem*, *prudentem vel bonum*, aliud *videri*.

83. Divinæ potestati & prudentiæ (non
hominis) opus æquilibrium rerum tenere,
causas combinare adversas, tūm ex contra-
riis elicere bonum. Frustra ingenium homi-
nis laboret, aut perspicacia contendat, ad
certam regulam se componere, & publici
status vel privatæ actionis, ea in parte for-
mare sibi *maximas* nisi confundi velit, seip-
sam (serius citiusvè) periculo involutur;
immo illud est meticulosi tam versuti, quam
perspicacis animi signum. Exinde verè di-
ctum, *Media via nec amicos parat, nec inimi-
cos tollit*. Qui oppositarum partium, hujus
illiusque simul amicitiam quærerit, aut utrius-
que simul offensas (per obliqua) vitat, po-
terit aliquanto tempore scenæ servire, de-
tecta deinde larva, ut fallax hypocrita, &
versipellis deceptor, ab utroque odio ha-
bebitur. *Sic intuitu emergentis boni, qui*
oppositas sibi (personarum aut popolorum)
potentias, dein amicitias : tum offensas,
æqua lance conservare studet ; ne inter se
comittantur, tum ne una noceat alteri,
aut secus, ne sit infra alteram, ad æquili-

brium moderamenque causarum, nequaquam sufficiet diu, quin altera invalescat, partem oppositam, & simul fautorem consilii oppressura. *Sic*, vereri aliquem, suboffendere, non tamen quæ sunt parandæ amicitiæ penitus facere, sed potius per obliqua tacitò irritare; Aut secus, tentare in rem suam assequi, quod est, alterius partis dispendio & offensæ, simulque se amicum profiteri velle, odium verius conciliat, quam intentum parat, nisi aut rem habendam planè, at (fortius pro æquitate urgendo) gratiam partis posthabeas, alias neutrum assequeris. *Sic*, diffidere alicui, & simul (intuitu speciosæ cujusdam amicitiæ, tum securitatis) non sibi satis cavendo providere, immo amicitiæ titulum affectare, querere; ac deinceps dissimulanter agere, nec amicitiam habeas, nec res tuas statuas in seculo. *Sic*, publico bono tuendo, & simul privatis commodis aucupandis adlaboraturus, alterum non obtineas plane, publicum vero bonum, certo certius subvertas. *Sic*, veritati (tum virtuti) aut auræ populari; Legi (tum justitiæ) aut populo; Principi aut vulgo; Debitæ actioni, aut (parte ex altera) parandæ opinioni; nequaquam sufficias, nisi totus in alteram (tamen æquiorem partem) agendo incumbas, sequorem studiosè oppugnaturus, aut si res sua-

quaesuerit (rebus modò tuis , alia ratione dili-
paientissimè ut provisum sit (posthabituras sal-
onsim; vulgo dum places , rem agendam pes-
offensandas , dum secus ad rem probe agendam
amicite componis , vulgi censuram mereberis ,
obliquunde vetus (præsertim in bellicis) inoni-
rentum tulit : Malo te sapiens hostis metuat ,
parti quam stulti cives audent . Sic ; (nisi alias tan-
icunq; potentia vales , ut parte utrâque postha-
quam litâ , negativè te erga utrasque habere pos-
pla sis , per quieta media securus tibi) neutra-
gratias fœderum non proderit , verum alteri
asse parti deliberatissime adhærendum . Sic , Arti-
bus status totum se dare , & conscientiæ
secu legem non transgredi , DEO placere , &
ere simul ad illecebras mundi se velle com-
ere ponere , nec hujus , nec illius legis ,
amis æquus assertor futurus , scripturas potius
secu censuram mereare : Neque frigidus , neque
imul calidus es , incipiam te evomere ex ore meo.
ora Non quod præstet , aut merè bonum , aut
publi debere esse merè malum (velut obliquæ
rtas , Politiae Doctor Machiavellus docet) verum
ula quod gravior malitia ab affectata intra vir-
nici tutem & nequitiam neutralitate , tum mi-
arte stis (boni simul aut mali) actibus oriatur ,
uam immo affectatiō (sub pallio virtutis nequi-
res tia subsit , & aliorum vexatio , quam si uti-
sua que , simpliciter malus sis ; Ut per omnia ,
rectioris prudentiæ sit , & conscientiæ , ab
utris-

utrisque partibus versandis , se totum separare, aut in unicam æquiorem tamen, se totum transferre, & agendo instandove ex norma virtutis tum prudentiæ) fortiter incumbere, res vero suas (interim) consilio & prudentia stabilire, in quieto. Qui alias partium rerumque oppositarum simul fautor commoda utrinque venatur, rerum prævaricator potius, & interversor pacis, immo Sophistico- Politicus quam Catholico- Politicus vocandus se ipsum astu involuturus, quo exercere studuit alios ; velut multa ejus rei exempla apud Historicos habeas.

84. Debitum officii, præsertim vero honoris , erga pares , adeoque magis erga superiores, studiose adimplebis , nec transmittes negle&tum : Etsi enim aliquando præstari sibi nolint (velut incuriam simulant) aut verecunde palam recusent , non fit , ut plane habere non optent, immo sic potius, promptitudinem tacito experuntur, in offendam alias tracturi , ni obtineant ? Aut si exsequaris (modo non fiat affectatè, sed pro honoris debito) tantò obligatores , in posterum habebis. Cape ; exequere , non improbata dico.

85. In adversis , ne sis nimium mollis verbo , aut animo dejectus ; Nec secus (in speciem generositatis & infracti animi)ocabundus negle&tor , transitorie despiciens , quæ

quæ fainæ, tum securitati parandæ serviunt aut momentis invalescunt, uti enim hoc levitatis aut supinæ incuria. tum parvi iudicii, sic illud pusillanimitatis, abjectæ mentis, aut ignaviæ, signum est, immo, prostituti in probrum animi, certum indicium; Potius ages totum, intra perspicaciam, cautus, prudens & graviter: Qui considerat, providet, qui negligit, sæpius rem perdit; nihil agenti, neutquam, *affa*, (*ut ajunt*) columba venit.

86. Senum actio, aut juvenum conatus longe differunt; Juvenes garriunt aut clamitant, senes ajunt; Sonum illi. pondus hirerum captant. Junioribus pro calore ætatis properantia placet, & audax magnanimumque videtur, quod sæpe teinerarium, providentia senioribus & cautio maturior inest: unde sæpius sunt cunctatores, rarius periclitantur, aut eventu falluntur, in occasiones modo ex tacito intenti, velut somnum & inertiam simulantes. Juvenes iracundi, in offensas properi; viri maturiores dissimulativi, ac sæpius pacati, aut si tandem actio requiratur, intra prudentiam, & cum cura fortis. Illi res mirantur, multa vident, aliqua sciunt, nec tamen probe discernunt, hi facta aut facienda æque penetrant, noscunt & dignoscunt. Juvenes pro ingenuitate primæ ætatis, dolum rebus subesse

subesse minimè suspicantur, unde facile de-
ceptionibus expositi pro nimia securita-
te maturiores, viri, quia plura per adversi-
tatem decepti, eventuum gnati, pigmen-
ta rerum & rationum spernunt, supercilium
omittunt: verum larva detecta, introru-
res, ipsaque fundamenta inspiciunt & scruta-
tantur, peritos venatores imitantes, vul-
pesnè? aut lepus? tum ferox aper, vel cer-
te nobilior cervus impresserit gressum, per
ipsa vestigia species ferarum noscitando,
instant igitur, prout res & occasio suadet;
aut secus, passibus suspensis in res vadunt.
Non temere adversa casuum reputat, quem
fortuna nonnunquam decepit, ait quidam,
sed rectius alter: *Mibi fortuna multis rebus
ereptis, usum dedit bene suadendi.* Invenes
deinde suaviloquio plerumque laborant,
& talia libenter audiunt; in cætera incurri:
discursibus per inania rerum vagantnr, quæ-
stiunculis lasciviant, & ludunt, nam sæpius
ex imperfecta scientia, de rebus dubitant,
proinde vexant res magis, quam agunt,
incipiunt, dein deserunt: senes perseverant
constanter, dum à fine res capiunt, nec ideo
tentant frustra, minimè ex voto finienda,
sed deliberatè aggrediuntur; quia vero non
hærent in mediis (verum scopum rerum pe-
tunt expediti) super objecta breviloquio
decernentes, hinc juvenes succensere amant
senior.

senioribus, velut rudi Minerva negotium agentibus, dum pro suo ingeniolo, & præcuriositate eos metiuntur, pigmentis ipsi rerum & verborum assuefacti; inest tamen senibus consummatio peritia; licet tentent aliquando simplicia & proximiora in medelam, sed quia præstare magis credunt, quam longè quæsita. Addo brevibus, tuta, aut secus periculosa, ante tempus seniores prævident, & ex vero indigitant, si præsertim ipsi pro paranda peritia non otiosam. verum per negotia exercitam ducunt vitam; graviumque Historiæ lectioni dum immorantur, quæ suppleant ætatem. Juvenes super hæc reguntur affectibus, ac præsertim respectibus primo crescentis fortunæ ducuntur; senes potentius suis affectibus & appetitui dominantur, ideoque commode alios regunt. Dicam verbo, juvenum actionem esse amorem, & quodam cum condimento vernalibus diebus similem, maturi viri laboriosæ (sed cum fructu) æstati assimilantur, magis enim serium, gravem (ac proinde tristiorum) modum actionis habent, severiores sunt, verum in virtute constantiores, juvenes agendo molles, & saepius leves. Hinc viris maturioribus expeditius res succedunt, dum non tenentur à negotiis, nec hærent, sed tenent illa, & regunt ipsi pro-

arbitrio. Velut peritos Automatarios : horologiorum idest fabros) si videas, non satmireris , crassa & fuliginosa manu, nec certe delicatiore palpatu , subtilissimas horologiorum rotulas, audacter eos versare, per minutus partes distrahere, dein velut nulla artificii cura & attentione , prompta manu in pristinam formam redigere , quæ omnia ignarus artis delicatissimo licet contactu , disturbet verius, quam ut recte expediatur , aut si scire aliquis , crebro intuitu , & arte se perceperisse aliquid putat, ut etiam laborantem arguere non dubitet, dum tamen rem tetigerit ipse , nec prima, nec media scit, multoque minus postrema, promptius est aliena redarguere (vel fugilare potius) quam sua probe facere. Juvenum consilia modusque agendi , vinis recentibus similes , quæ plus dulcoris , plus etiam fæcis habent palatui grata . stomacho & sanitati nociva , aut licet quoquo modo clarescant , minus tamen ex virtute habent, quam per annos defæcata ; quod sequens dies , juniores erudiat , viri maturiores hodie jam sciunt. Ideoque commodè rem claudio, recta cujusdam (in juvenem protervè loquaculum rebusque obstrepentem) indignatione : post annum forte , si te prudentiorem putas, cur non me itidem cautiorem credis, qui tot annis multisque casibus

sibus te supero. Cum omnia honestarum
artium juvenes habuerint, rerum experien-
tiam (prout eveniunt) nondum habent,
eoque senibus inferiores sunt, affectata lu-
dicrave illis placent. maturis res tantum,
& seria.



Pars Secunda.

POLITICO- MORALIUM.

I.

Exprobratus aliquid publicè privatim
vē amico aut populo, potius terreas
& trahas exprobationem, ut interea ob-
tineas, quod vis; dissimulata enim timen-
tur, evulgata ut jam transacta, contemnu-
tur.

2. Retenturus alicujus amicitiam, non
statim dum injuriam accipis, exprobrabis
illam, ne levi occasione alienes amicum:
omnino tibi diffidet ille, qui te offensum
videbit, ut necessario averti debeat metu,
vel

vel conscientia facti, vel consilio, dum te al
facilem videt in offendam.

3. Beneficium aut officium, aut pensiones, & si plures in annos alicui prorogare le
in animo habeas, assignabis tantum annuas, ut si necessitas suaserit sine offensa auferre qu
possis, dum velis, partim si prorogaveris, de
velut iterato beneficio, accipientem devin-
cias prorogatione.

4. Ignei homines ingenii, tum leviculos, tu
licet per alia tibi opportunos, cave, ne &
tibi adhærere velis, seu sint amici, seu in
clientes, immo dum advertis festinantes honesto al
prætextu eos procul amovebis. ut
Nisi enim mature feceris, amoveri postea no
non poterunt, nisi magno tui fastidio, ut
sæpius difficiili negotio implicari debeas,
amovendo, rem ipsam in meis casibus ex-
pertus, scribo.

5. Etiam illa ingenia clientum, multi
periculi, & officiunt nobis, quæ sunt pro-
pè importunitatem, audaculè fese intru-
dendo, suadendo, petendo, accusando,
hos aut illos laudando, curiosa abdita ri-
mando, tum rebus imponendo, præsertim
dum sciunt, & amant per dieacitatem in-
gerere suavia, cum vero suaviter loquun-
tur, & speciosis quæstiunculis sensim ten-
tant; facile nobis (sine sensu), nolentibus
imponunt; quorum mox pœniteat, ut non
aliter

te aliter eam pestem loquendi, aut hominum
vites, quam non audiendo, aut te plane
sio. avertendo, vel quod præstat, procul re-
are legando loquacem. Non alias magis CHRI-
STUS indignè tulit, Petrum corripiendo,
quam dum in importuna (speciem con-
fidentiæ) curiose se ingereret: *Hic autem
quid?* Tulit enim prompte responsum in-
dignationis, & correctionem: *Quid ad te
tu me sequere, sic eum volo manere, quid ad te
&c.*

6. Cum unus aut plures studium aliqua
in re obligant, aut auctoriam offerunt, vel
aliquid præstare faciles, quod in rem sit,
utere recenti promittentis affectu, urge in-
tentum, non differendo in tempus, frustra-
neum ea in parte dilationis (seu, ut vulgus
ait, *discretionis*) nomen, certo certius per
momenta tepescere hominum affectus, &
remitti potius, quam intendi, ut saepe (vi-
tio mobilitatis humanæ) alii in horas si-
imus, posthac difficultius optatum habituri,
quod ante sponte oblatum vidimus. Ast
promittit ille (inquietus) propensum se fore
in tuas partes? falleris, præsentis enim vis
est affectus; non futuri, qui bono casu (ut
brevi abiturus) oblatus, qualis vero ille
futurus postea, ipse, qui obligat, ignorat;
mutato vero affectu, mutabitur intentum.
Frustraberis igitur, quod obtainere sperasti,

nisi

nisi extra dilationes assequi rem coneris
Nonnullis immo, bene, & amica loqui sa-
pius consuetudo aut potius modus loquen-
di est, non affectus; & quo effusiore
sunt suaviloquio, eo magis in amicitia
fallunt - cautus ideo sis, pensandis veris a-
amicis, & ab opere potius, non à verbo
ponderabis, eo citius prætervolaturis pro-
promptius extra deliberationem efferuntur,
quasi nullas radices ab intimo amico & af-
fectu petant duratura, verum in superficie
modo linguæ, cum saliva abitura & nata.

7. Non amici solum affectus, sed con-
trarii, in recenti maximam vim habent, fal-
luntur exinde, qui spreta prima reconcili-
atione, submissiorem sperant alteram, qua
potius tanto minor futura, quo magis pro-
crastinabitur; ut enim omnes res, recenti
sensu, gravius intenduntur, sic qui intulit
injuriam, novitate delicti, vel à conser-
tientia recentis facti, propius pœnitentem est,
quam si evulgato pudore, & consumpta
ignominia, depudere didicerit, cum ipsum
vulgus (per familiaritatem rumoris) primo
rem minus mirari, dein acerbius loqui, po-
stremo dediti factum desinit. Sæpe ideo
pœnituit multos, non admisisse primam re-
conciliationem, ut nullam postea haberent,
cum cum maximam sperarent, præoccupa-
bis vero prudenter, modesta facilitate, ne-
que

neque rejicies pœnitentem, similior tamen
renuenti, ne pecces facilitate.

8. Rarius utaris eodem currū, strato,
cubiculo, mensa, domo, exercitio. *Nimia
familiaritas parit contemptum.* Continuus
aspectus minus verendos homines assidua satis-
tate facit.

9. Res adhuc in quæstione, *Utrum ama-
ri præstat, an metui.* Dicant, quod volunt
alii, mea sententia, uti Deum, sic homi-
nem non rectè amet, nisi metuat simul,
aut saltem nisi revereatur. Non igitur ser-
vilater te demittes, & effundes in officia
amici, neque nimius eris affectator, aucu-
pandis amoribus alicujus, quod penes con-
temptum est, sed ages graviter, partim
ut quæras amicitiam, partim ut tua quæfa-
tur, honorabis, sed ut honoreris, immo
aliquando (idque intra gravitatem & ex-
tra affectum) amicum modicè negliges,
timeat negligi, si ipse te negligat, & non
amari, nec honorari, nisi ipse studiose te
amet & honoret. Qui te igitur non reve-
retur, non recto, nec durabili amat amo-
re, dum facit magis pro discretione, &
voluntate sua, quam pro merito tuo. Addo
(pressius loquendo) quod amari, est in aliena
potestate (prout nostri actus cum bona
gratia & affectu ab aliis acceptantur) ut ve-
ro metuamus, esse in potestate nostra, non

ut semper, quando volumus, amemur; semper vero metuamur, dum volumus; præsertim si incurratur in homines, ut cum ad normam virtutis, legisque præscriptum, omnia fecerimus, aut rem non intelligunt, aut pro malignitate secus interpretantur, cum in tanta depravati seculi malitia, clementiam rectoris, delinquentium insolentia superat, ut necessaria correptione in aliquos opus sit, tunc Justitiam sævitiam vocabunt; nosque (pro sua malitia non merito nostro) oderint, cum ne Divina quidem, licet proba semper & optima, malitiosi hominum probent, aliquando pluere, grandinare, æstuare, non ad suum beneplacitum, sed ex arbitrio cœli factum, illubenter ferunt, cum illud in terræ fœcunditatem pro gratia, aliud in poenam, pro justitia, immittat DEUS, nec unquam argui possit. Ac proinde præstat inhærere causæ, quæ à nobis dependet, quam quæ alterius venit discretione: Non tamen metus absque amore securus, immo obsit omnino, nisi metus ille valeat, qui ab estimatione nostri provenit, sponte in animis hominum, per actus honestos & graves, adhibita prudentia & comitate, non vero (ut nonnulli falso arbitrantur) à potentia nocendi. Dicam amplius, metus nisi erga superiores est, (quos aliquacunque re prævalere

valere nobis arbitramur) amor non potest
esse , nisi erga inferiores aut saltem erga
pares. Si verò superiores à nobis amentur,
potius *Cultum* aut *Reverentiam* dicas, quām
absolute *Amorem*. Quod verò aliquorum belli
Ducum virorumque egregiorum, excessiva
severitas Manlii, Corbulonis olim, & inter
recentiores, Ducis Albani , Comitis Fuentii,
aliorumque inter recti exempla sit,impossibili-
le ; si hæc sola trux austeraque , sine aliarum
humaniorum virtutum condimento inesset,
tantum authoritatis in suos paratum fuisse: ut
necessè, penes excessivam severitatem, ex-
cellentes quoque virtutes, pro contestatione-
magnitudinis exercuerint. *Sæpe latet vitium*
proximitate boni , immo altioris virtutis in-
terventu pensatur. Erant in multos severi,
sed in bene meritos liberales, labores ca-
strorum imperando immoderati, sed nec sibi
ipsis parcentes , fortes simul & successu in
admirationem felices, iusserum exatores
austeri , verum erga promptos & obedien-
tes grati, & pro commitate imperatoria
nimium accepti, deinde erga afflictos ege-
nos , injuriatos, viatosque prompti , libera-
les , justi, minime avari , magnanimi , mo-
derati , licet alias contra tumidos & insolent-
es insurgendo graves , demum nec bellan-
do flagitosi , nec vincendo insolentes. Si
vero illi non aliud scivissent, quam flagra,

secures, cruces funera loqui, nec apud suorum
ex authoritate obedientiam, amoremque
nec in exterios admirationem factorum, vir-
tutisque suæ paravissent, sed velut feræ syl-
vestres, nisi nocere scientes, terrori fuissent
& odio. Aliqui præterea pro indulgentia
naturæ, ita sunt formati, ut non in ani-
mo tantum quiddam magnum illis, impres-
serit, sed per exteriora quoque occultam
gravitatem in facie, aspectu, alloquo, con-
porisque forma diffudit; quæ sola primo
intuitu æstimationem pariant, & velut præ-
cursores in animos hominum & in affectus,
parandis amoribus, ac præsertim concilian-
dæ authoritati, antequam altior virtus se
exerat & innotescat, prout de Corbulone
observatum, tulit Historicus. Corbulo om-
nium ora in se verterat, corpore ingens, verbi
magnificus, & super experientiam sapientiam
que, etiam specie in animum validus.

IO. Interdum parum neglige compel-
lando dicto scriptove, timeat amicus ali-
quando negligi, & posse offendii; sed sta-
tim familiariter recipe, ne diutius neglectus
asuescat sine te, ut vero aurum purius pos-
signem, sic motu melior fit amicitia: vina
etiam meliora, quæ penes dulcorem sum-
modicè acria.

II. Cum frustra niteris impedire æmu-
lum, malis eum juvare, & operam ultro
offerre

d suo
nque
, vir
ræ syl.
uiffen
gentia
ani
ppres
ultam
, con
primo
: pra
ectus
ilian
us se
alone
om
verbis
tiam
npel
s ali
l sta
ectus
s post
vina
fun
emua
ultr
ffera

offerre , ut potius opinionem amicitiae obtineas , quam ut frustra impedisce illudaris , quo impotentia tua prodatur .

12. Cum alicui potenti æmulo resistere non potes , potius quæres amicitiam (procul tamen à suspicione quærentis) cuius sub titulo ; facilius rebus obviam ibis , & illi resistes . Quoadusque enim inimicus est , contravenire aperte studet , dum vero speciem amici induet , lædendæ amicitiae verecundia tenebitur , ne tuis intentis contrarius sit , tu vero interim , quod in rem habere voluisti , sensim aliud agendo perficias , semota omni fraude amicitiae & dolo .

13. Omnia capere valenti , totum dat , qui parum negat ; potius sponte offer , quæ extra offensam negare non potes , ut quoquo modo gratiæ tuæ debeantur , quam ut invitus dare necesse habeas , nullo expensi in rem tuam commodo .

14. Distrahe potentes à latere æmuli , immo ejus intimos , domesticos , familiares , consanguineos , parando tibi munificentia , mensa , comitate , unde tibi omnia æmuli nota .

15. Da bona verba , palam , & in absentia .

16. Nescientiam simula rei , quo magis omnia scis .

17. Vide, non videndo, omnia.
18. Asperneris convictum æmuli, sed tam
men rarius congregdere.
19. Minora quandoque consilia commu-
nicabis.
20. Nunquam verbo carpe præsentem,
immo tueare famam, si opprimatur.
21. Etiam offensus, offensam dissimula,
& velut non agnosce. *Unicum remedium*
injuriarum, si non intelligantur, qui secus
interpretando injuriam extendit, velut scal-
pendo suum ulcus, per impatientiam spon-
te dolorem auget.
22. Nunquam exprobra suspectam ani-
citiam.
23. Rarius congregdere cum æmulis, aut
congressus, cum omni apparatu gravitatem
indue, & caterva clientuin.
24. Vita consanguineos & clientes æmu-
li, etiam si operam polliceantur, fac tamen,
quasi non vitando.
25. Patiaris adversarium, non agnosce,
& velut loco amici habe, omnibus bene-
volentiae signis præoccupando, & infidias
muneribus antevertendo.
26. Maximum præsidium rerum huma-
narum ex dissimulatione, Tiberius inter-
omnes suas virtutes *Dissimulationem* adama-
verat, tu etiam quoad potes, stude dissi-
mulationi, si sapi. *Qui nescit dissimulare*
nescit

nescit regnare. Ludovici XI. Regis Galliae dictum ad filium Carolum VIII. testamenti loco. *Dissimula* igitur, *Dissimula*.

27. Temerarie ambitious, turbidis; stultus pertinax; perdendis rebus accommodatissimus; fuge quoad potes talium consilia, multoque magis convictum, ne impingas in errores.

28. Peccant, qui nimia lenitate dulces; cum enim effusè dant se populari auræ, aut omnem insimæ plebis rumorem affectant, contemnuntur; virtuosi quidem hi sunt naturâ, sed etiam molles; ideoque ad res gerendas parum valent. Prudens rigor rebus non obstat. Mordent sanguisugæ, dum prosunt. Nec enim aliqua difficiliora obtineas, nisi pro tempore, aliquod inconveniens, in urgendum adhibeatur. Idem consilii medicis inest; ut in morbis malignis & urgentibus, admisceant potionibus, de venenatis pharmacis, commovendis promptius pellendisque noxiis humoribus: verum adhibent simul diligentissime excellens correctivum, exquisitam dosim, perfectissimum temperamentum, sine qua cura, medendo plus noceant. Instabis igitur oportune, urgentiore verbo, dextra ostentatione potentiae, minaciore verbo, intra tamen authoritatem; mox ubi tenue-

tenueris modice, rursus in molliore allo-
quio, tum obvio convictū, irritamenta
amicitiæ ostentabis.

29. In malis mœstitiam, in bonis dissimula diffusam lætitiam.

30. Quemque diem examina, an amicu-
cum paraveris, (aut amiseris) & cura,
ut pares.

31. Summa authoritas, nisi penes po-
tentiam & fortunas; in minoribus pro su-
perbia habetur. *Cavebis igitur morosam gra-
vitatem*

32. Talem appararatum mensæ, vestium
& reliqui sumptus instrue, qualem semper
habere potes, & à minori potius incipienda
omnia suaserim, quæ posthæc facturus es
majora, ne eo majorem incurras in con-
temptum, quò magis laudatus fuisti, si idem
esse, quasi lassus desinas.

33. Non demissè servias majori, sed re-
verenter, & sedulus sis, penes potius, quam
perpetuus; Magnorum aliqui, recepta ami-
corum obsequia, non ad gratiam urbani-
tatemque colentis, sed ad debitum, super-
biamque snam referunt, & statim accepto-
rum obliviscuntur.

34. Eos etiam in amicitiam pertrahe, qui
plus apud alios possunt,

35. Non prompti sint tui aditus, non
ob-

obvia comitas, ea tamen moderatione rerum, ne superbiæ titulum tibi parias.

36. Facilitas amittit autoritatem.

37. Oblatum munus potius lubens & animosè accipe, quam serviliter gratus: partim debere te, partim deberi tibi gratiam doce.

38. Jube punire, non specta.

39. Non increpa, sed graviter admone, & torvo aspice oculo. Absit verò facias contumeliosè, nam exacerbas magis, quam corrigis: certe medicus, asperitate curandi, horrorem medicinæ, ægro imponit magis, quam inducit sanitatem; ut ægrotare, levius nonnunquam accipiatur, quam per acerba sanari; nemo sanavit vulnus scalpendo, veruin ungendo, & molliter obtegendo.

40. Severitas amittit assiduitate autoritatem.

41. Sine strepitu aut acclamacione (seu exprobratione) puni delinquentem, sæpè verò lenius & modestè, quasi invitus faceare videare: est prostrasse satis, posse prosternere dum velis.

42. Majorem aliquando, pœnæ apparatus; verborum severitas; tum exaggeratio; imponit austерitatem Domino, & infamat punientem, quam ipsa pœna. Si igitur pro

merito delicti punias, molliter saltem loquaris, flagitium, non personam osurus.

43. Potius quandoque dicto contrarius sis, quam semper serviliter assentiaris, docce aliquid tibi displicere, pro libertate sentiendi; quod est prope generositatem. Sed plerumque ab hominibus (à Principibus verò præsertim) ii pro sapientioribus, immò pro melioribus habentur, qui ad eorum sensum & voluntatem magis accedunt aliquantur, decipi malunt, quàm non ad gustum suaderi.

44. Bonum babetur ex integra causa, malum ex singulis defectibus, ait quidam. Quasi dictum velit, ad rem bene habendam, omnia impedimenta amoveri debere; minimus defectus si obstet exsequendo, eti reliqua bona media videantur, res tamen haberi non poterit & intentum.

45. Sæpius cum titulo, quam sine, alloquere, quemque pro merito decenter honoratus, nec tamen affectate; ut similiter te compellandi & honorandi insinues necessitatem, aut secus (velut importuna ceremoniarum) si negligas, alias idem erga te omittere, teque contemptim haberi posse doces. Quæ civilitas mutui honoris, adeo in animis hominum valet, ut non privatis modo inter se civibus, sed magnis Principibus erga sibi subjectos, non sit per indicriam

curiam transmittenda : nihil enim magis offendit animos , aut verius exacerbat, quam contemptus personarum , si pro merito non honorentur , velut ille ad principem ; *Cur,* (inquit ,) *ego te habeam ut Principem , cum tu me non habens ut Senatorem.* Neque Iulium Cæsarem aliud præcipitavit in necem, accelerando conjurationem , (quæ differri aut sopiri poterat) quam Senatorum , Consulumque contemptus , quod reliquum offensarum erat . Accedentibus (ait Plutarchus in vita Jul. Cæs.) ad Cæsarem sedentem pro nostris Consulibus , Prætoribus , totoque Senatu , Cæsar non assurexit , tanquam si cum privatis hominibus colloqueretur , quod non Senatum modo , sed populum offendit , Civitatemque ideo rati (per ignominiam Senatus) ludibrio haberi . Magna igitur cum tristitia discesserunt è curia , quotquot discedendi facultatem habuere , adeoque Cæsar sensit indignationem eam , ut statim domum abiret , reductaque á collo ueste , vociferaretur , se paratum esse ad præbendum , (si quis necare ipsum vellet) jugulum Ec. Ec. Ferunt vero cum assurgere Senatui vellet , euns ab amico , aut verius adulatore quodam suo , Cornelio Balbo , prohibitum monente (vide ne- quam adulatorem) ut se Cæsarem esse memi- nisset , seque ut præstantiorem coli pateretur . Ec. Nihil igitur magis offendit in animis movet , quam si honores aut tituli con- temp-

temptim auferantur Personis , immo magis si pro malignitate dicacitatis , adjiciantur scommata , præsertim in ingenuos Cives , qui eo magis delicatioris sunt animi in offensam , quo magis suæ virtutis sunt conscientia.

46. Famulitium sit tibi decorum , equus , cibus , & honestamenta domus .

47. Nunquam privatus fias , aut quasi incognitus .

48. Quanquam inter adversa salva virtutis fama , non vultu demissio aut' supplex sed ex memoria prioris fortunæ agendum .

49. Aequale Matrimonium , pro auctoritate .

50. Liberorum bona educatio & bona fama , Parentibus solatum & æstimatio .

51. Domesticos clientes , veraces potius habe , quam blandiloquos , qui tibi ex fide referant & præcaveant , si aliquid in populo de te spargitur , ut eas recte facto obviam , seu ipsi diluant , vel excusent . Falluntur , qui illos , nimium placere volentes in amoribus habent , venundatores potius suæ famæ , quam amicos , permitte sponte (si sapi) referri tibi modeste omnia extra metum & offensam , ne ignarus sis obviando vel præveniendo , immo te ipsum corrigendo , vera enim exprobrat aliquando vulgi obtrectatio , quæ ipsi amore nostri ,

sri, aut nostrorum, tum per incuriam, in nobis nostrisque, non advertamus; domestici vero coram nobis taceant, aut præmonere erubescant. *Vult volens decipi, qui nisi blanda sibi narrari cupit.* Deinde domesticos tuos, non nimis molliter, sed in actione occupatos, habebis, ne innutriantur otio, occasionibus posthac emersuris, futuri inutiles, desidiosi, insolentes, dum pro injuria reputabunt, si ad actionem aliquam vocentur, semel desueti: idem innuat perspicacia Salomonis (Prov. cap. XXX.) *Qui delicate à pueritia nutrit servum suum, postea sentiet eum contumacem.* Honoratioribus igitur domesticis, per minora servitiorum uteris.

52. Incessus lentus & gravis, vox submissa, cum opinione Majestatis.

53. Semper vera loquere. *Mendacium servile peccatum est;* immo naturam furti habet, furtum rem aufert alienam, mendacium verbum, congruum furatur veritati; prout commune proverbium Polonorum fert. *Mendaces consequenter esse fures.* Immo sunt leves, garruli, infidi, inconstantes versuti, simulativi, fallaces, venales, injusti, nam fere idem (ex non recte agendi vitio) suppositum habent, *Veritas mater virtutum est,* exinde cum omnia recte facit; Deus veritatis vocari voluit: in diabolo quia

obliqua omnia & contraria sunt. Patris mendacii, supremum titulorum habet : quem igitur rectum virum probatum cupis, vide an dicto verax sit, vix enim fieri potest, ut factio obliquus fiat. Veritatem semper probo & suadeo ; verum in aulis Regum, ingrata ut plurimum veritas est, pauci sunt veri amantes *Josaphat*, sed plures *Achab*, prout certe, si veniat in aulam verax *Michæas* indignitatem Regis experiatur (odi eum, quia non prophetat mibi bonum, sed malum ; III. Regum Gap. XXII.) aut incurandum in colaphum adulatoris *Sedeciae*. Abesse igitur à consilio præstat : (præfertim si odio multo, nullo fructu, veritate laboretur) vel cum ades, veritas omnino loquenda est ; præstat amittere gratiam, quam conscientiam, immo præstat agere *Michæam*, quam falsarium *Sedeciam*.

54 Satius te submelancholicum aut gravem potius, quam jocosum agnoscant effuseque hilarem, comitatem tamen serva, cum illis præfertim, qui ad mutuam humanitatem, non ad suum fastum, referunt omnia arroganter.

55. Quod scis per obtrectatores detrahendum tibi (quod tuæ domui aut in moribus casu obveniat) potius præoccupabis sponte fatendo, non detrahent, neque loquentur in exprobationem, quæ faceris, aut

aut in quo te ipsum sponte culpas , aut per jocum habes.

56. Cave ne unquam conqueraris , etsi pro impatientia doloris opportunum credas, deesse enim tibi aliquid, sponte fateris , circa amicos , vel circa fortunam, propator tui ipsius & ægritudinem animi simul detegis , etiam ignotis . ut qui te omni ex parte felicem credidere , magis inde æstimaturi , jam secus aliquid demptum credent , in levipendium. Omnes ideo hilari vultu excipe , quasi omnia ex optato fluant, non alia re magis invidos tibi confundes, qui alias tibi adversa optarunt.

57. Non in vestitu superfluo , aut domo exquisitis monilibus exornata , verum in virtute & morum constantia , viri Politici authoritas consistit.

58. Severitate sis gravis , blandientibus incorruptus , adversus minantes invictum habeas animum.

59. Omnibus sis cognitus & comis , multos sæpe convictui , raros secreto intimiori admitte.

60. Observationem tui in minimis firma , in præsentia majorum ut exemplum honesti reliquis inculces.

61. Plura sæpe in nos peccantur , dum complacemus , quam dum contrariamur.

62. Ho-

62. Honores & præmia ipse tribuas, pœnas vero aut redargutiones (si quæ irrogari justo debent) irrogari cures ab aliis, ut aliorum invidiâ acerbus sis ; tui merito, munificus & ambilis.

63. In consultatione , dum contraria emergunt opiniones , qui medium attulerit, plerumque omnes in suam trahit sententiam, non quod melior ista, sed quod ad medium, quam ad totalem assensum adducisse plerumque patiantur homines.

64. Cum magnis Viris & Principibus extraneis , notitiam quære, & communicationem literarum , aut internuntiorum inferes.

65. Structuræ non vulgares , statuæ , templa magnifica , famam authoritatis retinent, & parant opinionem , item sapientum monumenta nomini dicata; Nam quæ majores requirunt impensas , non nisi à generosis pectoribus facta veniunt, præsertim cum non sui lucri , sed publici commodi intuitu impenduntur , ad famam posteritatis. Sic *Zeuxes* pictorum præstantissimus , picturas suas excellentes , nullo pretio exponebat, Civibus eas gratuito datus, ut magnitudinem animi testaretur ; immo forsan quod arbitraretur , operam suam eò æstimationis ascendisse , ut omne pretium superaret.

66. Propositurus aliquid populo aut a-

mico

mico, quod in rem mutuam sit, potius
quæres modos, ut petaris, non petas.

67. Consulebat ille non leviter suæ au-
thoritati, qui inter colloquendum stabat
aperto capite, ne sedendi aut tegendi ca-
pitis, minoribus foret necessitas.

68. Histrionum & levium ludorum non
sis spectator: tamen nonnulli honestæ po-
pularitatis loco ducunt, habere intra do-
mesticorum numerum, joculatores & histrio-
nes lepidos, ait *Marius apud Sallustium*,
Sordidum me & in cultis moribus ajunt,
quia parum scite convivium exorno, ne-
que *histrionem ullum*, neque pluris pretii
coquum, quam villicum habeo; Nam ex
parente meo accepi, munditas mulieribus,
viris labore convenire, arma non supel-
lectilem decori esse

69. Voce oppreslos, defende potius,
quam opprimas, & patronum miserorum
publice age.

70. Loquaces & leviusculos, tuin vino-
lentos, noli laceffere verbo.

71. Legatos extraneos honorificè do-
mi tuæ excipe, quo famam nominis spar-
gant, & ab iis cura salutari.

72. Postula magis, qnam supplex roga,
(quia facilius res sic habentur) ac potius
per alios, nec unquam oblitus tui. Illau-
datum alias Othoni, (apud Tacitum) qui
poten-

*protendens manus, adorare vulgum, jacere oculu*s, & omnia serviliter pro dominatione.

73. In publico populi consilio, multi objecta saepe solvuntur tacendo, multa respondendo, immo multa non audiendo.

74. In gravioribus causis, aut questionibus, tum objectis, si melioribus consiliis res fleti non poterit, non quid respondeas, sed quemadmodum non respondeas? cogita.

75. Qui multa respicit, nihil agit, dum consilio, seu dum facto opus est, in consultando praesertim; illi, qui mere in partem assentientium transeunt, aut qui mere contrariantur, probantur: ambigui vero seu neutrales, vel ut vulgo ajunt: *Non totaliter resoluti*) neque apud populum, neque apud principem parant sibi autoritatem, utrique parti suspecti; recte dictum *Media via*, nec amicos parat, nec inimicos tollit. Tum illud: *Tremula manu vitrum capiendo, quo magis frangere quis cavet, frangit.* Merito succenset Tacitus (Hist. III.) Vitellio, ejusque Pro-Duci, dum in handamque partem studiis distenditur, & expendit diversa; cautus nimium esse cupiens proditor sui verius factus: *quod inter accipitia deterrimum est, dum media sequitur, nec ausus satis, nec providit.* Eo collimat dictum (apud Ecclesiastem Cap. XI.) *Qui observat ventum, non seminat, & qui con-*

fide

fiderat nubes , nunquam metet. Resolutus ideo sis facere serio , quod aggredieris , non tamen aggredieris nisi factu licita , ne dum involvere vis , periculo involvaris , licitis Deus adest.

76. Apagè cum amicis , qui sæpe reconciliantur : Aut cum domesticis qui crebro deprecantur.

77. Majora negotia apud populum tibi tractanda assere , minutiora relinquens minoribus , quædam digito opus habent movenda , non brachio.

78. Etiamsi omnia refutanda sint , aliqua tamen approba , ne omnino contradictorius esse videaris ; salva tamen virtutis fama.

79. Primis injuriis ni resistas , cum gravitate & virtute , contemneris. Veterem qui fert contumeliam , invitat novam ; at quomodo , non procaciter , verum prudenter resistendum tu videoas.

80. Passio plerumque in nobis dominatur , & zelum putamus , dicendum seu faciendum aliquid , nobis usuvenit : verbo invehimur , velut correcturi ; & exacerbamus , potius : sæpe detrahimus , sæpe diffamamus , sæpe irritamus materias & personas , quod agere pro modestia , aut intra dissimulationem ; magis in rem fuerat ; veritas , omnisque modus agendi stylum subtilissimum referat non cuneum , qui findit magis , quam pene-

penetrat. Cum nimis justi esse affectamus, in injustitiam impingimus, saevitia quandoque est, dum punitionem putamus; nec est correctio, sed exacerbatio aut alienatio amici morosa. Cum rigide, (vel ut ajunt) *moroſe ad pulſiculum usque*, repetimus nostra, non sit, ut aliena cum nostris non involvamus, impertinentium verius raptores quam actores justi; saepe deinde potentiam credimus, cum inferre injuriam possimus, aut secus accipere credimus, nisi alter injuriam patiatur. Quæ igitur minore damno aut scandalo dissimulari possunt, dissimulanda prudenti viro suaserim, privatam aut publicam pacem, quietem mentis, pacatam conscientiam habere qui cupit; Eo ferè collimat dictum: *A iustitia recedendum nonnunquam in parvis*, qui *velit salvam eam in magnis*, non enim sic erit injustitia, sed dissimulatio justa. Idem vult Spiritus Sanctus apud Ecclesiastem. *Noli esse iultus multum, neque plus sapias quam necesse est.*

81. Proxime sequitur, virtutis etiam zelum temperandum, idque ejus amore in manus promovendæ, ut dum nimio ipsius (prout debemus) ducimur amore, eam secundum tempora & personas, prout res agenda venit, suavius (cum vitii quadam dissimulatione) sensim animis hominum

num insinuemus : quod non est recedere à virtute , sed eam provehere in majus. Scriptura docet alios hominum acerbius increpitos , alios per similitudines suaviter reductos , potius quam retractos , sic CHRISTUS , dum bonum Patrem familias repræsentat , intemperantem zelum servorum ar- guit , & dissimulare docet : *Sinite ne forte colligendo Zizania , eradicetis simul cum eis ♂ triticum.* Sic erratum à nostris in Molcho- via , intempestivo , ne dicam insolenti re- ligionis zelo : cum enim Demetrius Ma- gnus , Dux Moschorum , Polonam virgi- nem in uxorem duxisset , occasione Ca- tholicæ Principis aliqui Polonorum jactan- ter ad invidiam usque Moschorum schisma- tis , ritum Catholicum dum promovendum contendunt , Demetrium Ducem , novam- que nuptam , in exilium præcipitarunt , Po- loniamque cruento implicarunt bello. Sed magis profana nobis serviant in exemplum , severi mores Galbae Cæsaris , licet recti , sed non pro tempore adhibiti , exitio fue- fuit , *quibus impar ea ætas erat* , cum sorte circa flagitationem militaris donativi , magis animose , quam in rem opportunè diceret , *se militem legere , non emere* , dum rigidus recti priscique moris assertor affe- ctat fieri , non assecutus , simul rem , seque perdit . Consultius alias facturus , si intra dissi-

dissimulantem , importunitati , nonnihil in aliq
tempus concessisset , & delinivisset huma
niori verbo flagitantes , sensim alia via ferr
cum tempore in melius reducturus , neque unic
à virtute imperatotia sic recessisset , sed incu
intra prudentiam regendi , habuisset totum viat
Etiam in afferenda libertate , circa obser
vationem antiquarum legum , vel aliquid novum plac
stabilendo , temperato & recolle
cto zelo opus , secundum res , tempora aut
aut personas agendo , ne dum reducere ad que
normam rigide contendimus , potius ma
lum , resque irriteremus . Qua in re sum
ma perspicacitate , judicio valido , ac su
per omnia , experientia opus est , nec pos
sunt in eo valere , nisi sedata , defæcata
que ingenia , quæ non quid debeat fieri , vel
prout aliquando factum est , sed quid nunc re
ete possit , ex æquo pensant , magis è parti
cularibus causis reique propinquioribus , quam
ab universalibus maximis , (quæ in particu
lari fallere amant , ♂ judicium consulentis non
leviter arguant , nam universalia multas ex
ceptiones habent , ♂ multas circumstantias
requirit imitatio , ideoque sape nos fallit) con
silia eruendo : & quæ non habeudi cupi
dine , aut spe inani , sed magis possibili
tate certa beneque consulto , res metiun
tur , dum ratio appetitu superior est . Aliquando enim suavitas agendi , aliquando rigor ,
ali-

il in aliquando utrumque simul , vel demum ni-
uma. hil agere , sed dissimulare in tempus , &
via ferre malum prodest , ne dum præcociter
eque unicum vitamus , multo majora , immò plura
sed incurvantur , res irritando : ut hoc casu ser-
tum viat dictum : *Malum bene positum , ne moveas.*

82. Igneæ nonnullæ tum inquietæ men-
quid tes , tum sibi non otiali , sed agere com-
olle. placent , dum quieta , non sinunt quieta,
ora, aut nisi res turbent , & in aliena (quæ sæpe
e ad devorarunt) invehantur , diem perdidisse sua-
ma. que arbitrantur , & pro injuria reputant ; fa-
sum. imam potentiae ex aliena injuria aucupantes:
su. ut igne Salamandra , si non nulli asperis & di-
pos. scordia vivunt , quæ alii flagitia , bi remedia vo-
ata. cant : In id nati , ut nec iphi quiescant , nec alios
vel finant.

83. Potius non videre te injuriam simu-
arti- la , quam dum vides , vindicare illam opus
uam habeas , ne si agnitam molliter dissimula-
ticu- veris , pejus contra te in posterum peccetur.

84. Si impetu in aliquid novum fertur
populus , cui resistere non possis , satis pe-
nes virtutem habeas , si non assentiaris.

85. Quæri exinde potest : Quid secu-
rius , & in rem magis opportunum , an
præcipui uuius , vel saltem aliquorum in
Republica , aut vulgi aucupari favorem? Non
disquirendo hinc illinc : constat , qui
totos vulgi favoribus se dedere , ab ipso-
met

met vulgo proditos , & oppressos : In cuj^o no
gratiam cum omnia feceris , semper aliqui lig
in majus vulgus requirit , vel ni sufficiat rit
antea bene fecisse , damno est. Quod verit
majus ! dum abutitur vulgus bonorum vir
tute & opera (semper eos casibus objec
tando) facit velut indiscreti equites , cum lit
bono equo læti , intemperanter utuntur ve
& nimio cursu fatigant , non parcendo la
bore , nec alium substituentes , dum per te
dunt , quod in vitis Gracchorum (apud pi
Plutarchum) observatum habeas , & rati
in promptu . Nam facilis paucorum ge
niū noveris , paraverisque tibi favorem ead
facilius gratiam demerearis , aut irratos plati
caveris ; facilis cum paucis agas ; suadendo
do , dissuadendo , orando , facilis obti
neas ; dum se citius pro paucitate expedi
re possunt , decernendo . In multitudine me
secus ; communitas frontem non habet , qui hæ
non tam facile de maledictis erubescit , dum vir
dispersim ignominia in tot capita vadit , a rebus
unius vero Principis personam (non divi
sim) tota infamia (ejusque posteros) di
rectè spectat , eoque magis afficit . In po
pulo deinde diversa sunt subjecta , in tam
clinationes , affectus studia , quibus im
possibile ex equo , ut satisficias , dum alti
pro diversitate ingeniorum , suspicantur ope
vana , aut secus interpretantur , cum puli
20

non intelligunt rem , plures vero pro malignitate . Offenditur quidem Princeps veritatem , sed magis offenditur , & simul fverit populus : uni dum places , alterum fmin re offendis ; nam in amores , odium , æquè obje facile vulgus fertur , non ut studiose cun lit , sed uno alterove impellente . Quod intu verò gravius : si in aliquid bonum fertur do la populus , omnes (unus alium circumspectan- per pentes) curam adhibent : jam si nocere cu- apu piant , quisque pro se , manum studiose ad- rati hibet in ultionem , ad nocendum uniti , n ge ad beneficiendum tepidi & distracti . Ex prem eadem ratione forte Machiavellus , ingra- : pla tiorem fieri Populum censet , unica Principis aden persona . Dixerim itidem , præstare favo- obti rem aliquorum præcipuorum in Republica pedi sed quem non per flagitia & obliqua de- adin merearis) favoribus vulgi . Addo super hæc , si non altioris alicujus boni , aut virtutis intuitu (quæ sola sibi ex conscientia redè facti præmium est) sed aucupandæ vulgi gratiæ & popularitatis , rectum ali- quid in publicum facias , falleris ; sæpius odium pro gratia redditur : Rem exper- tam ipse habeo , quam loquor . Si profana parvi sunt , en cape in rei documentum altiora , quia sacra ; Nemini magis , quam operatori salutis , Christo , fraudi fuit po- puli plausus & gratia , hodie uti Regi filio

David, in urbis ingressu, palmis & substratu vestium, in pompam triumphi, via desternentis, mox intra dies aliquot, sub mutatione, crucifigendum poterit. Si alii ferè vulgus, cuius boni, aut parvi affectu sunnunquam modicis continentur.

86. Afflictis palam condole, sed tameptu sine injuria afflgentis.

87. Honores non pete ipse, oblati specie recusantis accipe, non multo exultationis animi signo, nec etiam tristi, ut ingratus, sed graviter, per amicos petitur natus non ore tuo, pro fama modestiae, tum upulivid earis magis te posse officium gerere, quam nimis velle; quod venustatem actioni imponit, & dantem magis promptum redquedit. Vis adhuc altius, unicam artem distet: Non quomodo ambienda quereras, sequar quomodo forte contentus, non ambias ultra pacatus, plura sic utique (immo quo mnia) laetus contemnere potes, & qualia aut ex alto animi despicer, non omnia vereten destinata, ambiendo adipisci, eoque de notitia habito tristis, & stans loco velut inferiore omni.

Habet velut omnia, qui non ultra cudi pit, in animi mensura, non fortunae, sed ad satis habendorum modus.

88. Apertis horreis, leva pretium frumentorum.

89. Nobis

sub. 89. Nobiliores exules , tum à fortuna
via desertos excipe domo , & necessariis pro-
bita cura. *Alii dividunt propria , & ditiores fiunt,*
Si alii cupiunt non sua , & semper in egestate
etiam sunt , (inquit sapiens.)

90. Pupillis honestarum familiarum, sum-
meptus educationis provide.

91. Si à populo voce opprimaris , mode-
ato Mam objice cum gravitate & reprehen-
xulione generosa , qnam ut frustra acerbius
incontendas ; unus à multis facile contem-
nit nendus ; nec alia tutius via , furorem po-
nupuli evades.

92. Miseris sis aditu facilis , & intentus
imquerelis , licet subrusticè , & tædiosè con-
redquerantur ; nam loquax ut plurimum dolor
dilect : da bona verba , gravia tamen potius,
sequam mollia ; condole saltem , ni juvisse
ul sufficiat , nemo utique verbo pauper est,
o quod æque afflictis gratum , ac si juventur,
qualaut secus novam injuriam sibi inferri pu-
erent , si transitoriè eudiantur. Principes
non igitur , aut quicunque sunt viri honesti , in
ore omni vitæ suæ actione , teneant recte agen-
cudi præceptum. *Nihil sibi esse salubrius , tam*
sed ad morem populi parandum accommodatius ,
quam ut humanioribus responsis etiam infime
frustratis homines , ab se dimisisse ; salva tamen
gravitate , ne obvia facilitate vilescat.

93. Inter *militares* de armis loquere, inter *doctos* de virtute, doctrina, libro, honestate: personis, rem & sermones accommodaturus; *Hilares*, liberius suaviter que excipias: *Severos* aut *Morosos* contra *&* ius, & brevibus tractabis, cum facile multi sermonis nauseam habeant, *Ambitionis* honorem deferes, reverentius agendo perinde ac si eos multi facias: *Cum modestis & sinceris*, simplicitatem dicti quærenam facile dolum suspicantur, si verborum involucris, & ambagibus affectati utaris: *Malignos*, *Astutos*, *Levesque*, quoad potes, vitabis, sed procul à nota vitanis, ne offensos habeas; universim vero secretorum tuorum (loquendo) cautelis: Insuper inter *Æquales* dignitatem ex pari tueare, ne posthabearis, non tamen semper ad numerum & stoica gravitate, ne arrogantiæ nomen parias: Inter *inferiores*, faciliorem tui copiam præstabis, ut ameris, non nimius tamen aut effusus, ne satietatem inducas, sed propior gravitatib. Erga *superiores* non nihil submissius te gereris, non tamen immemor tui, verum ultra *modum* generositatem, nec ut abjectus, aut adulator, tum deformi obsequio laborans.

94. *Meticulosorum ingenia* ingestu terrore, nec tamen sine condimento gratiæ, ad officium commode rediges: *Generosos* secus exacer-

exacerbat terror , ut potius reddas obſti-
natiōes , aut alienes verius , dum eos ,
ſic parare cupivisti ; verum eos gratia , co-
mitate , liberaliore conviētu (idque ad
obſonii raritatem , non ſemper facili aut
effuso , magisque adhuc gravitate agendi
generoſa , quæ reverentiam personarum
ingerit) tibi obſtrictos pares . Verbo di-
carn injuriæ generoſum irritant , mollem
tum puſillanimum frangunt . Cum mediis
aut indifferentibus , præſertim vero cum a-
ſutis , aut qui libenter inſoleſcunt , adhi-
bebis ſimul utrumque , terrent nonnulli , ne
paveant . Moroſos denique & Intruſores lau-
tiore mensa , & aliquid pro tempore dan-
do tibi mercaberis . Rara tamen ingenia ,
quæ non hoc ultimo telo expugnare fas
ſit . Prout igitur hunc aut illum , ad tuum
beneplacitum habere vis , introſpice natu-
ram prius hominum : animi , æque varii
ſunt ac vultus ; ut agas , prout ad metum ,
vel generoſitatem inclinat , vel participat
ſimul de utroque , ut quemque ſuo affectu
aggredeariſ expugnandum , prout in aliquo
hic , aut ille , magis prædominatur ; me-
tusne , cupidio gloriæ , amor privati com-
modi , publicum bonum , aut tenerior con-
ſcientia ; Objectando dextre ad persuaden-
dum , pericula , ignominiam , damna , ja-
cturam publici : ingerendo ſcrupulos , &

offensam DEI , & quævis in contrarium
vel si faciant , omnia eventura in parte
meliore ; Jam si omnino refractarii sim
recta sequendo , saltem in meliora quo-
quo modo deflectes , & concedes partem
velut Senecæ & Burrho visam , ne utrum-
que NERO pervinceret , alterum concedere
vel certe eveniet , (præsertim si cum ge-
nerosis res est) ut negligant , si aliquid
modo in speciem generositatis sibi conce-
datur , nec plane impugnari videant , a-
lias nihil percipere , servile putantes ; Sæ-
pe repeto ; *Hominum animi , sicut generosi*
equi , molli freno facilius reguntur.

95. *Qui amat accipere , negat nihil.* Non
in privatis modo , sed puta in publicis , fa-
cile habentur omnia , præsertim apud eos
quibus accipere dulce est , dum sunt semper
venales & alienæ ministeri potentiae , imino
mensarum , placitorumque affectiones . Non
ex vano inexpugnabilem urbem , expugnan-
dam facile credidit , in quam asellum onu-
stum auro , intrantem , didicit . Et Ju-
gurtha , Romanum statum inclinari advertit,
debiteque illusit : *O Venalem Romam , & ma-*
ture peritoram inveniret , cum reperit pleros-
que ex curulibus ; qui accipere oblata
non promptè recusarent , imino promptissime
caperent , vendi sibi negotium ama-
vit , cum venditores odissent , proditionem ,
non

non proditores amaturus : viri ideo qui-
cunque recti , etiam licite oblata intra ve-
recundiam , propiusque nolentes acceptare
debent , aut profus non acceptare , virtu-
tis præmium in virtute quæsituri ; Hoc
enim genus vitii , mentitæ suavitatis con-
dimento , facile insinuat se hominum sen-
sibus & leviter modo tangentibus allinitur
sine sensu . Facile qui accipit , facile dat
sibi suaderi . *Pessimum veri affectus venenum,*
sua cuique utilitas. Merito pagina sacra
rectos in populo viros , judices , duces-
que dum laudat , aut secus depravaris dum
succenseret , his appetentiam munerum ex-
probrat , in illis contemptum , oblitorum ,
velut solam recte popularis virtutis nor-
mam commendat . *Dixit Sammel ad univer-*
sum Israel (Regum Cap. XII.) Loquimi-
ni de me coram Domino , utrum de manu ,
eniusquam munus accepi , contemnam illud
restituamque vobis , dixerunt : Non tulisti
de manu nostra quidquam. Et Cap. VIII.
Non ambulaverant filii Samuel in viis ejus
sed declinaverunt post avaritiam , acceperunt
munera , & everterunt judicium . Mirum
dictu , quod pervertat veritatem , bo-
num publicum & judicium , qui prope-
te accipit munus . Talesque hodie vi-
deas : *In quorum manibus iniquitates sunt ,*
dextera serum repleta est muneribus (Psalm.
D 4 XXV.)

XXV.) potius igitur : Non accipies mu-
nera , quæ etiam excecant prudentes , & sub-
vertunt verba iustorum. Exod. XXIII.

96. Nullius artem reprehende , quod vel
maxime offendit.

97. Multa in absentem statuuntur , quæ
in præsentia non fierent , cura , (si tute
potes) ut dicendis de te rebus aut statuendis
ad sis præsens cum authoritate tua , &
amicorum , ne per absentiam conscientiæ
arguaris , eaque importuna meticulositate
majorem ingeras audaciam (æmulis) va-
lidius contra insurgendi , qui nisi tua im-
becilitate fortis.

98. Magnorum virorum dissidia , conci-
lia ; & mediatorem te interpone , (etiam
si non vocatus) si autoritatè vales ; sed
procul ab importunitate , & sine alterius
partis offensa , fac talia pro publico bono,
& amore proximi.

99. Dum punis , privatim puni , dum
parcis , publicè parce.

100. Habebis aliquem bonæ existimationis
virum , qui pro te agat , & loquatur in
publico , quam tu ipse pro te. Major alie-
nis dictis , in aliena causa fides , laudan-
do vera , seu excusando liberius , falso im-
posita , tum opinativa ; & minor tibi di-
centi , invidia ; Quæ pro sua causa dicun-
tur , magis ex necessitate propria , & pro
ani-

animi passione , quam ex vero dici communiter creduntur.

101. Quæ tibi adversa acciderint , supreme , aut tege lætis : prospera laetus di- vulga.

102. Sermones vulgi velut nescius ignarusque feras , prohibiti enim plures erunt , quasi veri , si prohibeantur & nocituri.

103. Securitati consule prius antequam vindictæ , quosdam enim , haud tuto aggreditur , ut cavere ab iis magis opportunum sit , quam ut aliquid acerbius in eos statuatur.

104. Justitiam ama , & verax sis , quo magis fidem rebus tuis pares.

105. Nonnulli dexteritati tum prudentiæ , virtutique suæ in tantum fidunt , ut sponte sese conjiciant in occasiones periculosa , negotia intricata ; difficilesque conatus , supra vires aggrediantur : quasi in arbitrio sit , ex illis eluctari ; tamque deferere promptum , quam irritare inceptandum velut supra humanos casus constitutis , tum non errandi potestatem , sub imperio habentibus. Quod secus fit ; dum tene- mur potius à negotiis , quam tenemus illa. Non admittere vero occasionem , primus gradus est non errandi , dein posterior non errare. Ne Deus quidem , dum probos vult nos fieri , peti voluit , quam , ne in-

ducamur in temptationem , quasi non peccaturi , si tentatio (id est , mali occasio) ab sit. Non igitur , quantum in nobis est , dubiis rebus nos volenter commitamus , ne apprehendamus plus animo vel manu , quam cui sufficere possumus retinendo vel con contra obluctantia constanter perseverando : nec sibi blandiatur mens ; ut præsumtuosa opinione nostri , minus opinemur de virtute contrariæ partis ; dum volumus , ut evitemus occasiones errorum , immo ipsa mala , Facilius aliqua non recipiuntur , quam exēunt . immo excluduntur venientia , quam expelluntur , dum fuerint admissa. Qui admittit occasionem , admittit errorem.

106. Irasci , mala verba dare , ferire , nemini fidere , res quietas non sinere , pro libitu agere , aut secus , in speciem authoritatis desidere. *Nomine magnifico segne otium velare , in alias agendum opus concere , superbire , tum insolescere ; potestatem regendi , nonnulli falso putant , cum alias suavitas agendi (previâ prudentiâ & cautione) rebus perficiendis totum possit. Maxima flumina , minimo sono labuntur. Non tamen obsit rebus , subirasci modice , intra gravitatem agendi ; immo valde profit , ut vivacius in executionem urgeantur iram prudentem , esse cotem fortitudinis , non ex vano dictum : in consilium vero recte incipien-*

incipiendorum , sola prudentia , cum deliberatione non affectata , jus semper habent .
Potestatem , cautis quam acrioribus consiliis
tutius haberi. Tacit.

107. Vitia hominum privatim publice que nihil magis intendit , quām cum male fecisse , joci vicem habet , non suspenso supercilie , sed excipitur cachinno . Exinde licentiosi , dum non timent DEUM , quod reliquum erat , excussa hominum reverentia & pudore , male facere fibi complacent ; vel dum in rectiores incurunt , qui rigidiore fronte , tum verbo factum excipient , indignantur , moneri nolunt , paucorum rigorem & censuram injuriæ loco habent , dum plures jocoſo intuitu , talia transeunt , velut approbantes . Moderni seculi , immo novæ Politiae ea labes est . Rigidæ priscorum Germanorum virtutis , non immerito causam annexuit . Tacitus (de (mor. Ger.) *Nemo illic vitia ridet , nec corrumpere aut corrumpi , seculum vocatur.*

108. Non levis est prudentiæ *Moralis* tum *Politice* , scire in suis domi , & Civibus publicæ , quædam minora dissimulare , nec ventare ; ne obtineas , ut pervingendo (quæ agnita vitari , nec coerceri possint) in pejora mala incurritur , ex iussorum & impunitatis contemptu , nisi aliquid fragilitati concedatur , velut profundissimè sparsim

Tacitus, tum alii. Nescio, annon tutius sit, quædam adulta, & prævalida vitia admittere, quam illud assequi, ut palam fiant, quibus prohibendo, pares jam non simus: dum verò prohibita semel impune transcederis, neque metus ultra, neque pudor est; Quædam tutius est non prohibere, quam prohibita leviter præterire; & sotent non accusare, quam accusatum non punire; nam evulgatus pudor, non satietatem, ut multi rentur. Sed incitamentum parit. *Correctio plus damni in Rempublicam quandoque assert, quam indecorum vero attrectare, quod non obtineatur; si velis quod nondum vetitum est, timeas ne vetere.* Tolerabiliora sunt modica vitia, quam prohibitio, cui nemo paret. Mithridates continuo usu veneni, Naturæ suæ reddidit familiare toxicum, ut contra induraretur: Sic aliquæ malæ consuetudines, tum abusus, consuetudine roborati, non tam obsint Reipublicæ, (nam sæpe alterius virtutis interventu, velut ad æquilibrium pensantur, & cum tempore conveniunt) quam præceps cortæctio: prout violenta medicina, plus nocet ægrotis, & vim naturæ infert; qnam ipse morbus, qui sensim utique conficit. Inter hyemem & æstatem, ver aut autumnus inest; inter diem & noctem diluculum, natura ipsa haud violenter, quasi per gradus, in mutationem

se

se transferente ; etiam virtuti horror imponatur , si severius se intrudat , non suaviter insinuet ; cum tempore curandum , quod cum tempore invaluit , Repentinae novitates sunt tanquam advena & peregrini , quos admiratione plus , minus benevolentia prosequimur . Exinde novorum politicorum axioma vix improbaverim . In seculis aliquando corruptioribus , homines industrios & satagentes , usui magis esse , quam pro rigore virtutis nimium zelosos .

109. Ne decipiaris , mature cogita te deceptum iri : saepe dissidentia mater securitatis est , aut secus , si in vanis nimium scrupulosus sis , saepe causa : inanis metus , nocet rei , nocet parandis amicis . Dubitaverunt præterea , an modica calliditas non sit in parte Politicæ prudentiæ , seu cautionis , pleno hoc obliquorum ingeniorum seculo , non ut circumvenias , sed ne circumveniaris , dum quemque pro suo ingenio scis metiri ; aliqui enim ita sunt incaute sinceri , si præsertim in blandiloquos & astutos incurvant amicos , ut nihil sinistra intentione agi opinentur .

110. Sis Politicus , non tamen ut te Catholicum esse obliviscaris .

111. In privatis publicisque negotiis , cum paucis vel cum populo , non semper idem tenor , modusque actionis servandus ,

dum rem habere probe cupis ; verum secundum tempora, personas, immo cum iisdem personis : sed aliis occasionibus, rerumque circumstantiis, modum agendi, variari necesse : aliquando severitas juvat, aliquando eadem obest, sed prodest clementia. & suavitatis ; aliquando munifice, aliquando parcus aliquos habere oportet, & dandi facilitas obest. Tacere & dissimulare, nonnunquam exprobrare palam aut tacitè conductit, properare aut cunctari, potentibus statim anuerre, aliquando differre in tempus, negare, difficilem se præbere, & grave supercilium monstrare prodest, mollius aut austrius, cum autoritate matura, vel submissius, familiariterque pro confidentia agendo. Nec CHRISTUS in sua Oeconomia, semper eundem agendi modum servat, sed pro tempore variat ; Peccatricem mulierem ad pedes suos provolutam prompte admittit, peramanter aspicit, *bonum opus operantem* laudat : eandem postea, licet pœnitentem & in melius correctam, à sui amplexu arket, severiusque habet. *Mulier, noli me tangere,* cum utrumque intra peræqualem bonitatem ageret : illud intra summam clementiam, hoc cum majestate ; non extra tamen gratiam: modo vario & causa, verum intra eundem anorem, dum simul arket, simul solatur eandem, simulque honesto-

nesto præficit officio. *Quid ploras? quid
quaris?* *Vade ad fratres meos, dic eis.* Joan.
XX. Dixerim, qui se aliorum exemplis,
sueque probatæ semel praxi totos alligant,
nisi aliquid in præsens mutent agendo, ad-
dant, minuantve; graviter falluntur: po-
tuit iisdem de causis, cum iisdem personis
severior modus prodesse, cum quibus alio
tempore, alio loco & occasione, nisi sua-
vius agendo remittas de rigore, rem tur-
bes; nec quod voluisti assequare, uti eadem
vestis non cuilibet corpori & ætati, sic
praxis & exempla, tum imitatio, rebus &
personis non quadratè serviant, nisi pro
tempore immutentur.

I : 2. Animi constantia & ingenuitas ju-
vat in adversis, superat invidiam, arcet
mala: Mollities secus, accersit periculum-
cui vitam animi fortitudo aut constantia
non dabit, metus aut fuga rarius parabunt.
Sic, (apud Tacit,) accusati de amicitia Se-
jani, alii per mollitem excusando, eo
majorem suspicionem sui cum movissent,
succumberentque in causa, *Marcus Teren-
tius* ingenue quod verum erat, solus fa-
tendo constanter superavit invidiam, &
evasit objectorum pœnam; prout ejus respon-
siam, non sine gusto, & paranda doctrina
legas apud Tacit. VI. Annal. Qui silentio
tristi objecta recipit, non modestia est, sed
taci-

tacita confessio , aut judicem tacite arguit
sævitiae , quasi in majus defensione inno-
centiae irritetur : Qui autem negat , quod
verè objectum ; se ipsum accusat : non quod
noluerit , aut de malefacto doleat , sed
quod latuisse tantum expetiverit , præsidi-
uin malitiæ ab occultis habiturus , immo
metum prodit , ex facti conscientia & atro-
citate , quod fateri veretur : non extinguit
materiam objectorum , sed irritat accusa-
torum æmulorumque poteriam : tum ad
inquirendum & comprabandum ingenia,
ne frustra objecisse . videantur , demum acut
audaciam , ut contra timentem gravius in-
surgant , inclinatum concitatius impulsuri
in ruinam . Qui secus ingenue fatetur , pro-
pius pœnitentem est , ut doleat objecto , quod
sponte agnoscit , & corrigendum videt ; Dein ,
fortis utique animi signum est , intuitu virtu-
tis , & pro ingenuitate , aliquid dicto , facto ,
tentasse , non tamen malitiose , aut ex dolo ,
qui semper suspectior est , quam animi a-
pertus candor . Non superba tamen de-
bet esse facti confessio , nec velut expro-
bratio , quæ magis exacerbat , dum obsti-
nationis animi signum est , accusatorem &
objecta velut contemnens ; potius , intra-
vultus verecundam amoenitatem , nec ex-
tra ingenuam modestiam , quæ innocentiae

suæ (dum non turbatur) fidem facit , ac de clementia prudentiaque discernentis multum sibi persuadet ; Aut si omnino de pre-
candum sit , non faciat tamen aliquis ut
nimium abjectus , nec veste sordidatus aut
squalidus ; quod indignationem sæpe ma-
gis , quam miserationem movet ; verum
faciendum ex memoria ingenuitatis & ho-
nesti . Sic , ut per varia casuum abeam
(apud Thuanum) Joannes Fridericus Saxo-
niæ Dux victus prælio à Carolo V. Cæsare ,
& captivus , cum pro nota rebellionis , de-
cretum mortis jussu Cæsar is adferri sibi vi-
deret , lusui latrunculorum tunc forte in-
tentus , & velut in aliena causa minime
turbatus , Ernestum Ducem Brunsuicensem
secum colludentem , simulque sorti compa-
tientem constanter monuit , ut eo non ob-
stante , lusum continuaret , suam innocen-
tiam Cæsar isque clementiam , ea in parte sat
pro se laboraturam , subjungens ; Qua in-
fracti animi constantia , Cæsarem flexit , &
periculum vitæ , licet non fortunæ , supera-
vit . Sic apud Franciscum Guicciardinum
(Histor. I.) Cum Rex Galliæ Carolus VIII.
(moto bello pro recuperanda Neapoli con-
tra Arragonios) in Italiam cum exercitu se
infunderet , ac forte per transeundum , à
Florentinis , pro societate armorum & ami-
citia , in urbe in receptus , contemptius eos-
dem

dcm haberet , conditiones aliquas grave extorsurus ; illi verò , potentia Regis consternati , circa consensum tergiversarentur solus Petrus Caponius , vir altioris animi agendi constantia , rem animosque Civium restituit , & Carolum plena generositati voce , tum facto , terruit ; verba sunt Guicciardini (Hist. I.) Cum ejus Collegæ coram Rege stetissent consternati , atque à Regio scriba compositionis capita iniquissima , scripta recitarentur , Caponius rei indignitate vehementer pernotus , libellos è manibus scribæ abreptos , Rege spectante discerpit , & se abiturum propriens , voce concitata subjunxit : Quandoquidem tam iniqua postulantur ; vestras voi inflabitis tubas ; nos campanas pulsabimus nostras , haud obscure innuens , eas controversias mota plebe armis esse decernendas : Constat , tantà fiduciâ verborum Caponii , terrorum Galli injectum , secum reputantibus , tantam in eo homine constantiam , non sine fiducia alicujus paratæ potentiae & subsidiorum esse , quamobrem , eo revocato , Rex in æquiora , nec absone Florentinorum libertati deflexit . Sed cur vado per externa , cum adsint domi exempla propria , idque in meamet causa , Cum per iniquitatem delatorum , recta plerumque ci- vium vota in sequiorem sensum trahentium , liberius dictorum (ut fieri assolet circa liber- tatem) coram Rege accusarer , ipseque ad

interiorem Cameram me vocato , pro Ma-
jestate exprobraret , id , quod certe verum
erat , *Angustia mihi undique* : hinc menda-
cium , servile peccatum (si vera negarem)
& offensa Dei ; illinc apertior offensa prin-
cipis , si faterer : recollecta repente mente
in partem utique posteriorem peccare ma-
lui , nec tamen apud pium Principem pec-
cavi ; fronte ad amoenitatem (pro fiducia
constantiae , non extra tamen modestiam)
composita , subjungens : *Si que à me dicta ,*
non profectum à malitia , aut inquieto ingenio ,
sed factum pro fiducia legis , tum æquitatis ; cu-
gus assertorem pro Catholica pietate , ipsum Prin-
cipem esse scirem ; Nec mihi alias jurato Sena-
tori , nisi cum lege loquendum conveniret : Cum
igitur responsum acceptandum , aut aperta
lex , tum æquitas impugnanda esset , quod
nequaquam bonus Rex apud animum per-
vincere potuit (nam etiam juxta populi li-
bertatem convenientissimum erat) objectio ,
intra ingenuitatem responsi conquievit ; un-
de , uti per cætera gestorum , alios ; sic eo
casu , me quoque publice ac privatim æqui-
oris animi , bonus Rex habuit præconem .
Cessare debui , verum non extra materiam ;
unicum adhuc constantis tum infraicti ani-
mi exemplum apponere , Juvat Ferdinandi
Arragoni Neapolitani Regis . Cum enim (su-
pra memorato) Carolo VIII . Galliæ , Rege ,
vict

viātricibus armis Neapolitanam oram per-
vadente, ipsaque Neapoli urbe, & Præ-
torianis cohortibus in Victoris, nomen de-
sciscentibus, Ferdinandus regnum deserere
cogeretur, nihil spei relictum, quam ut
cum paucis iunctimiorum, relicta Neapoli,
in Ænariæ Insulæ arcem, *Isleam* nomine
secederet, verum eadem infensa fortuna
secuta in Insulam Ferdinandum, arcis enim
Isleæ præfectus, eodem quo reliqui Nea-
politanorum morbo persidiæ agitatus, in
victorem Gallum propensior, descenden-
ti forre ex trireme, portas arcis occlusit:
Fertur, insperato persidiæ spectaculo con-
sternatum prius, dein recollecta mente &
spiritu (à desperatis & animi constantia con-
silio captato) paucis comitantibus, proxi-
mius portam, arcis animose successisse Fer-
dinandum, ut partim mandatis, partim
exprobatione collatorum beneficiorum,
& exinde turpis persidiæ; partim vul-
tus Majestate Præfectum flectere posset.
Non plus tamen apud perfidum ea valuere,
quam ut data nisi conditione, arce recep-
turum se Ferdinandum promitteret, si
nemine comitante solus portam ingredere-
tur. Accepit ille promptè conditionem,
non ut dissimulans, & exinde tacitæ offen-
sæ suspectior, sed ut Majestatis conscius;
moxque adaperta porta est. Tum vero

in

in ipso portæ ingressu , non se Regem oblitus , eâ confidentiâ , eoque vultu ac vigore animi , districto gladio in Præfectum & custodem portæ impetum fecit , ut sattellites , qui armati in statione aderant , comminantis & imperantis simul Regis aspectu perterriti , extemplo portam aperuerint , reliquum comitatum recepturi . Quo casu manifeste apparuit , animi constantiæ , vel (ut Jovius ait lib. II. Histor.) Regum oculis , in omni fortuna , quandam supra humnam inesse vim , proditoribus autem degeneres esse animos ; præsertim cum in ipsa perfidia deprehenduntur .



Pars Tertia.

POLITICO- MORALIUM.

I.

COnscios secretorum (etiam delinquentes) non habebis acerbius , ne irrationant prodant seereta , & res misceant .

2. Licet verum sit , nunquam conqueraris , quod male de te loquantur homines , aut enim cum senserint te offendit , pejus loquentur in acerbiorem vindictam , aut denu-

denudaberis coram audientibus, de adversariis, cum non levi suspicione famæ; potius bonâ indulgentiâ fortuitæ, dic, tibi satis amicorum; & bona de te sentire omnes: immo in præsentia tibi detrahentium, sinceritatem & candorem lauda, velut ignarus traductionis, ut consequaris, quod illi sinceri, à te vocati, esse juste velint, ne bonam de se opinionem amittant.

3. **Si** *Quique* (sed præsertim in officio degenti) minima sui inobedientia, serverius observanda, ut minus serio imperata, sint in executione, quò majoribus iussis non ignoranter attendatur.

4. Si quid in aliqua gravi materia difficile propositum, quod non statim intelligas, scripto consignari jube, aut prudentem ministrum delige, qui rem inquirat tibi sufficienter relaturus.

5. Nimiam magnorum comitatem suspectam habe, namquam te illi, crede totum, non enim mutuo bono faciunt, verum suo, quatenus opera tua velut instrumento utantur, seposituri in partem, dum cogitatum perfecerint.

6. Nonnunquam prudenter de gravitate, & de jure demittere, necessum putabis, quatenus assequaris, quod voluisti, alloquendo prior, salutando, visitando, adeundo minores, familiarius in parte colloquendo,

do, convictum eorum non aspernando, nonnulla dissimulando. Sed haec modicè adhibebis, velut obsonia rarioris favoris, non ut lauitia profusionis.

7. Privatum otium, & exercitia tui cubilii sint gravia.

8. Spectacula generose edita, ut sunt fetarum nobilium certamina, hastiludia, in opinionem serviunt authoris; velut in Laurentio Medico observatum reliquit Paulus Jovius, qui in populo, tum apud exteriores aestimationem sibi paravit, magnanimitate expensarum, in honestos circum se clientes, in eleemosinas & obsecratorum prompta subsidia: in equestres ludos edendos, in apparatus conviviorum, in collendos literarum Professores, in conquienda quæ rara alicubi videantur, quibus ille (verba sunt Jovii) ac præsertim munificentia auspiciis, longius famam suam extendit, quād quisquam aliis aequalis, vel militarium morum fulgore proficeret. Et vitam Magni Consalvi, apud eundem legas, quomodo in aula primū creverit, dein apud milites, expensarum apparatu valuerit? omnium animos in se rapiendo, splendore prætiosæ togæ, armorum & convictus.

9. Aliquid in tuis aut te ipso mutatus, non uno iactu præcide, sed lenta ope-

ra , quasi aliud agendo . Novitas enim & *insperata sedulitas* parit suspicionem.

10. Patrii & antiqui moris , ac eorum quæ populo placent , doce te esse amatorum , & imitatorem.

11. Non propere damna , sed lentè & sæpius dolens proprius : ut libenter damnet , qui cito , immo pœnam infliges malis non ex crudelitate & sævitia puniendi , sed ex æquitate discreta : corrigendo non tollendo. Insigne senatus consultum in gratiam damnatorum factum Romæ. Ne decreta patrum ante diem decimum in ærarium deseruntur , quo senatui libertas ad pœnitendum esset , O rigor interiectu temporis mitigaretur idque vitæ spatiū damnatis , ut prorogaretur. (Tacitus 3. Annal.) Hoc olim sanctè in Ethnica Roma , Catholica nunc pietas , quid ni plus requirat ? Ante dies quindecim , in delinquentes ne decernatur , non inutilis mora sit , decretaque ut procrastinentur Justa primo affectu , immò ab ratione , sæpe nobis videntur , quæ posterior dies arguat , si iterum decimoque requiras , hæc illave , falsa , imposita opinativa , repetita , in trutinam vocando , præstat nocentium pœnam differre . quam (abut pœnitenter) innocentem per errorem damnare . In quem errorem , ipse vix non impedi decernendo , scribo .

12. Nun-

12. Nunquam servilis sententiae , authoris & sautor.

13. Qui urgere negligit , habere non vult: non incipiendo , sed perseverando res habentur. Eo propè collimat Tacitus : *Multa ausis , aliqua parte fortunam affore.*

14. Sera experientia compertum habeo, eos qui prudentia dictorum & consilio valent, raro utiles factis & exsequendo : dum satis habent ad rem benè gerendam aptè consuluisse , aut à multarum rerum consideratione respectibus laborant, neque periculum sumunt agendi, aut dum aliquid obstat facto , agere deditantur, quasi impugnare veritatem irati: cujusdam (si dicere licet) *omnipotentie modo* , totum habere volentes , non urgendo, non instando. Aut denique fit occulto naturæ arcano, cum aliis rectè consulendi , aliis rectè agendi, urgendi que modum dedit, ne fors aliquis supra humana attollatur, sed memor sit, humana necessariò aliquid ex imperfecto habere. Hos quidem censeo , consulendo utiles, verum ad exequendum , cordatores alios (qui non verbis , dictisque , sed magis loquuntur factis & rebus) adhibere oportet ; seu (ut vulgas ait) sub cholericos, activos, non respectivos ; quibus si aliquid obstat, non terreri , sed impedita amovere, iterumque conari studeant, non cedere ip-

si rebus, sed concedi sibi debere rati. Et Apostolus eandem urgendi necessitatem suggerit: nec tentare modo leviter (quod ex necessitate recti , habendum intendimus) sed instando animose (non tamen extra prudentiam) perseverare docet. *Insta opportunitate; argue, increpa, obsecra, in omni patientia & DOCTRINA.* Audacia & Activitas, tum Constantia, sunt rectæ executioni ferè parallelæ , multi virtutem incipiendi, rari admodum finiendi aut perficiendi habent.

15. Nemo fiderenter rem gerere potest, qui non se majorem credit eo , aut saltem est parum, cum quo res intercedit: qui se inferiorem habet, timidè aggreditur; ideoque parum ad rem proficit, in tractatu privato, seu in publico ; circa materias præsertim bellicas, togatas, ac vel maximè in materia legationum, & commissionum cum exteris.

16. Publicam semper utilitatem & religionem obtende, ne publico usui utilitatem privatam anteponere videare.

17. Etiam non vestitos, comiter alloquaris, & responde; procul tamen à levitate, & projecta facilitate.

18. Non velis videri jocularis & dicax.

19. Imbecilliores ad tuam opem (sed ex justo) confugientes, non desertos patiaris,

Et fidelem enim operam præstant; vide tam
n fug- men, ne eo sub prætextu, flagitio pollu-
od ex tis liberum apud te asylum permittas, &
imus) ex eo falsam protegendi potentiam præsu-
extra mas, quæ tunc solum vera, & gloria est,
ta op- dum virtuti, non vitio patrocinatur.

20. Pro Divinis maximè, & bono zelo
certabis.

21. Mutatus sententiam, dic: utilitatē
publicae te studere, non vulgi opinioni.

22. Non sapias ex ore tuo tantum, sed
boni consilii (& dictorum) quod etiam ab
alio provenit, sis amicus & fautor; quod
est generosi animi, & virtuosæ mentis si-
gnum.

23. Qui super alienis prolati questiu-
culis ludunt, verborum deprehensoris cu-
riosi; nec aquiescunt recte dictis; semper ali-
quid requirendo: aut rem non intelligunt,
aut sunt leviculi, aut maligni, aut conten-
tiosi & garruli, aut genio præsumptuosi,
aut supra vulgi ingenium judicio valent, aus-
demum sunt fugillatores stupidi: si igitur
quietus animo esse cupis; fuge talium col-
loquia & convictum: dum enim non si-
nunt, sed irritant materias, exacerbant per-
sonas.

24. In adversis & desperatis, subsidium
ab audacia pete.

25. Consanguinitas magnorum, cedit in
E 2 æsti-

æstimationem; ideo per te, aut tuos, eam quærēs.

26. Non rimeris secreta populi (item amicorum) dandum aliquid libertati sentiendi & agendi.

27. Facta arguantur, dicta impunè sunt: nevè convivalium fabularum dictoria in crimen vocentur.

28. Parvi errores non dissimulandi, nam magnorum causa sunt. à venialibus facilitur ad mortalia.

29. Uno tempore multa ne suscipias agenda, non enim perficies, & argueris excepti.

30. Non cogita, quomodo effugias mala, sed quomodo stes fortis, & immotus contra: crescunt, si effugias, minuentur, dum subsistest: possibilius verò ea ferre, quam vitare.

31. Defectus aut vitia corporis, tum fortunæ, immo jacturas omnes, prudenter tegē; nam læta pariunt reputationem, tristia contemptum.

32. Monstra aliquo per virtutem factō, tuam potentiam, immo & prudentiam, ut innescas: vel si potentiam monstrare non potes, saltem impotentiam defectusque occultare studebis, occasiones quæ detegant vitaturus, ut bonam opinionem retineas.

vete-

veteri monito. *Quod non possumus, nolle videamur.*

33. Probatoria eorum sunt ingenia, circulares privatim publiceque gerendas, qui cum omnia praetare non possint, media bona exsequuntur. Illi vero (licet alias optimi Cives) minimè probantur, quibus si non successerint prima; media non arripiendo, per immoderationem animi dedignantur: rebus; sibique ipsis irati. Fac potius, non quod optimum velis, sed quod melius in defectu mediorum possis; accommodando te ad tempus, mores, occasiones, prout se offerunt: nam optimas occasionses exspectando, non assequeris, possibiles vero omittes, nihil praestaturus, pro otioso habendus. Musicorum artem imitari prestat: cum subliimes notas humorosè cantu assequi non possunt, octava aut quinta (utique) voce, vel tertia imitantur tonum, modo ne à recto canentium choro, & modulo defleant, neve concentum turbent. Judiciofi ergo viri est, quæque oblata casu, flectere ad consilium. Verum in consiliis capiendis illud plerumque nos decipit, quia non quid possit, sed quid fieri debeat, aut necesse habemus, facile eventurum credimus. Et respicimus consulendo, quod contra est, nam potius quid possit fieri, non quid debeat, prius cogitandum.

34. Alienâ invidiâ diffamare ipsi student, qui detrahentium dicta recensent; apage cum talibus præcautoribus amicis.

35. Quod tibi servit in æstimationem, potius per te fiat, quam ut alteri faciendum permittas in Republica; facere pacem, nationes componere, magnas legationes obire, gravia responsa dare & alia.

36. Imperaturus aliquid novum aut difficile factu, ab iis exequendum incipe, quibus majorem tui observantiam inesse credis, atque metum; ne si ab audaculis primò & contumacioribus exequendum velis; atque illi primis imperatis per temeritatem resistant; etiam modestioribus, pertinaciam reluctandi ingerant. Jam secus: quod à modestioribus incepsum; ad se peryeniente ordine (ut iam non novum) exequentur: etiam qui fecerunt, in executionem instantibus, ne posteriores obsequio videantur.

37. Nulli te facias nimis sodalem. Gaudebis minus, sed minus dolebis. Imo turbam hominum (quoad salva gratia potes) vitabis, quia præsens, aut necesse imiteris alios, aut oderis: utrumque autem devitandum est, ne vel similis malis fias, quia multi sunt, neve inimicus multis, quia tui dissimiles sunt; Verùm hoc supra humana ascendentis mentis, & est animi DEO se præparantis.

38. Cum

38. Cum omnia possumus, sola credamus
licere nobis laudanda.

39. Diu secretus delibera, ne pudori sit,
frustra tentasse: citò vero deliberatum fac,
ne præveniaris.

40. Licet aliqui recti sint Cives, & pro
Republica zelosi, plerumque pro impa-
tiente rigore & immoderatione animi, cu-
rando aut exprobrando, plus nocent Rei-
publicæ, quam ut proficiant. Potius (opi-
nione saltem) videantur sibi boni Cives
quam ut vitia exprobrando, consciens er-
rorum reddas, ut scienter peccent; cum as-
suefacti retrahi non possint: vel dum peri-
culorum remedium, ipsa pericula rentur;
& periculosus putant in incepto, quam in
peracto deprehendi. Rectè quidam in Ca-
tone, optimo alias Give, moderationem
desideravit; & Gicero de eodem, *Cato ani-*
mo optimo utens, ac summa fide, vocet ta-
mén interdum Reipublicæ; dicit enim tan-
quam in Platonis politia, non tanquam in
Romuli fæce sententiam. Si igitur in ea Re-
publica vivatur, quæ depravata sit, inuti-
liter ad quæque attendere scrupulosus ve-
lis; nihil effecturus, quam ut inutili ango-
re conficiaris, nullo fructu in publicum;
ab aliis, si potest, deflegetendum, alia feren-
da, alia non videnda; ac potius curabis,
ut quoquo modo temperes mala & erro-

res, quam ut toto corpore te illis opponas, nunquam suffectorus. Noli igitur Catonisare, verum saepius remittes de rigore, immo & de potestatis Majestate ; dissimulationique studebis : quod non est infamare authoritatem regendi, sed & prudenter, simulque bonum parentem & filios, non Herum & subditos, regendo cogitare.

41. Nascentis seditionis, tum audaciæ; Patientia, & Modestia, magis est irritamentum, quam remedium : secus dum adoleverit, cauta & mollia, remedii loco magis succedunt.

42. Provide mature, ne populus rerum necessariarum, ac vel maxime annonæ penuriâ gravetur.

43. Periculosos conatus, quos non potes avertere agendo, potentia, imperio, manu : vel solvere retione; eludes commodissimè tempore: differendo, de die in diem trahendo, moras neciendo, impedimenta studiosè obtrudendo; ut interim impetus agendi quoquo modo sistatur, vis hebetetur, ardor desinat : qui nisi initio intenditur, alias minus potens. Non sis igitur æger morâ spei impatilis, periculi quam mores patientior : Ingratum babens quod tutum, sed ex temeritate spem capiens. Velut argute quibusdam succensuit Tacitus.

44. Sis taciturnus: facias potius, quam loquaris.

45. Sta

45. Sta semper verbo , ne fidem factorum dictorumque , in posterum amittas.

46. In componendis privatim publice- que rebus , dum media non valent , extre- ma proficiunt , sed tamen non extra metas virtutis.

47. Initia officii seu Magistratus à magnis rebus tractandis incipe , (quo magnam ex- spectationem factorum facias) sed quæ in te sint perficiendo , ne arguaris.

48. Viles plerumque , qui nimium (nec cum gravitate) civiles ; Et viles , qui nimium fa- viles.

49. Monstra , te à nullo dependere.

50. Ludicris rebus & leviusculis , ne oc- cuperis , ne amittas autoritatem.

51. Interdum secedas & secretus sis , hoc enim parit exspectationem , quid pariat tuum secretum.

52. Cum nullo velis te (uti ajunt) indo- mesticare , nimia familiaritas parit conte- ptum ; potius fac omnia velut primùm in- choaturus : ex eo gravitatem retinebis.

53. Non sis præcipitans aut valde lentus agendo : illud levitatis , hoc est ignaviae.

54. Quod facis , semper exquisitissime fac . *Magis male tentata nocent , quam nihil gelta.*

55. Non opineris , sed scias.

56. Magna incepta incipe à divino sacri-

ficio, benedictionem Dei, & in vulgus ap-
paratum majorem inceptorum habiturus.

57. Non multa fac, sed magna & nota-
bilia.

58. Tunc veram tibi inesse potentiam
credes, quæ à te ipso fulta erit, non ab
alio.

59. Potentia tuetur autoritatem, ideo
quærenda in munita domo & milite.

60. Potentia rectius beneficiorum ostentatur
quam maleficiorum: benefica Regis manus, fla-
gitium coloni unius præstare potest.

61. Virorum literatorum & æstimatorum,
tam domi quam ab externo, per literas
(aut quovis alio modo) notitiam quære;
interdum modicis munusculis, per occasio-
nem eos devincies, quatenus nomen tuum
celebrent.

62. Non solum ad mores tuos advertas,
sed etiam tuorum; ut honesti sint, gravi-
tatem redoleant, non fastum; immo per
omnia modestiam.

63. Male de te loquentes (immo pessi-
me volentes) vinces humanitate & affa-
bilitate; velut nescius traductionis potius
quam ut te omnino avertas.

64. Non in civitate, sed prope civita-
tem manebis, ut omnibus, conveniendi
tui necessitas sit; partim ut commodius
hone-

honesto utaris successu (fine censore) dum velis.

65. Sine ostentatione monstrata , quæ in laudem tibi serviunt : apertè observatum reliquit Historicus in illo Romanorum : *Mutianus quæ dixerat , feceratque , arte quadam ostentator.* Quæ venustatem rebus non demunt , sed potius parant , si ante accommodentur , familiariter fidenterque (sine ostentatione affectata) agentibus : secus faciunt personæ theatrales & mutuatæ , quæ cum rectum aliquid in præsens egerint , exunt deinde scenam , cito ad naturam redituræ. Ostentatio igitur modica pro tempore , si forte vitium sit in *Ethicis* , non certe in *Politicis* : nam famæ parandæ & authoritati conducit , si cum venustate fiat. Postquam aliquis familiariter (velut per incuriam) ostentaverit , quod in sui laudem servit ; deinde in jocos , & nonnullas erga se ipsum censuras , arte declinet. Nam veræ , modestiæ titulum affectando nimium per omnia , laudataque neglectim intermittido ; majore damno occultamus , quod in æstimationem nostri servit , cum non modica famæ purandæ jactura. Nec semper succedat (apud eos præsertim , quibus per exteriora viros metiri & æffimare mos est ; velut Samsonis olim , in capitilis capillo vires : his effusiore in barba ,

authoritatem magnorum requirentibus) quod Julio Agricolæ, (apud Tacit.) ne notabilis celebritate & frequentia occurrentium esset; vitato amicorum officio, noctu in urbem venit: cultu modicus, sermone facilis, uno aut altero clientum comitatus, adeo ut plerumque quibus magnos viros per ambitionem estimare mos est, viso aspectoque illo, quarerent famam, pauci interpretarentur. Et Otho parandæ militari auræ, ante signa pedestre, incomptus, famaque dissimilis. Verum convenientissime hic ponatur, quod Grainondus (Histor. Gall. lib. I. ait. : Principi Suesfionio à plerisque pro nævo data, sui estimatio: aë laevis hic nævus viro Principi, qui si dotibus animi valet, cur diffiteatur naturæ donum? Principibus, conscientia virtutis propria nunquam vitio vertitur; quippe raro in res magnas via est, per sui despectum. Multum interest Principem inter & privatum: quod vitium huic, sepe illi virtus; quod homini privato superbia, Principi magnanitas est.

66. Legationis splendore paratur reputatio apud exterios, magis tamen legatio ponderatur à prudentia viri.

67. Impertinentes tuas actiones amputabis, ut seriis magis attendatur.

68. Novarum machinarum bellicarum, & aliarum structurarum adinventio, parit estimationem.

68. Non

69. Non congregariſſis cum eo ſæpius, quem maiorem te crediſſis, ne authoritaſſis tua ex comparatione vilescaſt.

70. Academiarum fundationes, aut quod publico ſervit uſui, parandæ ſervit reſtima-
tione.

71. Ecclesiæ Proceres, tibi devinctos habe; nulla enim re potentius capiuntur aut habentur homines, quam religione: provocabis vero amicitiam, iura & ordi-
nem tuendo; cum iis conversando; Ele-
emosynam largiendo. Incepturnus vero ma-
gnum aliquid in republica, cura primò,
Episcopum aliquem (ē potentioribus) par-
tium habeas fauorem.

72. Eos nonnunquam negligentius curari oportet, qui tuā curā ſubſiſtunt, ſeu ſint filii, ſeu clientes; domeſtici, ſeu milites; dum enim ad tuam curam respiciunt, ne-
gligentes ſibi redduntur, & amittunt indu-
ſtriam. Necessarium igitur majori ex pa-
te fuæ curæ ut relinquantur, diſcantque ſibi in parte proviſere, & acuant indu-
ſtriam, alienæ curæ non in tantum ſe com-
mittentes, quin plus à ſua opera exſpe-
ctent.

73. Nulla munera aut officia, ignaro te diſtribuantur, ne alteri, ſed tibi benefi-
cium debeatur.

74. Aliquis vir bonus nobis deligendus, pro exemplari virtutis; ante oculos habendus, imitando.

75. Principi viro honestius puta offendisse, quam odisse: hoc mollis ac in se ipsum sœvientis animi; illud utique fortioris altiorisque mentis indicium: malle sibi utique ex alio, quam de se injuriam vindicare: cave tamen vindictam.

76. Aut rem non tentare oportet, aut si tentas, omnibus viribus quod instituisti, coneris perficere: nam bis ad eundem lapidem offendendi pericolosum, & contemptui obnoxium reddit; dum argueris impotentiæ & inconsiderate incepti: nisi alias in cursu operis advertas, te non rectum opus cepisse: tunc vero desistere, utile & gloriosum tibi putabis.

77. Excelsi animi est, nunquam in acerbitates verborum deflectere: factis se vindicabit vir fortis (pro virtute) non verbis.

78. Ad retinendam autoritatem valet, si habeas penes te viros æstimatos, doctrina, & rerum gerendarum dexteritate valentes, *Et qui in vulgus grati.*

79. Nihil impossibile pete aut impera, neque impossibilis, (exequendo) legis authoris: cum impossibilitas factum excludat. Posse non satisfieri legi, docet; ut pri-

primum lex , dein author legis contemnatur. Falluntur ideo , qui parvis delictis, maximas pœnas statuunt : aut prohibent fieri , quod difficillime vitari ; ast jubent, quod impossibile fieri potest : nisi in exse- quenda lege , in tantum sint (cum rigore) scrupulosi puniendo , atque in ferenda lege , fuere urgendo : Nam si unius pœnam intermisseris , reliqui intermitti spe- rabunt , aut (pro multitudine delinquen- tium & consensu) immunitatem obtine- bunt. Possibilia ideo & tolerabilia peten- da , vetanda , jubenda omni in tractu, œconomico , bellico , togato : facilior consensus in obsequium , penes possibili- tem.

80. Nemo perfectam habere potest Au- thoritatem in Republica , nisi qui togata si- mul & bellica consilia probè tractat , in cu- ria & in castris , suarum partium aliquos ha- biturus : ab altero suadendo , ab altero urgendo , modice territando potens : qua- rum duarum rerum maximus in republica respectus : etiam si aliquis non terreat , ve- rum quia pro potentia potest , vim neces- sitatis suadendo audienti adfert.

81. *Ingenia universalia* , rare gentes, rara pariunt sœcula : rari ideo sunt , quos suspiciat orbis : aut si sunt , pro magnis habet : nam multum in gentibus possunt: uti

uti habuit Alcibiadetū & alios Græcia; Scipionem, Pompejum, Julium Cæsarem Roma; Jam ætate posteriori Hispania, Magnum Gonsalvum; Polonia Joannem Tarneuskium, & Joannem Zamoyskium; itidem magnos, vel certe si togâ belloque facta ponderes, verè Consalvo majores (sed prout nostra septentrionalia ab oculis altioris Europæ, etiam à scientia, tum admiratione remota; præsertim cum nostros scriptores, pro negligentia aut pro modestia, talia orbi propalare ad posteritatis admirationem piget) dicendo facundos, simulque agendo promptos & potentes, privatim bonos facultatum œconomos., Togâ & Sagô per omnia rerum momenta (*incipiendo* & *finiendo*) expeditos, nec levi ex respectu de sententia mobiles publica privatis anteponentes; *suorum* & *equi* ac *aliorum* rete *consultorum* non *superbos* statores, amicitias parare scientes, dom & foris in omni apparatu & convictu magnificos, sententiâ in toga graves, simul præterita, instantia, futura, consiliô pensantes, fortes in bello Duces; acquirendo & retinendo, aut cunctando vincere; aut dum ex re oportuit, committere prælia promptos; per statarias pugnas, velitationes, campo & expugnandis ex arte urbibus expeditos, ad commoda ex hoc stium

Sci- stium erroribus capienda , vigilantes , mili-
Ro- taris disciplinæ severos exactores , exter-
Ma- norum societates parare gñaros , gravita-
Tar- tem in omni actione servare scientes , &
iti- simul (ut ait ille) comitate & alloquiis
que officia provocantes : Patriæ morum & insti-
jores tutorum tenaces , quod vero summum &
ocu- maximum : actione non insolentes , sed ci-
tum- ves pacatos : non aspernantes æqualitatis,
no- justos , pios , zelosos divinorum cultores , si-
pro- mul & propugnatores : demum , (Velleji dic-
steri- cam verbis) viros in tantum laudandos ,
acun- in quantum virtus intelligi potest . Qui in
oten- vita sua nisi laudandum aut fecerunt , aut
ono- dixerunt , aut senserunt . Quisquis alias
mo- te magnum venditas , si tibi unicum horum
litos deest , extra universale ingenium , & ex-
biles tra magnorum famam positus , aliqua in
æqui parte virtutis politicæ poteris esse perfe-
os se- ctus , sed non universim agendo magnus:
domi- unius partis in virtute , non omnium .

82. Nonnulla sunt ingenia , quæ nisi in
simul magnis negotiis se explicare possunt , & po-
pen- tener agunt : in parvis (dum contemnunt ,
ire- vel angustos limites agendi habent) velut
cere- victa , & nihil valentia impingunt , impli-
præ- cantur : ut sœpe cum magna fecerint alias ,
veli- in parvis arguantur : æmulantes na-
arte- ram magnorum navigiorum , quæ super
ho- altum mare triumphant , & fluctus contem-
stium nunt

nunt; in portu aut in lacunis, velut nihil profutura, h̄erent; ut à parvis Myoparonibus præternavigantibus illudantur, illudendi ipsi, nisi essent in parvo; alias agere impotentes. Immo communiter fit, ut parva negotia, magnis ingeniis plus difficultatis adferant, confundendo verius sua parvitate, quam ut supra vires sint; dum sunt similia tensis feraruin retibus, quæ Tigrides Leonesque capiunt: non quia ligant, sed quia impllicant, & moliter involvunt: impediendo verius, quam vinciendo. Addam adhuc: Judiciosos viros, breviloquio plerumque & modestia gaudere, ut audaculis sciolisque (dum in consulendo, multa loquacitate obstreput affectate, & suffirata apud vulgus Principemque autoritate substruuntur) cedere quodammodo, velut inferiores aut inscii videantur: nam sunt *decernendo* (seu asserendo, vel censendo) quam *disquirendo aptiores*, & pondus rei pensant, non sonum: ratiocinationum superfluarum sunt nauseatores, nec in mediis dubiorum h̄erere amant; cum recti judicii indulgentiâ, sine flexuolis sinuosisque indaginibus, scopum ipsum rerum, prompte probeque videant: vel ut clarius dicam: magis *positivo* & *practico*, quam *Scholastico* aut *speculativo* sensu abundantes.

§3. Nec illa ingenia omittenda, quæ tum
nisi

nisi potenter, zelose, aut secus levi passu-
rem aggrediuntur & agunt, prout irritan-
tur vel non; aut privatus respectus illis ad-
est: alia tentant modo leviter, dein nglis-
gunt: dum evenit, velut ursis, quibus ni-
si exagitatis, maxima vis adest. Exinde
sic agere, non est ex virtute, sed magis pro
imperio, pro aspectu & pro animi passione;
prout in nobis hæc aut illa irritatur. & in-
valescit. Talia ingenia commodissimè ma-
ligna vocaveris, aut privatipeta, aut pas-
sionata, aut communiore titulo, *Affectata*.

§4. Misce: ut partim quæras amicitiam,
partim tua queratur: ut aquirere eam, non
emendicare, aut profusa submissione vel
cura, emercari videare; Ingrediaris potius,
non irruas in amicitiam, affectate.

§5. Si tibi amicus aut cliens in uno non
satisfecit, aut ad palatum non accessit, po-
tius similes occasiones vita: non vero statim
per omnia desere aut abjice; in rem enim
aliam, poterit esse utilis: nam perfectæ vir-
tutis hominem, quo in orbe quæreres aut in-
venies? ad rem meam Divus scriptor.
Non indignabundus feras aliorum defectus,
quia, & tu multa babes, quæ ab aliis oportet
tolerari: si non potes talem te facere, qualen-
vis, quomodo poteris alium habere ad tuum be-
ne placitum? libenter habemus alios perfectos,
& tamen proprios non emendamus defectus,

volu-

volumus, quod alii stricte corrigitur, ipsamen corrigi nolumus, displicet larga aliorum licentia, nobis tamen volumus negari, quod patimus, alios restringi per statuta volumus, & ipsi nullatenus patimur cohiberi: Omnia potius omnibus parces, tibi nihil.

86. Neminem lauda aut vitupera absente; pejora enim illi de te narrabunt: immo nec fac in præsentia; laudatum superbum reddes, vituperatum aut reprehensum per rigorem amittes amicum; cum ne Censorem magis agnoscet, quam familiarem.

87. Sed tamen vituperatum defende magis, quam ut assentiare, de se quisque expectaturus, quod facis de aliis in præsentia.

88. Alloquendo, querendo, consilium petendo lentus sis, nec quasi sedulus; ne omnia tribuisse amico videare, & contemnaris; quasi nihil per te valiturus: potius quandoque in tempus sepone, non tamen diu neglige in pretium amicitiae.

89. Reprehendendum amicum privatim admone honeste, saepius vero, quasi nescius dissimula, pro amicitiae libertate.

90. Partim locum superiorem da, partim tibi cape: parem te teneas, non inferiorem, aut supra.

91. Jocos vita, qui levitatem pariunt; sed tamen affabilitate fovetur amicitia. Falluntur, qui sub nomine affabilitatis, li-

centi-

centiosis dictioriis, *equivocationibus morosis*, tum verborum affectatis argutiis, facetorum, jucundorumque famam parare sibi cupiunt, dum potius scurrarum, cavillatorumque titulum merentur, **DEUM**que offendunt: utendum erit jocis; sed qui non perpetui sint, verum per incutiam velut attracti: condimenta sermonis & obsonia; non perpetuus ad nauseam pastus: ne vice solatii, fastidium pariant, præsertim dum in jocando, aliqua pars odio digna habetur. Jocus sit sine scommate, sine alterius danno, sine dolore, sine levitate, secus non jocus erit, verum exacerbatio, contentio-que studiosa.

92. Si offensus sis, reprehende, aut parum te averte, post objice sponte occasionem amicitiae, & facilitatem per alium insinua; ne difficultate reconciliandi, avertas amicum, & amicitiam suffoces.

93. Familiaribus, aut intimis alicujus, per te, aut tuos innotescere: da bona verba coram, de eo quem amicum credis.

94. Juva omnimodè afflictum amicum, ut bene illi tecum esse videare.

95. Plures amicos quære, doce te plures habere posse, dum velis; neque tibi satis sit, uni alligari.

96. Cura, ut majus pretium in amico sit tuae amicitiae, quam in te amici; & monstra, dum

dum potes juvando, consulendo, plus illi tecum interesse, quam tibi cum illo.

97. Non admitte superbam censuram amici, ne superiorem agnoscas: etiam, ipse noli censurare: nimius rigor suffocat; libertas sentiendi, faciendique fovet amicitiam,

98. Potius apertum inimicum malis, quam dissimulanter amicum: ab eo providere potes, ab hoc vix caves; sed hoc inter pares: vere dictum: *Arma aperta palam vitas, fraus, & dolus occulta, eoque inevitabilia.* Malis tamen utique, alteri esse dissimulanter amicus, quam aperte hostis: specie amicitiae, multis superior esse potes, & injurias illatas, honesto praetextu, atque occasione coercere; sed intra metas virtutis: aperta hostilitas similem ab adverso provocat, plerumque studio præveniendi, periculosa.

99. Cave, ne in quenquam conferas beneficium, quod cum alterius injuria coniunctum: non enim tam mereberis de illius amicitia, quam hujus provocabis in te odium.

100. Nunquam (quoad tute, & prudenter poteris) contemptum tui donabis, etiam amicissimo: statim responde: vanum ea in parte *discretionis nomen.* Levior jactura amicitiae, quam existimationis; illa reparatur, haec nunquam: sed tamen fac; modice repre-

prehendendo injuriam illatam , non vero acerbius vindicando.

101. Non vero ad quamlibet injuriam amici commovearis , quæ per inanimadventionem illata ; eo casu illatam , quasi non intelligere debes : scio quidem moderationem istam animi , non omnibus esse probatam , qui præsertim putant , nullam injuriam sine sensu transmittendam ; metu , ne *si veterem injuriam feras , invites novam* : verum tales , cum reddere formidabiles se cupiunt , hoc simul efficiunt , ut nemo cum illis habere commercium velit ; cum enim labi prona gens mortales simus , & subinde affectu , seu incogitantia abripiamur , quisque metu offendæ , istos odii tam properos , tenacesque fugiet , ceu bestias feroce , solitudini relinquentis suæ . Sed tamen injurias per petulantiam , insultandoque factas , extemplo cùm fiunt , coërcendas puto : non ultionis studio , sed castigando : ut in posterum modestius in te , & in alios se gerant , neque in re ipsum postea eo facilius peccetur , quasi ex facili omnia toleraturum .

102. Nunquam amico , aut inimico (quod loco magni consilii habe) aliquid de te acerbius dictum , factumq; exprobra , sed quasi nescias .

103. In evitandis mutuis injuriis , aut retorquendis acerbitatibus , imitere prudentes digladiatores , qui concurrendo , non

fem-

semper oppositu armorum, adversum iactum
retundere opus habent, sed apte corpus
suum in partem declinando, aut humiliani-
do, aut contrahendo, vulneri subtrahunt
& vitant: ut illud suæ fortitudini, sic ho-
non dedecori, sed arti tribuendo. Tu quo-
que haud prudenter facias, si cuique acer-
bitati, authoritatem opponere, & in pe-
riculum dare velis: potius te ab injuria re-
cipienda declinabis, aut receptam velu-
nesciens, aut (cedendo fortunæ) mediū
inter dissimulântem, humiliter feres; condo-
nando fragilitati, aut antiquæ amicitiæ, au-
inanmadvertentiæ, aut temporî, aut occa-
sioni, immò ipsi tibi: ne, dum retundere
vis, nec tamen possis; eo majus vilipen-
dium in posterum patiaris. Nonnullorum
vero sociorum est natura, quos velut duros
silices, molli subiecto pulvillo comminuas,
& in rem prout velis, aptes; durius ex-
ceptos, haud contundas: sic illos, facilius illi
nonnunquam humanitate, quam oppositu
austeræ gravitatis devincias; prout alter-
utrū succedit, in rem dextrè accom-
modaturus. Aptissimè in rem (sparsim)
Seneca. Aut potentior te, aut inapotentior
laſit? Si imbecillior? parce illi: si potentior?
vibi: prudentiori cedamus, stultiōi remittamus.
Amicus est? fecit, quod voluit: inimicus? fe-
cit, quod debuit: multos absolvemus, si ca-

perimus ante judicare, quam irasci. Nonnulli se ipsis volentes inquietant, dum interpretatione quedam eo perducunt, ut videantur esse injuria, cum non sint; immò quosdāna dum vana concitaverint, irascendo perseverant, & causas offensarum sponte à longè pene acercent (immò imponunt) ne videantur cœpisse in peccato sine causa. Multæ nos injuria transeunt, exuria re quibus plerasque non accipit, qui nescit. Nos n velut esse iracundus, non sis curiosus.

104. Meliorem esse surreptorem adincondonistrum, modo prudentem, dextrumque iæ, auagendo, quam inertem, licet alias fideiem; at oecat potiora ut auferat, ruborem utique ille habunderebet; hic totum pessumdat per inertiam. Rem certam dico ab experientia.

105. Præmiis retinetur amicitia, verum præmia bis sunt dulcia, dum promittuntur, & cum dantur; promitte tu prius, postea interjecto tempore dare poteris; bene ait ille: *Diu desiderata, dulcius obtinentur, cito data vilescent.*

106. Pueris, fæminisve quæstus, viris actio convenit, aut saltem dissimulatio.

107. Prout ingenium nostrum, in hanc, aut illam, recti pravamque partem natura-liter inclinat, hæc aut illa exempla, tum consilia, promptius sequimur, aut fugimus; ut velut lupum auribus tenere, tum aquæ characteres imprimi contendas; sic quos-

dam in hoc , illudque inducere contra geniu[m] naturalem , frustra enitaris : flectuntur in tempus , sed non transferuntur , nec franguntur ; dum velut in Scena , mutuatam pro tempore personam , diu sustinere non possunt , cito ad naturam reddituri : *vulpem pilum mutare , non mores.* Consilia magnanimitatis , generosæque mentis conatus , si meticulo[s] suggeras , promptius illi (dum timent) exempla dissimulationis , in speciem cautorum , & modestiæ amplectuntur . *Parcis tenacibusque , Munificentiam , utiles erogationes , splendidos pro autoritate apparatus , suadere frustra studeas ;* sed rationes turpis parsimoniæ , sub veline inutilis prodigalitatis , & decoctionis bonorum , promptius illi sequuntur . Deinde *Trucibus ingenii Clementiam , humanioraque quid proponas frustra ? cum illi in servitutem nimiam , importunumque rigorem . sub imagine justitiæ , & correctionis malorum , proniores . Lenia , canaque dein temerariis suggeras parvo effetu , dum in argumentum audaciæ , constantisque animi , incaute , præcipitanter , inconsiderate , periculis se committunt , in male cœptis persistunt , errant , non provident . Avaris quæstuofisque ingenii , recti honestiæ que legem (ut ad famam præcipua rerum diligant) non persuadeas , cum sub velo civili*

lis accepti, licitorum, tum necessitatis; in illicitos quæstus devolvuntur: cum decipiunt ipsi, deceptos se tunc ajunt, astutiam (ad injuriam virtutis) prudentiam agendi, & cautionem vocantes; vel deum prout natura hominum in hanc, illamque virtutem aut vitia, prior est, facilius; aut secus, difficulter inducimur & suadeamur. (Vide notationes meas Politicas punto XII.)

108. Circumspecti cautique viri per omnia, magnis rebus gerendis valent; nam lenta & provida, summæ rei proficiunt: verum negotiis minoribus, aptiores, qui nimia consideratione non laborant, quæ saepius obest: aliqua enim impetu, & sorte promptius habentur; nec (si hoc illud ve crioſe circumspicias) quod in rem est, assequare. Dubitatio de eventu (ex nimia consideratione) plerumque animum involvere amat, opinione periculi; & diffidere facit: illud modò considerandum: ne quod intendis, contra rationem sit, contra formam recti, & conscientiam.

109. Dandæ consolationis, tum compendorum animorum, non melior ratio, quam fateri justum patientis (sit animi aut fortunæ, sit corporis) dolorem: dein adhiberi dextre lenimenta ex casu humanorum & instabilitate fortunæ, quæ eodem passu vadere nescit: esse causas doloris, nec deesse

remedii, tum solatii. Animi dolorem interpretatione quandoque majorem reddi, corporis morbos, tum fortunæ casus, auge. ri longa imaginatione, aut nonnunquam sola opinione: verùm ad melius consilium, præsertim verò ad *Divina*, & nostri justam pro demerito pœnam, sæpe revocandus animus. Qui secus componendis acerbitatibus aut doloribus, remedium putant, negare justam causam doloris, falluntur; nam sic directe pugnant in affectum patientis, velut mollitiei, aut judicii eum arguendo, nec ideo sanant morbum, verùm, (conveniendo) in majus irritant animum. Potius ingenuè fatendum, *justam doloris*, tum *offensæ subesse causam*, sed modum habendum. Atque sic est recte condoluisse, simulque probum se amicum profiteri velle, dum eadem lance dolores, qua ille ipse, qui dolet (nec leviter contemptimque) pensamus. Concedendum nonnihil ægritudini animi, & præconceptæ opinioni, ut juvise infirmitatem dolentis, compatiendo; non impugnasse studiosè, immo condemnare (dum non pro dolentis parte loquimur) videamus. Laudo peritiam aut argutiam, medici cuiusdam Poloni, cum in ægrum nobilis incidisset, diutino capitis dolore agitatum, eoque insana imaginatione prove. & sum, ut sonum campanæ, dein campanam

in cerebro sibi enatam obsfirmatus animo asseveraret; negantibus possibilitatem morbi aliis medicorum, & ægrum insanæ arguentibus, corporis simul & animi dolorem auxerunt: verum ille argutior, reliquis abire jussis, velut medendi inertiam exprobraturus, indignabundus, novitati morbi longa oratione condoluit, promptitudinem curandi simul offerens. Interim æger, assentiri medico, prensare salutis patronum; simul fidenter, animum & corpus (superaddita pingui satis curationis mercede) offerre curandum. Exinde medicus, opinioni patientis nonnihil indulgens, compara-
rata subtilissimo artificio modica nola, vomitorias potiones ordinavit, tum vomentis caput, in speciem compatientis sustentans, supposita pelvi nolam manu aptissime occultatam, cum sonitu cadere fecit, vomitu velut è cerebro provocatam; ut imaginatio-
nis insolentiam simul & morbum, novæ artis commento demeret ægrotanti. *Sæpe do-
lemus, aut offendimus, quia offendi nos puta-
mus.*

110. In omni actione dubia, mavis in eam partem peccare, quæ utique corrigibili, quam quæ corrigi neutquam potest; aut saltem in eam, quæ minus damni, dubiique habet. Vetus dictum: *Inter duo mala minus eligendum.*

III. Quæ non potes conservare , aut as-
sequi licitis artibus contentionis , litigii ,
fortioris manus , interpositis dextrè amicis ,
& agendi authoritate : adipisci conaberis ,
mediationis , & securæ , honestæque pacis
artibus ; deinde protractione , dissimulatio-
ne , meliore occasione , res sensim emol-
liendo , perficies in melius morâ , vel saltem
adlaborabis , ut in majus nocendi , media-
& potestatein , alteri parti quoquo modo
prior auferas ; audax , cautus & prudens .
Artibus pacis , rem dum aggrederis , semper
habes in potestate , ad artes rixarum , belli-
que ut pro commodiæ (dum velis) recur-
ras ; secus in contentionis campum , dum te-
mere te dederis , extra potestatem jam erit
(sed nisi pro arbitrio fortunæ) pax & quies-
cit statuatur : æris profusio , periculaque ut-
vitentur . Per omnia igitur prima sit tibi
artium , mediationis , & Pacis . Rixa , par-
tiumque collisio , semper sint ultima , & ex
summa necessitate . *Velut in militaribus meis ,*
qua propediem fero , artes pacis , bellique ,
fusius dabuntur .



*Pars Quarta.***POLITICO.
MORALIUM.****I.**

Nunquam proba vires, & armorum exercitia etiam lacesitus non exerce, videaris tamen exercitatus, ad retinendam opinionem scitæ dexteritatis.

2. Non verbo contendere aut disputa, sed quod sentis, sine affectu narra.

3. Cum iis non contendere, neque move litem, quibus potentia impar es.

4. Ciceronis præcepto. *Amicitiae, quæ non placent, dissuendæ magis, quam discindendæ*: quasi dictum velit; ut lente seponas amicitiam, & ab illa dissuescas, quam ut contemptim abjicias: illo enim modo, saltem cessabit amicitia; hoc vero parabitur inimicitia, ex contemptu sui, per præcipitem aversionem; Non statim igitur mutabis stylum amicitiae, ut saltem familiaritates sint sepositæ, non inimicitæ susceptæ.

5. Si vera alicui loqueris, dic neque te pro conscientia dicere aliter, neque illum aliter facere posse: obtende pericula, nisi fiat: malle te veritate (cum salute amici,) dispic

displícere, quam placere assentatione cum periculo; libertatem interim sequendi (ve-
lit nolitvè) propone.

6. Non statim petitis aut intercessioni amici annue, etiam assensurus; deliberatum te dic, ne ille sibi totum te vendicet,
& facilitate amittas autoritatem, aut dependentiam (ut ajunt) agnoscas: gratius idem venit beneficium à deliberante, qua-
si non à levitate profectum, sed à ratione.

7. Non unum amicum in consilium vo-
ca, sed plures; ne uni tribuisse, & te cre-
didiisse totum (quo superbū reddas) vi-
deare; aliquando studio præteri.

8. Talia loquere coram amico & cliente,
quæ divulgata, pudorem aut metum non
incutiant, verè ait ille. *Ita amicum habeas,*
ut fieri inimicum putas.

9. Nunquam totalem tui fiduciam ha-
beas, sed verearis potius; in secunda for-
tuna amicos parabis, in adversis pro sub-
ficio habiturus.

10. Nunquam te aliter amico uni cre-
des, ut partem securitatis, aliunde, tibi
non relinquas,

11. Multis ex similitudine morum est ami-
citia, sed hanc circa honesta quæres.

12. Adversarii aut hostis, diversa sunt
nomina. *Adversarius* vitiō nostrō nobis ad-
versatur: *Hostis suo*: ut adversarium vi-
tes,

tes , te corrige ; ut hostem amoveas , illum corrigi oportet .

13. Pileo & comitate , multi parantur amici , & facilitate aditū : vili emitur , qui pileo & familiari verbo emitur , Mauritii Au-riaci Principis dictum .

14. Facetiis abstine , quæ ubi multum ex vero traxerunt , acrem sui memoriam apud amicum relinquunt ; sed tamen in sermone , nimium intensa verborum severitas , aut triste , supercilium vitandum , quod locò gravitatis , nomen morositatis aut superbiæ parit , nisi civili honestaque comitate utaris .

15. Non omnium quandoque rerum scien- tem te simula , agendo , otioso similli- nus .

16. Antequam aliquid promittas , cogita impedimenta , quæ occurtere possint : an difficile sit præstitu ? an sine tui alteriusve fastidio fiat ? ne post pœniteat promissi .

17. Non sis properans in delectu amico- rum , nec statim ac affectus ducit , intimum pectus aperi : lucteris cum affectu volenti : vide prius , an virtuosus , an constans , an taciturnus sit ? an tuus , non tua fortuna ami- eus . Sunt quidam simulatæ virtutis , (quæ omni malitia deterior) facie , non animo boni , habitu & ore (Taciti utar verbis) ad exprimendam imaginem honesti , exerciti ; cæ- terum animo perfidiosi , & subdoli , avaritiam & libidinem occultantes , Politice & ingenio-

se nequam; qui eo prodigalius amicitiam obligant. quo magis violent, querunt amicitiam, sed quam ad suum commodum referant, quæ alias inter bonos reciproca probatur; nihil debere se aliis, sed ex superbia deberi sibi totum rati; colloquuntur familiariùs, sed venena tantum exsugunt verborum; conversantur, sed qui nisi reprehendendum vident; cum totum damare non possunt, nævum studiose querunt, aut per malitiam adstruunt: bonorum factorum cæci, aut obliviousissimi; detrahendi tantum memores, nunquam minus amici, quam cum amicitiam ostentant: sub specie amicitiae, quemque facile invadentes; & quibus (si resurgat, exemplar bonæ virtutis Cato,) non se tutò credit. Quidni tales fugias? aut saltem probes prius: ut minore damno feras titulum solitarii, melancholici, (vel si familiaritatem vites) fastuosi; quam ut familiare & intimum pectus aperire velis; procul tamen à nota vitantis.

18. Aliorum exemplō metiaris amicum si alteri fidus erat; si non decipit si aliorum famam recte coram tractat; prope est, ut idem tecum sit.

19. Parum Melancholici in amicitiam diligendi, modica Melancholia propius constantiam est; effusa lætitia prope levitatem; sed

sed plerumque falso nomine Melancholiam
nuncupamus, dum potius gravitas morum
vocanda: aut sit licet illa; prudentibus viris,
per honestas actiones pellere illam, in po-
testate semper est, præsertim dum adhi-
bentur in amœnitatem convictus, amici &
faceti convictu clientes, convivæ, musica,
latrunculorum & chartarum lusus, histrio-
nes scenici, deambulatio nemorum, horto-
rum, aut vestatio, balnea, navigatio, ve-
natio, equitatio, hastiludia, jaculationes
arcuum, scloporum, tormentorum ad me-
tam collimatio, res œconomica, archite-
ctura palatiorum & fortalitiorum, tum
modicus secessus, *causa pietatis*, vel præ-
textu expediendorum negotiorum publi-
corum; in quam rem serviunt domoru[m]
abdicta triclinia & recessus, demum lectio
librorum, præsertim vero Historiæ, si ad
Geographicas tabulas reducatur; tum
Geometria practica: distrahunt otiosum
tempus, nec leviter recreant animum. In-
super (idque maximum) temporis justa
divisio, in singula negotia, tam seria, quam
quæ ad amœnitatem convictus: fallunt diem,
& Melancholiam pellunt.

20. Qui necessitate ad amicitiam tuam
compulsi ab aliis repulsi, aut à te commo-
da sperant; illi haud durabiles in amicitia:
vide ergo, ut sponte amici fiant, non ab

alio respectu ; sed tamen occasio nobis saepe parat amicos.

21. Pares tibi in moribus quæres amicos , si sapis. Ex dissimilitudine morum non solum disjungitur amicitia , sed nova paratur affensa. Quid & cum amico convenias ? Si tu melancholicus , ille hilaris ; tu domesticus vel solitarius , aut affectata gravitate stoicus , ille liberalior & publicam lucem amans ; tu de libris , ille de equo , arcu , bello loquens ; dum veretur quisque , ne multa ingrata , tristia , minusque popularia , aut necesse ferenda in te , aut imitanda sint. Igitur penitus & sine complacencia) naturam revolve prius. Verè definit amicitiam ille , ut sit mutua ac benevolam amorum sibi similiūm in bono consensio. Raros exinde videas in orbe veros amicos , licet multos habeant ad convictum Sodales.

22. Si in familiaritatem incurvant homines audaculi , verbo & joco impetuosi , ac prope importunitatem ; jocum joco solve , media tamen cum gravitate ; & acceptam acerbitate dissimula , vitaturus posthæc congressum (verum procul à nota vitantis) nulla enim re magis levitatem incurres , quam à talium familiaritate sociorum.

23. Si in Magistratu tibi posito , morosi aut importuni allocutores occurant , quæ-

rulando ,

rulando , petendo , multa garriendo , uti-
que non acerbe loquentes excipies , sed
modestè (morositatem eludendo) respon-
debis , rem esse tanti momenti , quæ in
aliud tempus differatur , commodius au-
dienda ; nostri partem interim , cæteris quo-
que audiendis deberi . Absit verò , ut ali-
quem effusis pollicitationibus trahas , aut
ludifices ; modeste potius , excusa : secus
eo plus odii & levitatis postea paratus ,
quò magis placere voluisti , inanum polli-
citor : unde simul impotentiam tuam pro-
das , dum præstare promissa non poteris .

24. Graviores sæpe succrescent offendæ,
post reconciliationem : si dissimulanter re-
conciliaberis , præstat quandoque amicitiam
in tempus differre , ut interim omnis ma-
teria offensarum , amoveatur .

25. Importuna excusatio , est accusatio
sui , vel alterius opportunitissima .

26. Intimo amicorum , immo neque uxo-
ri , secreta Reipublicæ revelanda .

27. Sint tibi certi dies , quibus cum do-
mesticis clientibus liberius colloquaris , nec
asperneris quandoque hilariorem *mediacum*
gravitate) convictum ; nam illa tristis sui
Heri , perpetuaque observantia , alienat per
modica domesticorum affectus , ut levius
quandoque ducant , non munerari , quam

negligentius præteriti; præsertim illi generosioris mentis, quos tenacius per humanitatem habeas, quam profusa liberalitate pares. Non clientum modo, verum sanguine junctorum bonos erga te parabis affectus, & arte quadam humanitatis retinebis; medius tamen inter elatam gravitatem, interque (ad obsonii raritatem) familiaritatem effusam; nam secus si oderint, acerrima sunt proximorum odia, maxime que *inimici hominis, domestici ejus.* Matth. Cap. X.)

28. Mordaces alicujus (vel populi) sermones, non magna vehementia, sed ingeniose refutare, vel potius per jocum, aut tacendo, eludere debes.

29. Commissurus aliquid tractandum aliqui, causam non refer, verum serio injunge, & posce operam; vel si refers rationem, non tuum privatum commodum sapiat, sed publicum; ac proinde, exsequentis; quo libentius commissum exsequatur.

30. In gerendis negotiis, utilior est opera eorum, qui ad tuam opem & liberalitatem respiciunt; quam qui beneficiis jam à te onerati: ideo quodcumque aggredieris opus & socios perficiendæ rei quæres, fac eos, aliquid utilitatis exinde sperare.

31. Non semper secretus sis, sed aliquando popularis, parandis amicis, sine qui-

quibus nihil præstatur. Non habebis verò amicos qui non quæreris : quæruntur , non quærunt: imo quærunt popularem.

32. Mordebis neminem ore, calamo, vulnu; accusabis, neminem: sed potius modice laudabis quemque pro merito virtutis , non velut ille (apud Tacit) *Optimum quemque iurgio laceſſens & respondendi reti- cens, ut pavida ingenia solent.*

33. Ea occulta vis linguae & verbis inest , ut seu amando , seu offendendo , plus in animis hominum posse verba , quam facta , re ipsa experiare ; ideoque *gravius maledictis, quam malefactis exacerbamur: difficilius contumeliam perferimus, quam damnum: malefacta, dolorem; maledicta, contemptum nostri ingerunt; qui altius ferit, quam dolor: nam in animum intimum pugnat, & in mentem: ille in corpus tantum, aut quod est circa. Tum è converso, gratiora sunt generosis pectoribus bene dicta , quam bene data ; ut fere inter omnes actiones (si amicos parare cupis) in verba prius quam in facta (& linguae magis, quam manuum operationes : nam lingua altius quam gladius ferit) intentuseſſe debas , seu quid acerbi , seu quid gratiauribus & animis hominum afferas ; quæ est honesta ad capiendos hominum animos fallacia, Recte ait quidam: Lingua modica pars*

pars corporis , navium gubernaculo similiis , in cuius parvulo motu , totius navi gii regimen , immo salus & interitus vertitur. Minore utique impensa obveniet multa benedixisse , quam multa dedisse. Verum si utrumque recte adhibeas , pluribus felix eris amicis. Adde : acerbe facta vim inferunt , atque ideo terrent simul offendendo , ut necesse metum cujusdam venerationis , seu respectum sui incutiant ; acerbe dicta , dum inermiter exacerbant verius , quam offendunt , odium , non terrorem movent , ac proinde inermis iræ contemptum , tum indignationem apud audientem pariunt , cum audacia majore in ultionem. Sic Germanos olim terrebant Romanorum arma , & officii admonebant simul ; postquam vero sub Qintilio Varo , ab armis , ad innermem verborum conflictum , & ligitiosa ventum jurgia , quasi ad reliquam injuriam id sumum abjiceretur , implacabiles ideo facti , nec æstimatis amplius legionibus Romanis , eas oppressere. Ait Florus (lib. IV.) Germani postquam tristes togas , & saviora armis jura viderunt , duce Arminio , arma corripiunt , &c. Unius caesarum Patronos futum , recisa prius lingua ; quam in manu tenens Barbarus , tandem (inquit) vipera , sibilare desine. At contra Ferdinando Arragonio Regi Neapolitano , non ma-

jus

jus argumentum sicut Neapolim recuperandi, quām cum accedente ed urbem victore Gayloro VIII. Galliae Rege, publicè valedictus Neapolitanis, Gallorum partes aperte fecutis, suavissima eos Oratione allocutus est; ut ejus sermonis, ob idque æquioris animi memoria, postea desiderium Ferdinandi revocandi, Gallo relicto, à cuius Præfectis, inhumanius tractabuntur (*Franciscus Guicciardianus Histor. lib. I.*) in Neapolitanis exercitaretur. Sic præstat etiam erga male affectos (quos punire aut exhibere non possis) bona verba dare, penes moderationem animi; quam pro impetu asperius iratatos, in majus exacerbare, nullo in rem tuam commodo. Præterea in sermonibus. *Nec semper* (ut Didaci Saveræ ad plenam loci doctrinam per diversa casuum, monitum includam (*formulis alloquiorum ordinariis & generalibus responsis* utendum, hæc enim cum dantur omnibus, satisfaciunt nemini: nec parum affigit marentem animum, si responderi sibi videat, quod norat jam ante, quodve prius etiam quam proferretur, ad supplicis aures pervernerat. Nec semper audiat Princeps, roget interdum: nam qui non sciscitur; de re ple, ne cognoscere non potest. Inquirendum igitur ut status cause penitus perspiciatur. Juste succensitum olim Vitellio, qui brevi audi-
tu

*tu, quamvis magna, transibat; impar curis
gravioribus.*

34. Non minus prudentis est viri, scire quod dicat, quam quid taceat; saepe (impotune prolato verbo) multa bene incepita, in adversum ivere, praesertim si effatur, quod suam partem ab aliqua conjectura prodere; adversam vero praecavere, aut temeritatem provocare possit: restet *Aemilius Probus. Opportune tacere, non ministris est prudentia, quam diserte loqui.* eorum praesertim, qui alto honoris gradu subsistunt, sunt *alata verba*: amant facile in vulgus defirri, ut praestet, opportuna quandoque tacere; quam obliquas *Cortefaneorum* interpretationes experiri.

35. Titulos inusitatos sperne, oblatos modice excusa; nam sunt prope invidiam.

36. Indicaturus lites, nihil profer praeter decretum, ne affectus pro altera parte colligi possit: quod erit extra invidiam. *Exuit personam judicis, quisquis amici induit.*

37. Si aliquid detrahunt tibi homines, erige potius animum, sciens, *aemulam magnorum esse invidiam, meliorem esse utique acerbam invidiam omni amica commiseratione*: sed vide, ut intra metas virtutis haec habeas.

38. Contemne linguarum calamorumque
vulne-

vulnera, & vinces ; nullum illa lœdunt, nisi volentem ; verum is contemptus ex animi generositate & conscientia propriæ virtutis, non ab ignavia proveniat : velut de Nerone Suetonius. *Nihil eum patientius quam maledicta & convitia hominum tulisse, vel contemptu omnis infamia, vel ne fatendo dolorem, irritaret in pejus ingenia.* Sic ferè incorrigibiles dum sumus, objecta flagitia, non pudoris, sed joci loco habemus ; unicum nonnullorum studium mala agere, dein factum excusare. *Impius cum in profundum venerit, contemnit. Latantur cum male fecerint, & exultant in rebus pessimi.* (Prov.)

39. Cedendum aliquando furori populi, quam obsistendum ; tacendo multa diluntur.

40. Vide, ne alium statum quam populus tenet & amat, spirare videare ; ideoque commodis populi studere te monstra, juvando loquentes ; in adversis compatiendo.

41. Etiam aliquando infra genus tuum te abjice, nec mensam populi fuge & convictionem, de Augusto Tacitus. *Populare credidit misceri voluptatibus vulgi.*

42. Liberalem te præbe : rebus non potes ? nemo verbis pauper est ; nemo tristis à te recedat, nulli tristem faciem, & rugosam frontem monstra, etiam ex justo negaturus.

43. Aya-

43. Avaritia & parcitas, egregie factis
 (ac proinde bonæ famæ) obstant; non amicitias Civium pares, non Clientes habeas,
 non servitium publicum, pace aut bello
 probe tractes, quin aliquid erogare ne-
 cessile habeas: quod parce erogantibus, quo
 gravius fit, eo remotius à bona fama ab-
 sunt, immo re ipsa malam habent: ferè
 eo collimat dictum: *Qui parce seminat, par-
 ce & metet.* Liberalitatis igitur in convic-
 & Munificentie (erga clientes tum amicos)
 nomen, modo tamen extra prodigalitatis
 naturam, egregius quisque vir sibi paret,
 honeste erogando, in argumentum obti-
 nendi amoris primum, dein habendæ au-
 thoritatis inter Cives. Sed liberalitatem
 dum exercemus, ex rivo hauriamus oportet,
 non ut fontem ipsum exsiccemos: Qui
 per ramos carpunt arborem & fructum,
 sequenti æstate, renatos iterum colligunt;
 qui secus ad radicem securim admovent,
 ipsam, fructumque nusquam redditum per-
 dunt: sic erogationes honestæ, proportio-
 natæ, planeque inexhaustæ sint, quæ ex
 proventu, non quæ ex alienatione fundo-
 rum, tum originalis boni (*sola perdendi cura*)
 apparantur, nam alias cito desinunt. Is igitur
 impensis diu sufficit; qui *ex ramo* (*di-
 cere si licet*) *non ex trunko vivere* studet.
 Quæri exinde potest? quare sit, ut avati

parentis successores, plerumque prodigales fiant? uti fuit Caligula post Tiberium, Antonius Caracalla post Severum Imperatorem, & alii passim; ratio in promptu: Dum paratam inveniunt gazam & opulentiam (ex aliena opera) per totum habent, ingenerari necesse est, ex dudum præparato, nullam sui & suorum in præsens curam (nam quæ non peperit sibi quisque, minus amat; cum proprius labor magis pensatur: alienus, uti gratuitus, levius habetur) sed potius ex remissione curarum corruptelam; ut sit primum malus usus gazæ parentum, deinde luxuria, tum insolentia, exinde aliorum contemptus, postmodum veniat (modo sine vulnere) egestas.

44. Audacissimum quemque è plebe, beneficiis vince, tibique obstringe; dum senseris, quibus capiatur: virtuosos tamen & modestos, in amicitia interiori præpones; hi dum pro virtute agunt, rectum semper constanter, & sincere faciunt, illi saepius insolescunt & molestiam in amicitia facescant, nec debere se, sed deberi sibi totum volunt: devincies tamen tibi illos, *non ut pro sint, sed ne noceant*, immo prodesse poterunt pro tempore, si recte utaris. Argute in rem Vellejus (Lib. II. Hist.) Brutum amicum habere malles; inimicum magis timeres

meres Cassium ; in altero major vis , in alteri q
virtus.

45. Ab asperioribus verbis cave , verummo
mollioribus utere , etiam non laudaturus dic
etiam reprehensurus.

46. Negatio molibus vestita verbis , gra
tior est tristi morosaque largitione.

47. Potius odia lenitate (humanitate
admista) vincuntur , quam mutui odii per
tinacia.

48. Iterata beneficia fortius stringunt,
velut repetita vincula fortius innescunt ; ideo
frequenter potius , quam magna confer : quo
diutius dando sufficias : nam verè homines , eni
beneficiis passim utuntur , ceu floribus , ber
tam diu gratis , quam diu recentibus ; mar
cescit eorum memoria , nisi sèpius dando
renovetur. Sæpe vero dare non sufficies ,
si magna simul dederis. Deinde scias oport
et , cariorem esse cuique modicam re
compensam , pro virtute & merito , ma
gisque deberi gratiam exinde datori , quam
quodvis magnum donum , in obvios peti
tores effusum ; hoc enim accipiendo modo ,
non ad virtutem nostram , sed ad fortu
nam , liberalitatemque conferentis , honos
refertur ; illo priori , utrumque simul pen
satur , & munus , & quod majus est mu
nere , virtutis nostræ aestimatio , cuius es
se quisque sibi conscient , & ab aliis pensa

alterri quam maximum cupit , vel secus improbari , graviter indolet. Immo illo priori verummodo , est saepius incosiderata largitio , ne turus dicam effusa prodigandi facilitas , mollis animi partus ; hoc vero posteriore , dant , gratis prudentia , vera liberalitas , & meritorum illecebra vocatur.

49. Haud firmam amicitiam aut diuturnam parari crede , quam dando retines , ni adhibeas , cum reverentia tui autoritatem: Vere ait ille : *Qui magnitudine numerum , non morum constantiam amicos sibi parat , meretur magis , quam habet.* Cum nines , enim satis acceperint , quantum opus habebit ; aut benefaciendo deficias exhaustus ; mar vel saltem nisi avaræ exspectationi , ma gnitudine dandi sufficias ; rejicient te , nec ficies , amplius curabunt. Fundamentum ergo pa randæ & retinendæ amicitiae penes virtutem & autoritatem morum (cum reverentia tui) pones , beneficia vero , & comitatem habebis velut pro condimento te nacius retinendæ. Peccavit in eo Julius Cæsar , cum omnia potentibus amicis ex facili concederet , quæ aliquando prudenter recusari poterant ; unde plures amici eum confecerunt , quam inimici ; quorum non expleverat spes insatiabiles : tanta enim nonnullorum amicorum importunitas , ut quamvis multum acceperint , injuriæ tam en-

men loco habeant, plus accipere potuisse, dum facilitate obtinendi, atuescunt esse petaces. Idem in Galba reprehendit Tacitus (*Hist. l.*) *Hiantes in magna fortuna amicorum cupiditates, ipsa Galba's facilitas intendebat, cum apud infirmum & credulum, minore metu, & majore præmio peccaretur.* Ignis, ambitio, avaritia, nunquam dicunt satis; plus apposueris? plus semper inflamantur. Cave ideo assuefacias amicos importunis petitionibus, obvia facilitate concedendi; potius nonnunquam petentibus humaniter recusa, non quod præstare nolis, sed in aliam occasionem differendo, ut desuescant importunitati, assuefiant repulsa, ruborem petitionis habituri. Nec alter istos Petaces vitabis: vel potius *instar generosorum equorum, amicos aleandos, non saginandos studebis:* obesi non tam expediti, verum segnes ad tuum libitum ferendo labori.

50. Inde enascitur prudens monitum, ne amicos, tum domesticos clientes, quorum opera indiges, spe præmii in factum provoces, aut facere aliquid assuefacias: potius negotium propone, & operam amicè require, ut pro necessitate officii factum aggrediantur, exsoluturi de sua virtute expectationem. Si vero aliquid daturus es, nou

non obligat in futurum accipientem , sed solvit debito recompensæ dantem.

51. Non tantum de amicis & clientibus dictum esto , sed de stipendiariis militibus, ne prudens dux assuefaciat milites recompensæ ; potius officia militaris virtutis & obsequii requirat, pœnam propositurus non facturis quam præmium alacribus , quod offerendum tamen , sed ex insperato.

52. Qui rem bene habere vult , rei perficiendæ sit diligens curator ; potius in negotio , quam post negotium , malefacti operis severus exactor ; cum tamen res malefacta manet, nec revocari potest, prodest quidem correctio imposterum , sed in præsens damnum habetur. Eo prope colimat Tacitus, dum ait : *Præstat officiis (seu negotiis) non peccaturos perficere , quam punire cum mala fecerint.* Prout certè rem non aliter probe assequaris , quam si apte negotiis præficias, non qui superiores , neve qui sunt inferiores , sed qui officio proportionati , & velut è condito pares. Illi primi , officium commissum , infra capacitatem dignitatemque sui habebunt , illudque negligent , nec offerenti gratiam debebunt , sed potius offendentur , iudicio parvi muneris, velut contemptos se ægre fetentes ; secus item inferiores , dum non sufficient muni- ti , rem agendam pessimumdabunt ; ut judi-

cii arguaris , qui imparibus agenda contulisti , volens tui ipsius deceptor : velut si Myoparoni piscatorio , classis navarchum præficias , aut obvio remigi , prægrandem quadriremem curandam si committas ; hic per inertiam regendi , eam perdet , ille muneric vilitatem contemnet , infra dignitatem habiturus. Vel perinde supervacaneum fiat , ac si magno pedi , parvum calceum induere contendas , vel secus toga virili , vestire infantem (onerandum potius , quam ut ornetur) velis ; in hoc , turpi excessu ; in eo , peccatus defectu. Oportet igitur , secundum genium cuiusque (prout in artem agendi hanc aut illam natura inclinat) munera cuique committantur ; non vero è contrario , Togata , viris bellicis ; Provincialia maritimis ; ludicra , seriis & gravibus , juridica tum forensia , ruralibus ; amœna , tristibus ; turbulentia pacatis ; laboriosa delicatulis ; regenda , obedire nisi & subesse aliis commode scientibus ; intricata , non expeditis & hæsitantibus ; Religiosa , politicis. Denique (repetito dico) parva , in geniis magnis , magna , parvis. Satis prudens in eo Tiberius , de quo Tacitus (VI. Annal .) *Poppæus Sabinus à Tiberio maximis provinciis impositus , nullam ob eximiam artem*

artein , sed quod par negotiis , neque supra erat.

53. Quæ ratio non potest , sœpe tempus sanat : noli anxius esse , verum tempus in consilium voca : nonnulla difficultiora , temporis , aut potius DEO , sananda permissurus. Sic ille apud Historicum : Consilium , cui impar erat , fato permisit. Non tamen fac desperandus. Sape meliori fortuna , locum fecit adversa.

54. Non qui res , sed magis qui tempora disponere scit , vel utrumque ; rem habet : recte autem disponit , qui bene dividit. Ego ♂ tempus contra duos. Caroli V. Cæsaris dictum. Solus scit agere , qui tempore non nescit uti.

55. Gave morosos , qui momenta rerum trahunt in offensam sui : non aliud lucri ex talium convictru reportabis , nisi cum indignatione acerbitatem ; dum sunt similes stomacho nauseabundo , qui etiam sua via male accipit & fastidit.

56. Minores virtutes affectum vulgi movent ad amorem ; excelsa virtus , nisi magnorum movet intellectum ad pensandum , & estimationem ; hæc erga superiores necessario usurpanda , sed cum minoribus , nisi minorum virtutum usus ; cum enim illi altas capere non possint , stupent verius cas , quam amant. Prout igitur cum magnis,

gnis , aut minoribus res tibi , sic virtutem
 (utique omnium haud neglector) hanc aut
 illam , studiosius adhibebis , si sapis, (Vi.
de Notationes meas Politicas puncto XII.)

57. Semper cautus sis , & haud fide.

58. Gave inimicos laudantes. *Nam quod*
incautius decipiunt , palam laudant.

Immo cavebis amicos , placere nimium
 volentes & susurrones.

59. Tuum secretum sit clausum , & ni-
 si uni alicui , aut sibi soli , apertum ; Sed
 cavendum , ne silente lingua , vultus , oculi ,
 ac cæteri gestus loquantur , ut quod ma-
 xime celatum vis , in lucem protrahatur.

60. Distò vulgari : *Malum bene possum*
ne moveas , ne fiat pejus.

61. Affectus , inimicus bonæ rationis
 qui eum non regit , regitur ; neque te
 Ira , neque minus te Amor ducat , sed me-
 diocritate laborandum , nisi velis errare:
 qui minus ex affectu habet , plus ex ratione.

62. Qui amat nimis quietem & seces-
 sum , qui breviloquentia gaudet , adusque
 affabilitatis comitatisque defectum ; qui
 Stoicum & grave supercilium gerit , mo-
 rosus dictorum factorumque in alios cen-
 sor ; qui parcè erogare cupit , qui faci-
 le dicto offenditur , nec scit (salva tamen
 gravitate & virtute) dissimulare mul-
 ta , paucos amicos sibi parat , nec mul-
 ta

tum in populo potest. Impossibile est, cum nemini te amicum dederis, dari tibi aliquem velle; aut si vis habere, necesse, remittendum aliquid ex rigore; quod virtuti non contrariabitur, sed eam adornabit: saepe virtutis legem falso putamus, cum potius vivendi morositas est.

63. Cauti aut nimis quieti dum esse non-nulli volunt, otiosi fiunt: cum aggrediendo, terrentur difficultibus, vel cum non ex voto, res aliæ cedunt, vel cum sibi (quæ restæ fecisse consciæ sunt) à malevolis succenserí, indigne ferunt, vel dum agendo nimis scrupulosi nec plane resoluti, & leves offensas metuunt; quod mollis & ignavi verius, quam quietem appetentis animi signum est. Fateor, nihil agentium facta non improbari: non errant, dum nihil agunt otiosi: velut apud tacitum Hortensius Flaccus. Non compescere ruentes, non retinere dubios, non cohortari bonos ausus; sed pavidus, segnis, otiosus & socordia innocens, Galba magis extra vitia, quam cum virtutibus; in quo cum segnitia esset, sapientia vobatur. Tales non habent inimicos sed nec amicos quoque, dum negligunt; errare vero, tum nobis succenserí, aut offendí; uti hoc alienæ malignitatis, non autem nostri vitii; sic illud, prorsus huic humanum est: cum non qui maius errat, sed qui prompte erra-

tum corrigit , & à causa intra virtutem assurgit, prudens est : hominis actio , (dum hominis est) aliena porrpis ab errore esse non potest ; Divina nonnisi errore vacua. Illud in homine laudatur : cum non confundi, sed prompte recolligere , intra magnanimitatem sui , potens est animus. Falluntur ideo , qui ab usu , & tractatu rerum levibus terrentur , ut recte succensuerit illis Justus Lipsius (Epist, 39. Cen. 2.) Contemni à te humana gaudeo , quæ me quidem authore pedibus etiam protere ; sed ita , ut contemptus iste ab alto quodam animo sit , non quo ipse se contemnat. Hoc modestiam aut sapientiam censes , jacere ? nihil agere ? ad nullum vitaे genus collimare ? ignoravia est : magorum etiam sape ingeniiorum pestis. Subit enim (ut ille inquit) inertiae ipsius quodam dulcedo , & invisa primo desidia , postremo amatur.

64. *Pro ultimo.* In gratiam cujusque prudentis & virtuosi civis , adjiciendum putavi : ut si ad recta præcepta vitam mores que componat , & in altum agendarum rerum pro virtute contendat , fore , ut incurrat in malignantium linguarum censuras , invidorum odia experturus ; quæ plerumque virtutem exercere amant. Ne igitur acerbitate vir prudens confundatur , sed potius in partem melioris fortunæ trahat , certum

certum argumentum magnitudinis habiturus, rūs, invide ri sibi , quam ut invideat ; modo re&æ virtutis conscius sit. Continua observatio ne compertum est : non posset magnorum Catalogo inferri , nisi qui prius asperam invidiæ viam decurrat ; ac dum eam calcaverit, tum verè fortunæ altioris gradus , substrui sibi occulto fato speret. Non certè sermōnum acerbitas invehitur in vilem colonum, qui sola ignobilitate & inertia securus est, quem per oīnnia fors infima , semotum ab hominum fama , & tutum ab invidia facit : non invadit humilia tuguriola , verūm altas petit domos ; aut potius eos exercet viros , qui extra abjectorum sordes positi , in conspicuo præclaram agunt vitam , ut vere dicatur. *Emulam magnum-
rum esse invidiam.* Vel ut altius noster Tacitus *Sinistra erga eminentes interpretatio;* nec minus periculi ex bona fama , quam ex mala. Si penitus introspecere liceret intimum invidorum pectus , quidni videretur intus crudeliter laniatum ? animus exesistens mens invidiæ cocta curis ? ut cum loquuntur , aut de te sibi vindicant , potius de se ipsis graviores poenas sumant : non in te verbo , sed in se continua magnitudinis meditatione sœvituri. Illum tua generositas vexat , hunc in rebus gerendis

gravitas arguit , aut morum pulchre com-
posita venustas confundit : jam incipien-
dorum & agendorem prudentia , in con-
trarium nitenti æmulationi obluctatur.
Plerumque vero magna fama in magnos &
in officiis degentes , quos *nobilitas* , *opes*,
bonos , aut aliqua *insignis claritudo* , *rumori-*
bis objicit : quem ergo miserum , & infra
genua sua abjectum (nec supra pro virtute
assurgentem) videre mallent , superbum
& obliquæ virtutis clamant ; non quia tu-
vere sis , sed quia illi animo ægri , nequam ,
malitiosi , majoris virtutis impatientes ; ut
eo ipso inferiorcs se agnoscant , dum invi-
dent. Ad rem meam sacer scriptor : *In-*
vidiām , *portatilem infernum vocavit* , ut
quem invidum dixeris , vivum potius mar-
tyrem voces , & in horas morientem ; ni-
hilque pejus in pœnam optes , quam re-
ctum facias , quod inimicus invideat : *uti-*
nam invidi ubique oculos haberent , ut *o-*
mniūm facilitate torquerentur. Torquetur sa-
ne quisque invidus , cum alterius felicitas ,
sui animi Tyrannis est ; quod alterius for-
tunæ , gloriævè accessit , sibi demptum
putatur ; aliorum affluentia , sua macies ;
sua famæ ; & cum magni esse non possint ,
nec cæteros malunt : in se nequam , in
cæteros haud boni. Ergo ne queratur de
invidis vir prudens , gaudeat potius , nisi

malit vocari miser ; nec se altum stantem
magis arbitretur , quam dum hoc malo
jacet : Invidiae , similes meteororum igni-
bus , qui sequentem fugiunt , fugientem
sequuntur ; sic illæ , nisi non contemnenti , nec
conscio propriæ virtutis , nocent : gau-
deat , (inquam) magnum sibi inesse , quod
invidorum oculos fodiat , mentem deco-
quat , animum compungat ; sibi in trium-
phum , æmulo in confusionem . Senecæ
super hæc verbis usurus . *Male de me lo-
quuntur ! faciunt non quod mereor , sed quod
solent : male loquuntur : bene nesciunt loqui:
non judicio faciunt , verum morbo ; non de
me loquuntur , sed de se . Moverer , si de me
Marcus Cato , si Lælius , si duo Scipiones lo-
querentur : Nunc malis displicere , laudari est ;
non potest illam autoritatem habere sententia,
ubi , qui damnandus est , ipse damnat . Qui
busdam canibus sic innatum est , ut non pro-
feritate , sed pro consuetudine latrent : dicam
ultra : male de me loquuntur ? sed ipsi o-
tiosi , alienos labores & convivio secure pro-
spectantes ; & quos publica quies aliis la-
borantibus molliter habet : vel quod ali-
bi dixi , sæpe tibi repece ; desiderari ad
majorem perfectionem virtutis , adversa-
rium habere , ut æque virtus sit adversa-
rium modestè tulisse , ac alia recte fecisse .*

Non igitur bonum eum judica , quemcunque aliorum dictis factisque obloquentem audieris : videsne aquas per se sapidas & dulces , qualem terram præterfluant ? puram , amaram , sulfuream , falsam , lutulentam : ejus saporem purum , aut secus amarum , sulfureum , falsum , lutulentum , & male olentum sapere ; Sic judicia nonnullorum de rebus bona sunt aut mala , prout animus , unde feruntur . Habent bonæ apes , unde suum mel ab acri urtica decoquunt ; araneis etiam rosa sui veneni materia , non quia rosa mala , sed quia nisi venenum querit aranea . Non igitur (quod sæpius suggero) conqueraris , non ferrum in ultionem posce , non exitium tibi obloquentibus meditere , si vir bonus es , sed eo stimulo in altum virtutis enitaris ; plusquam satis honestissimæ & triumphalis vindictæ (si ea vindicta vocanda) dum tibi invidetur habiturus : unde quod maximum in humanis , virtute superabis invidiam ; quæ non nisi bonæ virtutis constantia superatur , vi nunquam , sed ut potius incitetur . Sed cum omnia feceris , non semper eandem virtus in orbe habet estimationem : in aliis eadem laudatur , in aliquibus non item . Ergone hodie non sunt viri , virtute , judicio , morum gravitate , agendique peritiâ Manliis , Scipionibus , Fabiis , cæterisque Romano-
rum ,

rum, & Græcorum magnis nominibus pa-
res: Sunt omnino: verum seculi vitium,
non virtutis defectus, ut non videantur,
cum in ea tempora non inciderunt, quibus
totum virtuti concedatur sine invidia, &
locus & æstimatio & præmia, & agendi
occasio; verum potius illa, hominum ma-
lignantate compressa jacet, latetve. Quid
enim inter malitiosos possis: si corrigas
dum sunt mali passim, facile offendas mul-
tos; ideoque indignantur: si agere velis: in-
vident, nec ideo juvant, immo studiose
recte faciendum præpediunt, tenebras vir-
tuti aliorum inducere amantes, ne com-
paratione, ipsi prodantur, aut vilescant.
Prisca ætas ingenua erat, circa rectam sim-
plicitatem, æquum habens virtutis intuitum,
dum plures essent recti, quam in devia vi-
tiorum abeuntes, neque ideo superbia ob-
stitit, quo minus dictum consiliorum me-
liorum sequerentur: facile exinde se eri-
gebat virtus in majus, cum seu ageres, pen-
saretur, seu adjutoribus & instrumentis
agendi opus haberet, præsto adessent inter
bonos, rectum volentes, aut quod velis,
facere scientes. Facilius erat Scipioni, vi-
gente militari virtute Romana, magnum
Ducem pro Romanis agere, Annibalem vin-
cere, Carthaginisque deprimere fastum, &
Africani nomen pro se mereri, cum tot

haberet in exercitu scientes ordinum ductores, bello jussorum apta exequendo instrumenta; quam si alias posterioribus seculis, labente disciplina, inter rudes cohortium administratos armis agendum aliquid veniret. Aut *Portio Catoni*, censoriam exercere erat promptum, & reducere ad normam recti omnia in urbe, in qua nondum per omnia adoleverat flagitium, & agendi licentia; quam ejus pronepoti *Catoni Uticensi*, cum ejus ætate prævaleret licentia, & ex opibus immensis, fastus; tum insolentium turba. Nullibi igitur minus possunt recta ingenia, quam si inter eos venerint, qui scioli, præsumptuosi, & insolentes, tum rudes, imperiti & pertinaces. Exinde causa proxima est: In populari Republica concordiam vigere non posse; dum quisque præsumit audaculus, sciolusve; nec alium sequi vult, aut primatum concedit meliori, verum sibi asserit insolenter, rem in diversa trahens: fœcunditatem ingeniorum nonnulli tunc vocant, cum potius agendi insolentia invalefecit. Ad concordiam vero necesse omnino, ut uni duobusque concedatur, qui ex virtute præcant rectum acturi, cæteri sine scrupulo & murmure sequantur, immo juvent confidenter uniti, nec distrahabit rem, abeuntes in diversa: dum enim singuli præire volunt, universi confunduntur,

tur: Sed hæc obiter. Quantum vero ad famam, & æstimationem Principum virtutis; Evenit illis, velut quidam recte annotavit: Tametsi unus aliquis Princeps, iisdem bonis aëtibus Rempublicam moderatur, quibus aliis gloriofissimè eam moderatus est, aequa tamen acceptus futurus non sit, nec parem habiturns laudem, nisi subditorum quoque naturas aequa probas esse contigerit. Addam amplius: nihil magis vulgus, quam ordinem odit; maxultque malos dominos, modo sine ordine & in licentia; quam bonos expeiri; modo sint extra ordinem, ad normamque legis & virtutis, tum per omnia modestiæ ne componantur. Exinde malis Dominis, in subditos ars sola illecebrarum est, per obliqua: ut aliquorum fortunas emungant, in alios pro insolentia sœviant, universorum libertatem per diversa aggrediantur; verbo tamen familiares sint, & suaviloquio laborent, arte varia lenociniorum, fucum actioni inducere amantes, præsertim dum privata vitia, mutuas inter se insolentias, & scandala populo condonant, immo studiose connivent, in speciem licentiosæ libertatis, dum cuique malum esse, & insolescere in alium, impune licet. Sic versutorum, aut quoquo modo obliquorum

amicitiâ , inescantur magis aliqui , quain eorum , qui ad virtutis legisque normam , se rectè componunt , dum illis prioribus , libertas speciosa , & amœnitas convictus īest ; hi pro virtute , & modestia , tristiorē regulam vivendi , & morum quendam rigorem , inducunt , æstimantur quidem , sed non amantur . Sic illecebræ mundi , quæ *temporalia* viris spiritualibus vocantur , plures sectatores habent , quia latiora sunt aspectu , & ab exteriori sensu pensantur , licet exitu posthæc tristia ; quam solidior virtus , cuius pretium & æstimatio , altiori menti subjacet . Ex eodem fonte (ad propositum ut redeam) *boni domini* , apud malos pejus audiunt , & nisi amissos , vulgus agnoscit , seroque dolet ; aut secus , mali æstimantur , dum illis populi sunt assuefacti : moribus , epulis , venatu , facilitate , luxuria , tum exercitiis conformes : velut Neronis vitia , haud minus adamaverat populus , quam virtutes aliorum veneraretur : & in Vitellio (idem observavit Tacitus) studia populi , tum exercitus , raro cuiquam bonis artibus quæsita perinde assuere , quam huic per ignaviam . Quid mirum igitur ? si ne Divina quidem vulgus probat : Moyses populum ex Ægypti servitute eductum cum ordinatissime mollissi-

meque habet, mannaeis de cœlo panibus, delicata coturnice dum pascit, periculis insuper, in manu Dei potenti, dum promissimè adeſt. Portans populum in ſinu, ſicut portare ſolet nutrix infantulum: Murmurauit populus contra Moysen dicens: Cur feciſti nos exire de Aegypto & utinam mortui eſsemus in terra Aegypti! in mentem nobis veniunt cucumeres, & pepones, & cepæ & allia. Cauſam rei ſcire placet: en cape: Moyses ad virtutis legem animos populi componebat; in Aegypto in corpora ſæviebatur: hominum verò proterviæ, triftiorem eſſe modestiam virtutis & correctivam legem dum intimum animum petit, quām corporis exteriorem ſervitutem. Aegyptus eraſtas carnium epulas & ignobiles delicias ſervilibus ingeniis obrudebat; Moyses altiorē escam ſuppeditabat, & aſſerebat (ſed non ſine regula) libertatem: cujuſ niſi ingenui, altiorisque mentis homines, ſunt capaces: ingeniis absurdis, & non intelligentibus, niſi quæ ſenſu exteriore paſſantur, placent: præſentia minora dum intuentur (infatiati) futura majora negligunt; ſimulque obtrectant superioribus. Tamen universim, (ut verum fatear) Invidiæ, sermones vulgi, & acerbior censura, in principes viros, aut quoque modo æſtimatos

tos (præsertim qui admoneri per singulos nequeunt, tum in quos nulla potestas est) non obest, sed necessaria ut plurimum est; idque communis boni causâ: si enim immetato iectetur, prodest tamen, ne depraventur, qui boni sunt; immo ad altiora calcar habent, velut præmoniti, dum intrò se (num verum sit) intro spiciunt, & simul *humanorum* admonentur: sin vera est, in melius corrigit; vel saltem ne pejores evadamus, acerbitate aut metu majoris ignominiae nos coërcet: Merito constitutus est honor in opinione aliena, ut scilicet in metu simus: cumque actiones nostræ, ab aliorum dependent judicio, omnibus satisfacere studeamus: Etiam libertatis in Republica signum est, obtræctatio: in ea enim, quam tyrannus oppressam jam tenet, neutiquam permittitur. Didac. Savedra Symb. XV.)

65. Ultimum monitorum illud esse debuerat, sed manum amoventi de tabula occurrit dictum, ore ab Ethnico, verè Catholicó politicum; tibi, alteri, mihiique mature sciendum: Qui notus nimium vivit omnibus, ignotus moritur sibi. Vel quod rectius Divus scriptor: Qui vixit velut immenor DEL, "moritur in fine tandem oblitus sui. Felix vivit, qui medios inter negotiosi seculi dies & fortunæ blandimenta, furtim sibi sunt

ulos
est)
est;
me.
ven-
cal-
ò se
mul-
, in
va-
no-
s est
netu
de-
nus:
ob-
res-
Di-
de-
ula
Ga-
na-
m-
ti-
nor-
Fe-
cu-
ibi
nt

subducit horas, aut faltem extrema vitæ applicaturus DEO , explicatus sponte ab humanorum curis , rectius illas deserit ipse, quam ut relinquatur invitus ab illis. *Minimum est, quod restat vita, seni decrepito* (Barthol. Granmondus lib. 2. Histor. Gall.) *qui que Reipublica & amicis plane inutilis est, annus unus & alter, quo victurum se sperat, multum aeternitati valet : momento paratur aeternitas felix aut infortunata, qualem sibi quisque procurat.* Non immerito Seneca il ludit Senibus humana nimis studiose disponentibus, in multos velut annos victuris: Nihil turpius est, quam senex vivere incipiens. Pulchruin immo: dum vivimus senes, sed mortui mundo ; victuri tandem nobis, cum vivimus Deo.

A DEI nomine incepi hæc monita , in eodem finivi: qui mihi rerum Alpha & Omega, tuisque actionibus, utinam sit oportet, Immo sit necesse omnibus. Dum vero ad eum, nostra plene dirigentur, ut quid (bonis) opus his, aliorumque monitis i aut fecus, quo magis à Divonorum cogitatione & amore, (quasi ab ultimatio summoque bono) recedimus, neque hæc , aut mille talia , satis ad cautionem, recteve agendum sufficient in Dogrinam : etenim quo magis sumus erronei circa eligendum

VERUM

verum bonum, plus in passiones animi incurrimus, & varie illidimur, quam ut narrari cautio possit: turbamus inquieti alios & turbamur vicissim ab illis. Scire enim, brevi compendio rem grandem, te oportet.

Commotiones seu. Passiones animi, oriuntur ex *absentia* aut à *præsentia boni*, seu *veri, opinativi*: per se autem verum & perfectum bonum, non est, nisi solus Deus: nam reliqua bona sunt ab hoc, vel propter hunc, id est, in hoc. Quæ autem extra hunc, sunt tantum non solida, finita, transitoria, aut *opinativa*, vel falsa bona; prout cùjusque opinio ex temporali sibi statuit, & ex appetitu falso: immo, si penitus penderis, sunt vere, ipsa mala; ideoque post lapsum primi parentis, & post amissam originalem gratiam, (velut possessiōnem Dei, id est veri, summi & ultimarii boni) passiones animi, non possunt non esse in homine, dum quiescere non potest, sed per hæc, aut illa vagatur, velut in via, querit, invenit quodammodo, nec materialibus (*mentem habens immaterialē animumque*) plene satiatur, sed irritatur verius, dum est extra metam perfecti boni positus: adipisci vero, illud non potest, nisi (*pro forte meritorum*) post emen-

sam

sam vitæ viam , occupet in visione DEUM , qui uti infinitus est , solus vastam & plane infinitam mentem hominis sufficientissime implet , & perfectissime terminabit . Immo , in hac vita , qui magis DEUM animitus meditantur , minus de illicitis animi passionibus habent : ipsi quieti ; dum falsi , opinionati , nec proportionati hominis animo boni , contemptores , & incurii , meditatione Divinitatis , quasi in possessionem veri Boni , mature & ante tempus incipiunt involare : Atque hinc est materia & causa omnium Virtutum , studio (qui est unicus finis humanæ voluntatis & actionum) habendi veri , summi & perfecti boni : aut secus , circa ejus absentiam , tum in elendo errorem , aut malitiosam inconstantiam in quærendo , est causa commotionum , & passionum animi : tum ex his non domitis ,

Causa immo materia vitiorum.



AP

APPENDIX.

ICON INGENIORUM.

Genera Ingeniorum (seu Animorum) varia seu BONA, seu MALA sunt.

In genere BONORUM ponuntur.

In *genium* Frugi, Rectum & Simplex, Reale, Probum (seu Integerrimum) Æquum (seu Amans Justitiae) Apertum seu Candidum vel Sincerum) Clarum, Ingenuum, Verax Grave, Judiciosum, Solidum, Prudens, validum seu Firmum, Conftans & Stabile, vel Perseverans, Tenax verbi, Infraetum, Affiduum, Sedulum Studiosum, Serium, Defacatum, Maturum, Consummatum, Sobrium, Practicum (seu Pragmaticum) Vivax (seu Vegetum) Erectum, Peræquale, Excellens, Penetrativum, Considerativum, In se retractum, Profundum, Discretum (seu Discernens) Serpicax, seu res à longe, & ante tempus prospiciens. Nec sciens fallere, nec falli se sinens, Gautum, Vigilans, Providum (seu Circumspectum) Sagax (vel Solers) Expeditum (seu Promptum) Extra, delationes peſitum, consubtisque facta conjungens, Sui compos, Recollecti-

leotivum , Aptum & Habile , Industrium , Conceptuosum , Speculativum Capax , Elegans , Castigatus , Efficax , Facundum , Politicum , Nobile , Dives & Fœcundum , Verfatum , Laboriosum , Conabundum , Actiuum , Alacre , Indefessum , Generosum , Magnificum , seu Magnanimum , Animosum , Altum , (seu Altioris spiritus) Gordatum , (seu virile) Intrepidum , Aequanimum , Pacatum , (vel Quietum , seu Mansuetum) Aetione suave , Clemens , Commiseratum , Temperatum , Verecundum , Religiosum (aut quæ aliae devoti animi dotes) Civile vel Urbanum , Populare Benevolum seu Benignum , Fidum , Lentum , Cunctabundum , Sedatum , Qalitativum , Frugale , Tractabile , Sociabile Come (seu Affabile) Morigerum , Liberale , Hospitale , Humanum Amicabile , Amoenum , Festivum , Docile , Corrigibile , Concinnum , Recte compositum , seu Cultum vel Comptum , Moderatum , sui Potens , Amans Publici , Universale , mediocre , Liberum , Non dependens nec Obnoxium .

Dictum pro genere bonorum ingeniorum erat satis , verum nulla festinatio , transgredi cogit mentionem Elogiorum , quibus arguto satis breviloquio *Vellejus Paterculus* , magnorum olim nominum viros , (per diversa genera virtutum & rectorum inge-

nio-

niorum) passim decoravit. Vir in tantum laudandus, in quantum virtus intelligi potest. Nihil in vita sua nisi laudandum, aut fecit, aut dixit, aut sensit. Tantis adornatus virtutibus, quantas perfecta natura aut industria, & mortalis conditio recipere potest. Neque dicendus, neque silens sine cura. Viri, cujus operum & ingenii magnitudo, instar magnorum voluminum. Per omnia virtuti simillimus. Ita omnia simul, ita singula ex omnibus agens, tanquam expeditissimus ille tantorum negotiorum mole, huic uni negotio vacaret animus. Nunquam recte faciens, ut facere videretur, sed quia aliter facere non posset; Natus ad omnia quæ recte facienda sunt. Vir severitatis lætissimæ, hilaritatis priscae, actu otioso simillimus. Fœmina (nam & huic sexui sua quoque decora sunt) nihil muliebre habens, præter corpus. Cujus potentiam nemo sensit, nisi aut levatione periculi, aut accessione dignitatis. (*Vellejus Paterculus passim in Historia.*)

In genere, MALORUM ponuntur.

Ingenium Obliquum, Malignum (seu Malitiosum) vel Nequam, Gholericum (seu Iracundum) Igneum vel ardens, aut secus Tepidum; Imperiosum, Officii insolens,

lens , in alios Inquies , & Abusivum,
aut secus , operæ tædiō , & inertiam seip-
sum conficiens , Acre , Violans , Trux,
(seu Ferox) Flagrans (seu valde volens)
Impatiens , Vehemens (seu Impetuosum ,
Præceps , aut Concitatum) Desperatum ,
Præcox , Cerebrosum , insociabile , Illibe-
rale , Inclemens , Invidiosum , Zelotypum ,
Pertinax seu Obstinatum , Protervum , In-
credulum , Morosum (seu absurdum , Sor-
didum , Subrusticum aut Insulsum) Cyni-
cum , Dubium seu Dubitativum , Confer-
natum , Meticulosum (vel Pavidum) Ir-
resolutum , Nullius ausus capax , Futuri so-
cors , Ægrum , Ærumnosum , Querulum ,
*cui nunquam bene , Incurium (vel Negli-
gens , seu neglectim transitorieque agens)*
Perfunctorium , Obliviosum , Impeditum
(seu non expeditum & Hæsitans) Inexpli-
catum , Involutum , Tædiosum seu Fasti-
diosum vel Nauseabundum , Inexplebile , No-
vi cupidum , id est , præsentium intolerans ,
*mutationis avidum , Curiosum , sibi com-
placens (quod laborat Philautia) Jaeta-
bundum , Affectuosum , Passionatum , Af-
fectatum , Tumidum , (seu Præsumptuo-
sum , Fastuosum , Ventosum aut Arrogans)*
Pompaticum , Impendiosum , vel Sumptuo-
sum , Laudipetum , Inane , Vanum (quod
facit tantum in speciem , aut non solita pen-
sat)

sat) Ambitiosum , Æmulum , seu Æmulatorium , Ostentativum , Sciolum , Fucatum , Exuberans , verbis , gestibus asperiorē magnificum , rerum & solidæ mentis vacuum ; vel quod est totum in exterioribus & in lingua , ad numerum nisi totum faciens ; aut si dicere licet Vano - Stoicum : tum superciliosum , Mendax , susurroneum , Dicax , (id est Garrulum , Clamosum , Loquaculum , seu Vaniloquum , & Imperantis linguae ; vel Sermonis insolens , & immodicum , aut verbis nimium) Detractoriū , seu Oblatrativum , Impudens , Scommaticum (seu Conviciatorium , Satyricum Auculeatum aut Gavillosum) Succensorium , Illusorium , Nugatorium , Argutulum , Joculatorium , (visu amabile , facieque amanum , intolerabile factis , & moribus) Sugillatorium , Procax , Vexatorium , Insimulativum , Humile , Tenue , Abjectum , Pufillanime , Superstitiosum , Flagitiosum , Probrosum , Scandalosum , Impotens sui , Dissolutum , Prodigum , Luxuriosum , Volutuarium , Delicatulum seu Delitosum , Effœminatum , Seditiosum , Effrene , Inquietus & Turbidum , seu Turbulentum , Innocitorium , Suggestivum , Vecors , Insolens , Refractorium , Calcitrosum , Audaculum Insanabile seu Incorrigibile , Perniciosum seu Exitiosum , Asperum , Immoderata

deratum , Horarium , Ambulatorium , Mobile , Inconstans , vel Instabile , Fluctuandum , Vagabundum , Leve , Credulum , Fragile , Lubricum , Recidivum , Latebrosum , Furtivum , Erroneum , Opinativum , *Alieni rimans & interpres* , *sui obtegens* , Implicitum , Obscurum , Criticum , Vertiginosum , Vesananum , Fanaticum , Extenuativum aut secus Exagerativum , Exprobrativum , Mirabile , Varium , Phantasticum , Ambagiosum , Chimericum , Intricatum , Labyrinthosum & Ambiguum (seu Anceps) Neutrale , Deceptorium aut Fallax , Insidum Mille artifex (quod & Machiavellisticum vocant) Velatæ astutiæ , seu palliatæ malitiæ , Mentitæ frontis & formæ , Capitulum , Impium , Iniquum , seu Injustum , Avarum , Parcum seu Tenax , Subdolum , Privatipetum , *id est* , in tantum hoc aut illud agens , vel non ; tum amicitias colens , in quantum privatus respectus adest : aut se transferens , unde plus utilitatis speratur : amicitias utilitate probans . Venale , Quæstuofum , cui nibil turpe , quod fructuosum . Pax , seu alieni cupidum , Effrons , Prævaricatorum , Falsarium , Hypocriticum , Simulativum , Sycophanticum , Infame , Perfidum , Versatile , Injuriosum . Grave , Dolosum , Insidiosum , Subastutum , ver-

sutum seu Vafrum) Quodvis struendi & destruendi artifex , Temerarium , Furiosum, Sævum , Efferum seu Tyrannicum , Vindictivum, Sanguinarium , Inexorable , Contentiosum , vel Discors & Diffidiosum , Risosum , Adversum , Criminatorium , Supicax , Diffidens , Rimatorium , Indaginosum , Substultum seu Fatuum , Intrusum, Adulatorium , Assentatorium , Importunum, Petax , Servile , Nimis placens (*Vulgo placentinum*) Effusum, Immodicum , seu per omnia nimium; Fatigabile, Tardum (seu Pigrum , Desidiosum vel Socors , & operas fugiens) Procrastinativum , negotio pendulum , Ignavum, Languidum , Effætum , seu Expletum , Exhaustum vel Enerve , Fractum , Otiosum, Molle (seu infirmum) Respectivum , Hebes Iners (seu Imperitum vel Rude) frivolum , ineptum , Vulgare , *impar* , nec Proportionatum sua sorti , vel negotio (aut seclus) supra sortem vel negotium . Debole , Stupidum seu Stolidum , Obtusum , Incapax , Non intelligens , Confusum , Durum , Inhumanum , Tetricum , Distractum , Mistum , suspectum , Omnium horarum , Nullius aut inferioris judicii , unicō verbō , non satis exprimendum .

Dein generis INDIFFERENTIS sunt .

Ingeniosum , Officium seu Obsequiosum , Targum , insipuatium , Acutum (seu Subtile)

tile) Argutum , Discursivum , Lepidum ,
Facetum , Joviale , Familiare , Affectionatæ
simplicitatis , illecebris potens , Seria jocis
miscens , Demerendis hominibus genitum ,
Lautum , Facile , aut secus Difficile , Do-
mesticum , Solitarium , aut Segrex , vel
Secessu Gaudens , Melancholicum , Morum
& vitæ contractioris , Triste , Austerum ,
Omnibus amicum , Nemini familiare , Re-
conditum , Secretum , Arcanosum , Circui-
tivum (id est , quod directè cavyt aut
veretur) Apprehensivum , Meditabundum ,
Dissimulativum , Coacti moris (id est ,
quod non ad naturalem libertatem Venusta-
temque , sed velut coactos artus habet , nec
ab intima virtute , sed ab affectato artificio)
Moræ Impatiens , Properum seu Festinans ,
Fervidum , Sollicitum , Sedentarium , Pri-
vatum , Taciturnum , Arcani capax , Scru-
pulosum , Zelosum , Rigidum , Indigna-
bundum , Severum , Censorium , Nego-
tiosum , Authoritativum , Prisci moris ,
Immobile , Stoicum , Sequax , Flexibile ,
Scholasticum (quod magis Scholam & cu-
riositates rationum , quam praxim sapit) sibi
Fidens , Securum , Audax , cui nihil ar-
duum , nihil supra spem , in obstantia ruens ,
Luctabundum , Satagens , Vastum , Extre-
num (id est per intervalla in summo gra-
du boni aut mali , repente sibi contrarium)

sed hæc in indifferenti ponenda, prout in bonam, aut malam partem agunt.

Alia igitur *Ingenia*, ex bono genere magis aut minus participant, & sunt bona, aut meliora.

Alia merè ex genere malo, & sunt pessima.

Alia ex utroque simul: Prout verò minus ex malo, plus ex bono trahunt (tristi enim privilegio fragilitatis humanæ, nemini ferè per omnia bonum esse licet) utcunque temptantur, aut magis aut minus mala sunt.

Demum: Alia *Ingenia* hominum, dum quodvis genus vitii eruditè exercent, ex quavis plane virtute trahunt partem: mistim, simul virtutis, astutiae & actionis unico verbo non satis exprimendæ) peritissimi artifices. Quo iub pallio, facile rebus imponunt: sunt vero omnium ingeniiorum publicis privatisvè negotiis versandis astutissima, simulque vivendo familiarissima; non enim simplici stylo agendi rem transmittunt, sed agunt totum ex arte, & cum condimento: obvia & ultrò lacessens jocisque respersa inest comitas: solutior ad familiaritatem convictus: querulantibus & afflictis (notis atque ignotis) prompta condolentia: effusa promissa, res verò, ipsaque largitio, admodum pauca, & nisi pro tempore amœna,

&

& prius ostentata , ideoque exspectatione grata. Offensarum deinde aperta dissimulatio , aut joco eludens argutia : cum tam sensim immineat , velut per incuriam vindicta ; eò magis intimum amicum feriens , quo subtilius & ex oculto meditata : ut fere talia ingenia , *Universalia* vocaverim , nisi sint in materia obliquorum. Nihil illis tentando magnum aut difficile , sed pari ausu (sèpius vero neglectum , velut somnum & inertiam simulantes ; *immo specie jocantium magis quam serio*) aggrediuntur : velut subjugatam materiam versant , membratim excutiunt , per digitos transmittunt , principium , medium , finem , aptè concordant , & exequuntur , aut secus , pro arbitrio negligunt , explicant se familiariter , nec harent , nec adversis confundunt. Dum vero obtrudunt falsas imagines virutum , & inescant specie boni , vitia liberius exercent , decipulis (*Sirenum ad instar*) sine sensu plerosque involventes ; ut non prius , capi se sentiant , quam dum sunt ; nec regressus amplius datur : ut rectè habeantur *Ægyptiorum latronum more* (apud Sene-
cam) quos *Philistas* vocabant , qui in amicitiæ speciem , in hoc complectabantur obvios , ut jugularent : vel denique alias sunt , velut de quodam ait *Tacitus* ; *Cui quamvis infami inerat industria ; nec virtutibus , us*

boni ; sed quomodo pessimus quisque vitiis a-
gendo valebat. Talia ingenia rarius tulit or-
bis : utque verum fatear, ætate mea , quæ
vidi (inter) quæ novi , vix duo aspexi.

*Nec illud pensandis pro recta virtute inge-
niis omittendum.*

Per Excessum aut Defectum boni , falsam
speciem nobis imponi virtutis : idque pro
defectu judicii : cum non probe dignoscere
scimus , ex eoque fallimur ; sæpe virtu-
tem dictantes , cum inest facto vitium:
undè injuria fiat rectis , dum pravis ex fal-
so , nomen virtutis , & laus adstruitur.
Alibi sparsim ; hic accumulatissime ponimus
cautionem.

Pœna igitur & debita *Castigatio* , (seu
Justitia Correctiva & Pœnalis) sæpe degene-
rat (per Excessum ex Abusu) in Severita-
tem nimiam , aut Sevitiam vel *Crudelita-
tem* , gravitatem , importunitatemque ri-
goris , immo in vindictam vel ultionem:
aut ex præcipitantia in pressuram innocen-
tiae. *Justitia restitutiva* aut *Comutativa* , in
gravamen indebitum , emunctionem fortu-
narum , circumventionem , extorsionem,
& injuriam. *Amor equitatis* , aut titulus.
Patrocinii , tum *Protectio* ; vel alijs *Innocen-
tiae sua* , tum *aliorum* ; aut *injurie* vel *dama-
ni* (immo quandoque *legum* , publicique bo-
ni) *defensio* aut *zelus* , per excessum dege-
nerat,

nerat, in prævaricationem (seu irritationem) causæ , ac ipsius legis , tum iustitiae ; aut in affectatum æquitatis titulum ; alterius vero partis injuriam , gravamen , seu despectum ; Ex eoque , in modum indebitum & inquietum agendi ; tum in majorem reati ordinis (immo nonnunquam quietis mutuæ) irritationem , seu in exacerbationem conflictumque (prout potentes sunt) partium ; & publicas turbas : ut quandoque respectu emergentium , virtus dissimulacionis (intra prudentiam adhibita) plus proficit , quam æquitatis prætensiæ , aut actionis , nimius rigor , scrupulus , & præcipitania . Usus summa potestatis , degenerat per Excessum , in Insolentiam pro libitu agendi , Violationem jurium , ac oppressionem . Ordo debitus & potestas , degenerat plerumque in Jusserum institutionumque intolerabilem gravitatem aut rigorem , ex eoque præcipitanter pœnam , & impotuna verbera , immo nonnunquam , ex inconsiderata ordinatione , in majorem confusionem ordinis & rerum . Politica praxis & necessaria legis regula , in actionem Stoicam , aut Scholasticam ratiocinationem , tum injuriam . Ratio status , in nimium regendi rigorem , prætensa jura Majestatis , & tristem inquisitionem . Aequa tributa & subliuum belli , in insolentem emundationem

subditorum. *Bona instituta, leges, crebra consultatio*, per excessum pariunt multiplicatatem editorum (immo levitatem & contradictoria) ac dein abusum ; iussorumque contemptum. *Catholico-Politia*, per nimium rigorem & excessum, degenerat in pressuram populi, ac post in *Sophisto-Politiam*, & oblivionem conscientiae. *Libertas*, in licentiam. *Maturior recollectio, Deliberatio & multa consilia*, in inabilitatem ingenii, tum consilii & facti, tum in Inconstantiam ; aut secus, in maiorem pertinaciam, vel animi obfirmationem in praeconcepto, aut etiam tarditatem ; unde agendi tempora, deliberando consumantur. *Activitas & Fervor seu vivax animus*, tum mens seria vel Negotiosa, premytaque *Actio*, in igneum & inquietum, seu insolentem genium, Factionem, Errores, Impetum. Excessivam iram, & pœnitendorum occasionem. *Dissimulatio* degenerat per Excessum, in reconditam iram, ex eoque Circumventionem, Fraudem, oculta molima & Vindictam, vel secus, in oblivionem pertinentium aut incuriam.

Dicam ultra. *Liberalitas, Beneficentia seu Magnificentia*, per excessum seu abusum, degenerat in prodigalitatem, aut profusio nem. *Virtutis præmium seu justitia distributiva, vel præmiativa*, in Adulationis tum officiis.

officiorum (quæ moschum , non sudorem , aut pulverem redolent) recompensam , vel in provocationem temerariæ cupidinis pentacium (quibus postea dando non sufficias , aut sine offensa negare non possis) ex obvia facilitate dandi . *Parsimonia* , & debitus (fruendi aut dispensandi) *Ordo* , in Parcitatem . *Fortunarum licitum augmentum* , & frugalis , modicusque bonorum usus , in Avaritiam , & Invidiam alienæ fortunæ , tum affluentiam . *Affluentia* , rectaque bonorum fruitio , degenerat ex abusu , in Ostentationem aut Luxum , vel inanum studium , ex eoque occasionem defectus , immo (per decoctionem bonoru[m]) inopiae . *Justus* pertendi & habendi praetextus , per excellum degenerat , in astutas inventiones , inquietam actionem , appetentiam alieni , importunitatem , seu insolentiam petitionis , & instantiæ , circumventionem , imposturas , usurpationem , tum rapturam , *Licitum acceptum* , aut munera , per excessum (immo per actus frequentatos) degenerant , in Inverecundiam accipiendi , deinde amicitiæ & servilis obsequii (tum conscientiæ ac denique veritatis) venundationem , tum in appetendi abusum , immo in corruptionem virtutis . *Magnificentia* , in Superbiam & profusionem inutilem , vel superflorum (immo quandoque difficultum , ne dicam

impossibilium) conatum, & sua prompte
perdendi studium. *Innocentia excusatio*, per
excessum degenerat in praxim evadendi,
fallacias, vel artificiosum effugium (quod
vulgus vocat astutam inventionem. *Accu-
satio justa*, seu *petitio justitiae*, degenerat
per excessum in malignantem, imponendi
scientiam, & mendacia.

Deinde *Morum amanitar*, degenerat per
excessum in Levitatem. *Conversandi amor*,
et *Hilaritatis seu Festivitatis Studium*, in
Petulantiam, immo quandoque in otiosam
vitam, Propinationem, ac post, Dissolutio-
num linguæ, actionis, & inhonestatem; vel
quales otii ab fonte emanant malorum rivi.
Affabilitas et *promptitudo sermonis*, tum *Ur-
banitas*, in affectatam actionem, insolent-
iam, importunitatemque verborum, seu
loquacitatem. Deinde, in Diffamatio-
nem, immo in levitatem responsi, ex eo-
que occasionem, ut emergant pœnitenda.
Sinceritas verborum et *Actionis*, *Confidentia*,
tum *Candor*, *Ingenuitas* et *Apertus animus*,
in propalationem tacendorum, & impa-
tientiam secreti, tum in proditionem sui
& aliorum, incautam, & in occasio-
nem emeriri damni, aut in meram gar-
rulitatem, immo in facilitatem nimiam,
& levitatem actionis. *Promptitudo amicitia*,
habet excessum, Actionis levitatem aut fa-
cilita,

cilitatem cuiuscunque obviæ amicitiæ, tum
fusos, & nimium apertos, in speciem sin-
ceritatis actus, ex eoque Instabilitatem, seu
Inconstantiam. *Officii* tum obsequii prompti-
tudo, *Alacritas*, aut *Diligentia*, degenerat
in Intrusionem, tum importunitatem, &
parit lassitudinem, dein levitatem conciliat,
immo parit mutabilitatem, aut amorem
quæstus, ut illuc amicitia transferatur, un-
de plus utilitatis speratur, velut alibi dixi-
mus. *Facetiae*, *Affabilitas* aut *Jocositas*, pa-
rit cum excessu Importunos sermones,
Dicacitatem, scommata, Vexationem, Dis-
famationem, seu Obtrexationem, & Sugil-
lationem rerum, aut plerumque mendacia;
dein Levitatem. *Amicitiæ sinceritas* &
Confidentia degenerat in nimiam familiarita-
tem, ex eoque contemptum, vel alias (sub
prætextu confidentiæ) degenerat in Inso-
lentiam, dicti aut actionis fallacias, inju-
riam, ex eoque jurgia, tum offensas.
Modestia, in Abjectam humilitatem, &
cultus Indecentiam, Incivilitatem, immo
in sui posthabitionem, seu vilipendium,
tum quandoque in imeticulositatem, seu
pusillanimitatem. *Debitum officii*, seu ha-
bor in alios, degenerat per excessum, in
Servilitatem, aut turpem dependentiam,
& de rebus sensum, non qualem resta-
ratio aut ingenuitas dictat, sed qualis in

spiratur, tum in animi abjectionem, aut in deformis obsequium, nec ingenuam adulationem, sui vero ipsius contemptum, seu prostitutionem honoris, immo non nunquam in politicam hypocrisim, *Authoritas*, tum *honor debitus sui*, aut *Gravitas*, deinde (quod proximum est.) *Justa petitio promotionis*, *præfecturarum Officii*, tituli, per excessum degenerat, in turpem ambitum, Superbiam, præsumptionem, Factiones, fastum, Æmulationem, Æqualitatis odium, nonnunquam in Incivilitatem ex aliorum contemptu, vel siquid alicui accessit in melius, invidiam; imo destructionem; Superfluum sui cultum, Avaritiam, & oppressionem minorum, ne dicam in publicas turbas; velut superbiæ malum multa cognata vitia post se trahit, privatim, & in publicum.

Addam super hæc: *Benevolentia*, vel *bonitas*, seu *promptitudo*, degenerat per excessum, in facilitatem nimiam ex Improvidentia, aut in actionis (promissorumque) levitatem, & sermonis; seu in actus incautos: quod simplicitatem, immo quandoque *stupiditatem* vulgus vocat, *Bonus proæquitate zelus*, aut *debita in contraria indignatio*, dein *Prætextu servandi ordinis*, *Rigor*, *Fervor* & *Austeritas*, degenerat in iram excessivam, *Affectum aut importunum ardor*.

dorem, seu flagrantiam, & Inquietudinem
mentis, modumque indebitum agendi. Cle-
mentia, Commiseratio, & ex eo prætensum
Patrocinium, in Indulgentiam nimiam &
Impunitatem, immo Incentivum ulterioris
malitiæ. Benignitas aut teneritudo affectus
in Mollitiem animi. Necessitas (quoad cor-
pus) in nimiam ejus mollitiem, & superfluo-
rum curam, tum appetentiam. Recta sua
virtutis conscientia, & elegantia attributorum,
in Philautiam, complacentiam sui, aut Ja-
gantiam. Generositas animi, prout huic vel
alteri virtuti, aut simul pluribus annexa est
(nam sola, præsertim sine heroicis virtu-
tibus animo inesse nequit) degenerat diver-
simode; in Excessum actionis & Insolentiam,
Impudentiam & prostitutionem famæ, aut
denique (ex elatiore rerum contemptu) dege-
nerat. Inpertinentium incuriam Reli-
gio vel Pietas, in insuperstitionem. Pro-
bitas, pietas aperta, & titulus Virtutis, in Hi-
pocrisy. Quies, Modestia, tum animi tran-
quillitas, & laxamentum, aut (prætextu re-
quiei) cessatio, in Ignaviam, Desidiam, te-
pidas actiones, & amorem otii, aut in In-
civilitatem, vel Solitariam & infaciabi-
lem vitam. Taciturnitas, in Reticentiam
opportunorum. Timida conscientia, in ina-
nem scrupulum. Jultus dolor animi, aut
multa rerum consideratio, degenerat in Moe-
titiam,

stitionem, seu Mentis angorem; Impatientiam, Indignationem, iram Ecceſſivam, Abominationem rei vel personarum, & indebitam actionem, aut denique furorem.

Demum *Audacia*, tum *animositas* vel *Magnanimitas*, per excessum seu Abusum, degenerat, in Temeritatem, aut furiosam actionem, tum periculi evidentis (immo quandoque personarum) ex nimia sui fiducia contemptum, aut rerum impossibilium supra vires conatum, & ex eo levitatem, vel in impudentiam actionis, aut inconsideratum impetum agendi. Deinde in falsam præsumptamque audaciam, seu desperationem. *Securitas* in Supinam incuriam, aut negligentiam, ex contemptu alieni consilii. *Fortitudo* degenerat per Excessum, in Impetuositatem, aut Ferociam. *Justum bellum* vel *Belligeratio*, degenerat in insolentiam irritandi, aut temeritatem, flagitia, devastationem, protractionem, aut carnificinam, iutilem alieni usurpationem, & rapinam, vel rabiosam ultionem, aut quæ alia tristis ejus partus proles. *Perspicacitas*, *licita cautio* aut *circumspectio*, tum *Conscientia* alicujus defectus, in Respectum nimium, Diffidentiam, Vanas suspiciones, Desponsionem seu Abjectionem animi, Credulitatem nimiam, reconditam mentem, inaneaque timorem, seu pusillanimitatem, aut non-

nunc

nunquam in ignaviam desperationem. *Constantia & stabilitas, vel infractus animus, seu robur animi,* per excessum degenerat in Pertinaciam. *Celeritas, tum properantia seu Activitas,* in præcipitantiam, aut Impatiens-
tiam moræ, dein inanimadvententiam, oc-
casionem (immo accelerationem) mali, aut
contemptum considerandorum, & incuriam,
ac post, damnum. *Cunctatio,* degenerat per
excessum, in Tarditatem, Amissionem oc-
casionum, tum in Ignaviam. *Cautio indu-
striosæ, vel prævidendi prudentia,* in Astutiam,
Fallacias, Versutiam & Dolum. *Veritas
Propositionis, seu Narrationis, aut Discorum
prudentia,* in Contentionem, Pertinaciam
sermonis, ac dicacitatem superfluam; deinde in Impugnationem oppositæ veritatis,
seu affectatam destructionem illationis, lo-
quendo nonnunquam, magis ex alieno in-
stinctu & arbitrio, tam pro aucupanda gra-
tia, quam pro veritate. *Veritas correctiva,
aut debita reprehensio, tum Censura,* degene-
rat per excessum, in Importunitatem dicti,
Disfamationem, Exprobrationem moro-
sam, tum exacerbationem & offensas. *Pru-
dentia ratiocinandi aut Discursus,* per ex-
cessum parit Garrulitatem, aut Ostentatio-
nem, & Insolentiam dictorum, fucatos
sermones, frivolas probationes, & verbo-
rum rationumque pigmenta. *Studia & ar-
tes,*

tes, pariunt per excelsum curiositatem, questionum, pruritum disputandi, & contentio-
nis, tum importunas novitates. *Scientia*
& Exparientia, degenerat plerumque in
nimiam sui confidentiam & præsumptio-
nem prudentiae, alieni consilii rationisque
contemptum, & ultimo habet Confusio-
nem.

Ac deinceps.

EX defectu virtutum, vitia sunt: Ideo-
que aliud est *rectè agere* vel *esse pruden-
tem agendo*; aliud *agere feliciter* ex succe-
su: *scire incipere* & *tentare leviter*, aut
trahere tantum: Immo secus, *agere ne-
glectim* & *metuenter*, vel *denique per au-
dentiam* & *pro impetu animi*: *ignoranter*
inquietare actiones, *irritare*, *vexare*, &
confundere materias. Aliud *Probe (dicta,
facto)* *expedire tum adimplere*, *vel alias*, *re-
spondere directere*; aliud *Eludere*. Aliud est
Essere scientem, aliud *Sciolum*. Aliud *Essere au-
dacem*, aliud *Audaculum*. Aliud est *Essere in
aliquo genere Virtutis*, aliud, *sibi videri*, aut
haberi velle affectate. Aliud est *Dolere ve-
reri*, *vel agere aliquid filialiter*, *id est*, *pro
virtutis amore*, aliud *pro servili pavore*,
impulso, *aut respectu*, seu *pro formidine
poenæ*

pœnæ. Aliud *Esse Amicum rectum*, *Constantem*, *Promptum*, aliud agere *Adulatorem*, *Affentatorem*, *Hypocriticum*, verbo effusum, levemque; realitate vacuum, intrusum mensæ asseciam, mentitæ frontis, *Sycophantam*, *Cortesanum*, *Susurronem*, *Obsequiosum*, tuæ fortunæ (immo sui causa) non tui amicum; vel potius magis familiarem, quam amicum, visu amabilem, reipsa subdolum. Aliud *Ezequi aut esse in re, cum spe certa vel praxi*, aliud esse tantum intra verba promissave, tum discursum; aut intra fallacia omina ex futuro eventu. Aliud est, *Nolle sponte cessare, quiescere, aut sibi consulo temperare*, aliud desicere, otiali, vel plane non posse; velut argute Seneca: *Nolle, in cœla est; non posse, prætenditur*. Aliud est, *Consilium ptere, aliud vexare, tentare, aut expiari tantum, seu quærere placentia & assensum; velleque decipi*. Aliud *Consilium dare, atque aliud materias irritare, eludere, immo nonnunquam suavius innuendo (aut vera omittendo) adulari, assentiri, rebusque illudere, & denique fallere*. Aliud *habere justam agendi causam*, aliud habere affestatum prætextum. Aliud est, *Facere quod est virtutis & esse realiter bonum*, aliud cefare, à malo, & esse tantum non malum, *velut,*

velut, ille de Galba: *Magis extra vitia, quam cum virtutibus.* Aliud est, *Esse discretum* (ut vulgus communiter *Officiositatem Politicorum, seu Promptitudinem* vocat, aliud oblitum sui, & suorum, esse planè rerum incurium, mollem, & nimia familiaritate peccare. Aliud est, *Esse eloquentem aut persuadendo fortem,* aliud esse affectate loquaculum, pigmentis verborum, & coloribus ludere, imponendo rebus aliis, dein alios per astutiam & Sophismata eludendo, (tum prout conduct, amplificando, extenuando, obtengendo) falsa statuere, proba inverttere, personas denique, resque fallere. Vel si quæ dantur, aut rectius dici possunt alia.

Exinde, pro insolentia ingenii, plerumque vitiis, nomina virtutum imponimus: aut secus, per malignitatem, vitiorum nomina, adstruimus virtuti. Quod necesse (recto ingeniorum virtutisque pensatori) cavendum.



Hinc

Hinc proximum dicere
TRIPLEX
POLITICORUM
GENUS.

I.

Sunt Catholico Politici. Qui rationes statutus & artes agendi, ad Regulam conscientiae vocant, aut quod extra sit, utile, securum, laudabile, & que illicitum putant: candidae mentis, nec ancipites, aut ex simulato captiosi, cauti tamen & prudentes. Horum actiones, apud versutos praesertim & obliquos (quibus occasio faciendi pro iustitia est, & nisi dicta circuitiva, factaque arcana; non aperta, sed obliqua, tum involuta placent) ruditatis notam ferunt: verum DEUS illis, uti rectis, aperte favet, & supra media humana succurrit, ut plus solidiusque possint, quam alii.

2. Stoico - Politici sunt. Qui inter honestam regulam, quidquid agendum sit, actum quidem volunt, sed cum ad Stoicum rigorem se compontint, & cuncta vocant, nihilque casui, tempori, & rebus condonant; morosi aut Scholastice Politici sunt potius, quam

quam prudentes & Practici. Nec sanant aut componunt res, sed materias irritant saepius, tristes aspectu, contracta fronte, facile suspensi, non ad Civilem comitatem, sed velut ex Cathedra totum agentes, rapiunt res agendas, non reprehendunt; urgent, non amant; nec etiam amantur.

3. *Sophisto - Politici.* Qui res agendas, fallaciis refertas habent, acerbitatem factorum, jocis eludentes, seu obtegentes sua viloquio virtutis; tum amicitiae larvam induunt, quo malignius noceant, post rem privatam cuncta ponentes, non verbo stant, non scripto, sed totum ad suum sensum detorquent, licita, illicita, pari studio involvunt, eoque magis suspecti, quo plus dissimulationem inter, rem agunt; ex tacito magis metuendi. Cave (suadeam) hos, sed vix per summam prudentiam caueas. Tales plerumque suis artibus se ipsos involvunt, læta rerum exordia, sed tristem eventum habent. Documentis quid opus? Consenuit orbis, nec alium illicitorum, quam tristem vidit exitum: sola virtus æterna manet, concutitur illa, sed non frangitur.

Quartum genus Politicorum assignari potest, qui sunt Intermedii: de his judicium non fero;

fero; Infer Lector, libenter audiam, nec
inficiabor.


Hæc mea, Catholico-Politiam loquuntur,
& suadent Lectori.


Laus Uni in SS. Trinitate
DEO, & Uni
Virginis Matri DEI
Gloria.


F I N I S.





Bibl. Jag.
















KSIEGARNIA
ANTYKWARIAT



D No 10467

Biblioteka Jagiellońska



stdr0019392

